

11275

# „ՅԱՌԱՋԻ ՍԱՆԵՐԸ”

..... ԾԱՂԿԵՓՈՒՆԶ .....



ՏԻԳՐԱՆՈՒՀԻՄ  
ԾԱՏՈՒՐ ՊէՐՊէՐԵԱՆ  
ՆԱԶԵՆԻ  
Ա.Ի. Գ. ՄԵՍՈՒՄԵՆՑ  
ՀԵՐՄԻՆԵ  
ԶԱՐՄԷՆ ՇԻՆԱԿԱՆ  
ԿԱՐՕ ՄԽԻԹԱՐ  
ՍԱՐԳԻՍ ԸՆՏՐԻԿԵԱՆ  
ԼԵՒՈՆ ԳԵՂՈՒՆԻ  
ՄԱՄԲՐԵ ՏԵՐ ՊԵՏՐՈՍԵԱՆ

Փարիզ, Օգոստոս 1939

Imp. A. DER AGOPIAN  
17, Rue Damesme - Paris

891.99-82

2-35

Հ110

891.89-82

3-35

-6 NOV 2011

413

# “ՅԱՌԱՋԻ ՍԱՆԵՐԸ”

..... ԾԱՂԿԵՓՈՒՆՉ .....



Մեր սրտագին նուերը, ՅԱՌԱՋԻ 15ամեակին տո -  
րիւ, իր տաղանդաւոր խմբագրապետին եւ մեր ուսու -  
ցիչին՝ ՇԱՀԱՄՇ ՄԻՍԱՔԵԱՆԻ :

ՏԻԳՐԱՆՈՒԴԻ  
ՆԱՏՈՒՐ ՊէՐՊէՐԵԱՆ  
ՆԱԶԵՆԻ  
ԱԼ. Գ. ՄԵՍՈՒՄԵՆՑ  
ՀԵՐՄԻՆԵ  
ԶԱՐՄԷՆ ՇԻՆԱԿԱՆ  
ԿԱՐՕ ՄԵԼԻԹԱՐ  
ՍԱՐԳԻՍ ԸՆՏՐԻԿԵԱՆ  
ԼԵՒՈՆ ԳԵՂՈՒՆԻ  
ՄԱՄԲՐԵ ՏԵՐ ՊԵՏՐՈՍԵԱՆ

1275

Փարիզ, Օգոստոս 1939

06.06.2013



ՀԱԻԿՐԵ ՄԻՍԱՔԵԱՆ



1792-1002

ԹՈՒՂԹ ԸՆԾԱՑՈՒԹԵԱՆ

«Յառաջի Սաները» ահաւասիկ զիս ընտրեր են,  
չըստկան բացատրութեամբ, «առաջնորդ ընծայման»,  
ժողովրդական բացատրութեամբ՝ «կնքահայր»։ Գրա-  
կան կամ ժողովրդական այդ երկու բացատրութեանց  
մէջն հանեցէք քաղաքավարութիւնը, մեր սաներուն  
որոշումը կը ստանայ միայն մէկ իմաստ։

— «Յառաջի Սաներէն» մէկն ալ գուն, առաջ ան-  
ցիր եւ մեղ ներկայացուր ժողովուրդին։

Կրնա՞մ ուրանալ, ճի՛շդ է մեծ չափով։ Արդարեւ,  
այն՝ որ Յառաջի խմբագրապետն է այսօր, բայց ձա-  
կատամարտի խմբագրապետն էր ասկէ 16 տարի առաջ՝  
երբ լոյս կ'ընծայէր իմ առաջին դրութիւնս, ուրախ իր  
«դիւտ»ով՝ մեր գրական կուռքերուն կը ներկայացնէր  
զիս, իբրեւ իր միակ պարծանքը։ Այնուհետեւ կարձա-  
տեւ բնակութիւն մը նոր Շարժումին մէջ (Գուրգէն  
Միիթարեան) եւ ապա նաև ապարդին մէջ (Յ. Ճ. Սի-  
րունի), ու եկայ ի վերջոյ տուն – տեղ եղայ Յառաջի  
մէջ։

Բայց ճիշդ է, նոյնպէս, որ ես գօտի կապած եմ  
(նշա՞ն առնութեան եւ երխտասարդութեան) ուրիշ սե-  
րունդի մը հետ, որ Յարդգորդ կոչուեցաւ կամ Մենք։  
Ճիշդ է, դարձեալ, որ անոնց մէջ ես ներկայացայ իբ-  
րեւ «առաջնորդ ընծայման», այնքան որ շատեր — ըն-  
ծայացունե՞ր — կարծեցին թէ կը սիրեմ իրենց հետ  
եւ չնորհի՛ւ միայն իրենց զարդարուիլ փայլիլ այն ջնա-  
րակով զոր կը քսէի իրենց տաղանդին։ Սիա՞լ «զի ոչ  
եթէ որ զանձն իւր ընծայեցուցանէ՝ նա է ընտրեալ, այլ  
զոր Ֆէրն ընծայեցուցանէ»։ Եւ այս ճշմարտութիւնը

անպայմա՞ն գիտեն հիմակ անոնք որ յիմարացան ջնարակով եւ անոնք որ ի դո՞ւր փեսայ կը փնտռեն՝ «հալաւ հաղուեցնողը» լքած ըլլալով զիրենք, այլեւս նուիրուած՝ միայն իր սեփական աշխատանքին :

Ուրեմն, իբրեւ բեկոր Յարդգոնի կամ Մենիք՝ կը բաժնուիմ «Յառաջի Սաներէն» տարիքով։ Այսքանը յայտնի՝ այլեւս դժուար չէ նշմարել չարաճճիութիւն մը այն իննդրանքին մէջ, որ կ'ուղղուի ինծի՝ ընծայութեան թուղթ մը գրելու համար իրենց, — չարաճճին՝ ը մօրուքիս կ'ապաւինին։ Զէ՞ որ, ինչպէս ընթացիկ կեանքի մէջ կը յարդուի խօսքը որ մարդրիտի պէս է՝ երբ կը հանդչի ալեվառ մօրուքի մը վրայ, այնպէս ալ մտաւրական ասպարէզին մէջ կը փնտռուի գնահատութիւնը որ բախտաւրող թարշիչի պէս է՝ երբ կը յայտարարուի հին ու մեծ արժէքներու ծանօթութեան մէջ ապրած մէկու մը բերնով։

×

Ընծայականը վկայութիւն մըն է գնահատութեամբ պրուած։

Յառաջի աւանդութիւններուն մէջ, սակայն, միշտ պակսած է գնահատութիւնը՝ այնքան որ այդ պակսը հոմանիշ դարձած է գնահատութեան։ Արդարեւ ո՛ր քան կրնաք՝ պակսեցուցէք աղջիկ բառերը, որոնք կը գործածուին զարդարանքի համար՝ իրենց պչըռն ու ցանկալից արտայատութեամբ, եւ որքան կրնաք՝ աւելցուցէք արու բառերը, որոնք կը գործածուին վերանորութեան համար՝ իրենց բիրտ եւ ուժեղ արտայատութեամբ, — կ'ունենաք Յառաջի լեզուն, որ անկեղծութիւն է, որ յեղափոխական ներշնչում է, որ ձայն է փոթորիկի։ Երբ Յառաջ քիչ մը եւս պրկեր է եր-

այս քերականական փիլիսոփայութիւնը, ըսեր են՝ կը հայՀոյէ՛, — անոնք Աղջիկ Մինասները, որ սովոր են խորան զարդարել, ջահեր վառել եւ օրհնութեան ձայն լսել միայն։

Եւ յետոյ, այն որ նշանակուած է առաջնորդ ընծայման՝ կը խորհի թէ փոխանակ ներկայացնելու «Յառաջի Սաները», իրենց գրական նկարագրի հագուստին մէջ, լաւ է ցոյց տալ այն կապը որ «Յառաջի Սաները» կը միացնէ Յառաջի։ Ասիկա փորձ մը չէ խուսափելու գրական գննադատութենէն, — սկիզբէն ի վեր ուզեր եմ հեռու մնալ անկէ, որովհետեւ գրական գննադատութիւնը ի լինելութեան է դեռ մեր մէջ, եւ ինչ որ կը փորձուի՝ կը մնայ մակարոյժ մը հրապարակագրութեան ծառին վրայ, եթէ ոչ ձենիլ երախայ մը՝ մեր վարժարաններուն մէջ, վարժապետներու գթութեան յանձնուած։

×

Եւ ահա նիւթս բաւիդ կը շինէ։

Ճշդել օրաթերթերուն ազգեցութիւնը գրական սերունդներուն վրայ, — ո՛րքան փափաքելի է կամ ոչ, նման ազգեցութիւն մը։ Օրինակներ եւրոպական գրականութեանց պատմութենէն, մեր մէջ՝ Հայրենիքի սերունդէն։ Բայց, այդ պարագային, այս գրքէն դուրս կը մնան մեր «Սաները»։

Անպարենք եւ ճշդենք, ուրեմն, Յառաջի ազդեցութիւնը։

Անմիջապէս հարկ է աւելցնել, սակայն, թէ Յառաջի աղջին տասնեւհինդ տարիներու ընթացքին (1925—1939), իր ազգեցութիւնը կը նետէ երկու սերունդի վրայ, — առաջինը՝ իմ սերունդս, որուն մաս կը կազմեն

անոնք որ կը կրեն նաեւ ծակատամարտիցետոյ Յառաջի հմայքը, կամ միայն այս վերջինին։ Երկրորդ՝ անոնք որ կը մտնեն այս հատորին մէջ եւ կը մնան այս հատորին դուրս, — միջին հաշիւով՝ տասը տարի մեզմէ պըղտիկները, բոլորովին հարկատու Յառաջի։

Կը յիշեմ, Երեւանի թերթերը տուին, նոյն չըջանին մէջ (Երկու երեք տարիով աւելի, 1922 — 1939), երեք հունձք։ Վերջին հունձքը, դատելով անոնց հրատարակուած խմբանկարներէն, լեզուէն եւ կենսադրական տրուած թերի ծանօթութիւններէն, որոշ չափով կը համապատասխանէ Յառաջի հունձքին, — Երեւանի երրորդ սաները կապ չունին մեր անցեալին հետ, լեզուն սորված չեն հին արմատին վրայ, իրենց ներշնչումը intrinsèque ուժ չունի։

« Յառաջի Սաները », խօսելով ամբողջ սերունդին մասին, քիչ մը աւելի բախտաւոր՝ անոնք տարտամ ու մշուշային յիշատակներով կապուած են հայրենիքին, լեզուն սորված են ազգային վարժարանի մը առաջին դասարաններուն վրայ եւ Յառաջի էջերուն մէջ, իրենց ներշնչումը intrinsèque ուժ ունի՝ որովհետեւ կապանքէ աղատ, այլեւ հարկատու extrinsèque տպաւորութիւններու՝ որովհետեւ տարագիր։

Ինչ որ կը յատկանչէ « Յառաջի Սաները » ամէնէն աւելի, լեզուական հայրենասիրութիւնն է, — տարագրութեան բերքն է այս, կորսուելու մտավախութիւնն ունեցող զանգուածներու ինքնապաշտպանութեան բերդը։

Ես անոնցմէ չեմ, որոնք կը կարծեն թէ լեզուական հայրենասիրութիւն կոչուած ութեղ կընայ վրկել մեղ՝ առանց տարբեր պայմաններու օժանդակութեան։ Բայց կ'ընդունիմ որ ազգային միութեան ամէնէն ուժեղ ջիղն

է լեզուն, այսօր յանձնուած մեր մամուլին խնամքին՝ երբ այնքան դժուար է ազգային վարժարաններ բանալ։ Ավառ’ս, արտասահմանի մեր խմբագիրները այնքան տղէտ են, ո’րքան Երեւանի խմբագիրները, լեզուի տեսակէտով։ Քիչ են այն թերթերը, որոնք ծաղիկի պէս լեզու մը ունին եւ զայն կը մշակեն, կը խնամեն, կը գեղեցկացնեն։ Յառաջ մէկն է ծաղիկի պէս լեզու ունեցողներէն, ու թերեւս ամէնէն մոլեռանդ մշակը անոնց։ Ան աշխատած է իր մոլեռանդութենէն բան մը տալ նաեւ իր Սաներուն։

Երկրորդ աշխատանքը, զոր կը կատարէ Յառաջ, կը կայանայ այն Պառէսեան ճիղին մէջ, որով կը փորձէ վերակենդանացնել հին աւանդութիւնները, արթնցնել հայրենի յիշատակները, թրթուացնել երկրին ձայնը, արծարծել հայկական կլիմայահողերանութիւնը, մշակել Հայաստանի եսը այս déraciné ժողովուրդին մէջ։ Գիտեմ թէ ոմանք, հոգերանութեան տարրական գիտելիքներուն անծանօթ, ստեղծագործ եւ ինքնատիպ երեւակայութեան պակաս կը տեսնեն անցեալը վերականգնելու փորձին մէջ, զոր կ’անուանեն passéisme, այնքա՞ն հեղնութեամբ։ Եթէ գիտնային թէ ինքնատպութիւնը ներքնեկ է, ցեղային տարրերու հետ մը տերմութեան ծաղիկ մը։ Եթէ գիտնային թէ ստեղծագործութիւնը կենսահողերանական տուրք մըն է, որ այնքան հրաշալի է որքան բխումը կուգայ ոչ միայն անհատէն, այլ եւ իր հաւաքականութեան ընդերքէն, մինչեւ իր մեռեներէն։ Եթէ գիտնային թէ ստեղծագործութիւն չէ, ինքնատպութիւն՝ բնա՛ւ երբեք, զործածել լուսանկարչական գործիք՝ առանց հետաքրքր ուելու թէ ի՞նչ կը նկարէ, կամ ստեղծուած է մթնոլոր

ուը, որպէսզի հոդեկան լոյս ցաթէ եւ ընկալուչ պաս —  
տառը ընդունակ ըլլայ տպաւորութիւն : Ա՛խ, եթէ գիտ-  
նալին affinitéի տեսութիւնը :

Յառաջ հաւատարիմ կը մնայ մեծ հաւաքականու-  
թեան կամ ցեղային ժառանդներու պաշտպանութեան,  
եւ իր այդ վարդապետութենէն բան մըն ալ տուած է իր  
Սաներուն :

Ի՞նչ փոյթ թէ արուեստի պահանջներ կատարելա-  
պէս զարդացած չըլլան անոնց մէջ, — տրուածը բաւա-  
կան է իրենց՝ շարունակելու համար ինքնամշակումը :  
Այլեւս մնացեալին հոդը կ'իշնայ intrinsèque չնորհներու  
ազատ եւ յորդառատ բխումին :

Յառաջ իր Սաներուն հաղորդած է նաեւ իր նկա-  
րագիրը, եթէ կ'ուզէք՝ իր վարդապետութիւնը, — ի -  
տէալիզմ : Նախ չերմութիւն կը գնէ հոդիներու մէջ, ,  
պաշտպանելու համար դասական նկարագիրներու ցըր-  
տութեան դէմ : Յետոյ պայծառութիւն՝ պաշտպանելու  
համար ոռմանթիք նկարագիրներու մշուշին դէմ : Եւ  
ամէնչն վերջ՝ կը կանգնէ գեղեցկութեան արձանը, ի-  
րապաշտ գչիրով տաշուած եւ հայրենանուէր արտա-  
յայտութեամբ մը կենդանի : Այդ արձանը եթէ լեզու  
առնէր, պիտի ըսէր .— Հայկական ամէն ուժ ընծայ  
մէր հայրենիքին, եւ վերականգնեալ հայրենիքը՝ յա-  
ռաջադէմ մարդկութեան :

Յառաջի Սաները, խմբադրապետին բացատրու-  
թեամբ՝ «ըջանաւարտները» այս trempeը ստացած, Յա-  
ռաջի տասնեւչինդամեակին առթիւ՝ կուզան ներկայ  
հատորն ընծայել իրենց սիրելի խմբագրապետին եւ ը-  
սել .— Զքոյդ ի քոյց քեզ մատուցանեմք :



ՏԻԳՐԱՆՈՒԶԻ

(Աղնիւ Խանտանեան – Թորիկեան)

Ծնած է Տիգրանակերտ : Խախալրբուրինը ստա-  
ցած է բաղաքին աղջկանց վարժարանին մէջ (Ս. Կիրա-  
կոս Եկեղեցիին քաղը) : 1926ին Ֆրանսա եկած եւ ծանօ-  
քացած «Յառաջ»ի : Գրել սկսած է 1937ին : Գրական  
ծածկանունը տուած է Շ. Միսաքեան : Կապրի Վիկն  
(Խղեր) :

ԵԿՈՒԽԻՐ, ՍԻՐԵԼԻՄ



« Երբ դարունը բացուի, նորէն եկո՛ւր» ըսիր ինծի  
վերջին անգամ :

Նստեր էինք քով քովի, աւերակ ցանկապատերու  
քովիկը : Վայրի ալոճի դեղին ու անուշահոտ պտուղներ  
թափեր էր մարդին վրայ : Որթատունկերու սեւ ող -  
կոյզներ կախուեր էին հասունցած մասրենիներուն մէջ :  
Վարը կ'երկննար սպիտակ ու փլիլած ճամբան՝ ուր  
ոչ մէկ կենդանութիւն կար :

Հոգեպարար լոռութիւն մը կ'իջնէր երդ ու երազի  
թափառիկ չունչով : Եւ կը լոռէր աղբիւրին հեղիկ  
դդչիւնը տրտում ու երերուն :

Դուն հոն պատմեցիր շատ տիսուր բաներ : — Ցեղին  
անլուր ցաւերուն, ահաւոր տառապանքին մութ ու մը -  
ուայլ ողբերգութիւնը : Ուր՝ զգացի բոլոր սարսափին ու  
արհաւիրքը անհաւասար ողորումներու, խաչուած սէ-  
րերու, խորտակուած յոյսերու ... :

Ցեկեկուն ձայնիտ ամբողջ վիշն ու մորմոքը չի՞  
առ չիթ կաթեցան հոգիիս մէջ : Զքացաւ դալկոտ գե-  
ղեցկութիւնը իրիկնամուտի բորբ հորիզոններուն : Եւ  
յոյն ու թրթիուը նորատի ճակտիս՝ խամրեցան ... :

Կը թուէր թէ սարերու ետեւէն՝ հեռաւոր ձորերէն  
ու ծմակներէն՝ կը հասնէին աղեխարչ ողբեր ու կոծեր,  
հեծեծանքներ ու հոնդիւններ : Եւ կ'երեւնային քստմնե-  
լի պատկերներ՝ արիւնլուայ ճերմակ մարմիններու,  
խոցոտուած կուրծքերու, ջարդուած անդամններու ... :

Զով ու թեթեւ հովը՝ կը բերէր սուր ու միալար  
նուազը միջատներուն : Մութը կը ծաւալէր յամրօքէն :

Ստուերներ՝ այլանդակ ձեւերով՝ կը ձգուէին փլատակ-  
ներուն վրայ : Վայրի ու խուլ երկիւղ մը կը համակէր  
զիս : Կը նշմարէի բութ դանակներով վայրադ դահիճ -  
ներ, եղջիւրաւոր ու զարհուրելի : Եւ զոհեր, զոհեր.... :

Սիրալիր, թախծոտ ժպիտով մը ձեռքդ ուսիս դրիբ  
այն ատեն եւ ցած ձայնով խօսեցար ականջս ի վար:

— « Աշխարհը այսպէս չի մնար : Գարնան նորէն ե-  
կո՛ւր, սիրելի՛ս ... :

Սիրտ առի : Ի՞նչ քաղցը էր ձայնդ եւ առինքնող :  
Հոն կար անբացատրելի գորով եւ աննկուն ոյժ :



Հիմա մեզ կը բաժնեն ծովեր ու ցամաքներ, լեռներ  
ու դաշտեր, անապատներ ու գետեր :

Դարձեալ կը տենչամ լսել ձայնդ որ ըսէր ինծի .  
— «Եկո՛ւր, նոր գարուն բացուեր է մեր քար ու քանդ-  
երկրին : Երկինքը հաշտ է ու մտերիմ : Արեւը բարի է  
ու բուժիչ : Արտերը բերրի են ու ինկահոտ : Մաղիկներ  
կը բուրեն, կը պարեն : Սոխակները կը տաղերգեն, կը  
սիրեն ... :

Կանչցեր են այդիներն ու կարմրեր՝ վարդերը :  
Մեր տնակներն ու հիւղակները նորոգուեր են : Կացի -  
նահաւը ծառերու բուներէն դալար ընծիւղներ ծիլ արձա-  
կեր են : Թուչունները կը ճուռողեն, բոյն կը շինեն ... :

Զինջ աղբիւրներ կը հոսին զուլալ ջուրերով : Աստ-  
ղեր կը քթթեն գիշերը, լոյս ցանցերով :

Արշալոյին կը զօղանջէ ժամուն զանդը : Կ'արթննայ  
օրը : Կեանք ու ծիծաղ, եւ մանուկներ ... :

« Եկո՛ւր, ելլենք մեր լեռները՝ ուր ծաղկեր են  
քրքումն ու շահոքրամը, յասմիկն ու յակինթը, ուր

կարածին ձիւնասպիտակ դառնուկներ, սեւուլիկ այծեր  
ու ուլեր, եւ երինջներ » :

« Դրախտ է մեր աշխարհը : Շուտ եկո՛ւր, սիրե՝  
ի՞ւս . . . » :

Աչա ձեռքս քեղի կ'երկնցնեմ, քոյր իմ : Հնազանդ  
եմ ձայնիր : Տե՛ս, ի՞նչքան մաշած եմ օտարութեան  
մէջ :


Երկաթէ մուճակ հագուիմ, պողպատէ դաւազան  
առնեմ, եւ ճամբայ իյնամ :

Թող ձայնդ առաջնորդէ զիս, աւելի հնչեղ ու սըր-  
տագին, աւելի հօր ու տիրական :

« Եկո՛ւր, սիրելիս . . . » :



### Ե Ս Ո Ւ Դ Ո Ւ Ն (Աւանդութիւն)



Պատուհանէս զուրս հանդիպակաց ըլլակներուն վը-  
րայ ինկած է աշունը թոյլ հեւքով : Կանանչութիւնը փո-  
խեր է իր գոյները : Քոսոտեր են պտղատու ծառերը :  
Հեռուն, շահօքբամներ, ճերմակ, կարմրագոյն, կը  
դողդզան վախկոտ արեւին շողերուն տակ : Կաղամա-  
խիներէն տերեւներ կը թափին եւ հողմավար կը խշտան  
ճամբաներու եղերքը : Խոնաւ ու մսկոտ շունչ մը բռնած  
է ամէն կողմ :

Հողիս կը դառնայ դէպի երկիրս, ուր աշունները  
գեղեցիկ էին ու հողեապարար : Այնտեղ արեւը բարկ էր  
ու բարի : Մառախուղը չէր թրջեր տուն ու տանիք : Եւ

մոռցուած աշուններուն տժդոյն պաստառին վրայ  
քաղցր ու գրաւիչ պատկեր մը կը նկարուի . . .



Կէսօրը անցած է : Արեւը զանդակատան քառաթեւ  
խաչին ոսկիին հետ կը սիրութափի : Մօրեղբայրս, Տիդ-  
րանիկ, երկար ու բարակ ձող մը բռնած՝ կ'աշխատի  
վար թափել նոնենիներէն հասած ճեղքըտած պատուլ-  
ները : Մեծ հայրս ներքնասենեակէն դուրս կ'ելլէ՝ որսի  
հրացանը ուսին : Աչքով նշան կ'ընէ մեղի : Կը պատրաս-  
տուինք իրեն հետեւելու : Մեծ մայրս կ'արդիլէ : Տիդ-  
րանիկը իր կրտսեր մէկ հատիկ մանչ զաւակն է, ուխ-  
տերով աշխարհ եկած : Մենք արդէն փողոցի դռնէն  
դուրս կը թռչնիք եւ կը լսենք անվերջ կշտամբանքներ,  
անօդուտ մեղադրանքներ մէծ հօրս հասցէն, որ չի  
մոռնար երիտասարդութիւնը, յամառ սիրահար մը  
որսի :

Դուրս կ'ելլենք քաղաքին հարաւ-արեւմտեան պա-  
րիսպներէն : Կարճ զառիմիարէ մը «Ես ու Դուն»ին պար-  
աէզը կ'իջնենք : Մեծ հայրս կը յառաջանայ ծառաստան-  
ներուն խորը : Կը նայիմ իր ետեւէն : Ուսերը կքած են  
քիչ մը, բայց ան կը քալէ ուղիղ եւ ծանր : Հրացանին  
փողը կը փայլի արեւէն մէջ : Ինք շատ կը սիրէ հրացա-  
նը : Անոր կապուած են իր երիտասարդ օրերու մտերիմ  
յոյզերն ու արկածախնդրութիւնները :

Ծառազարդ ու ծաղկառատ է պարտէզը : Մշտահոս  
ականակիտ ակունքներ կան հոն : Այնանուխի, շահաս-  
պրամի բոյրերովը լեցուած է միջոցը : Պատուտակները  
կարմրեր՝ զամբիւլածեւ կախուեր են ուսիներէն : Վայ-  
րի թիագոյն տատրակներ, կապտորակ աղաւնիներ ե -

բամ երամ կը նազին ջուրերուն վրայ : Հաստարուն փշա-  
տի մը, վարդանոցին մօտ, պահակ է կանդնած :

Մենք ծանօթ ենք այս դրախտային վայրերուն : Ե-  
կած ենք գարնան այն ամսուն, երբ պարխապներու լերկ  
քարերն անդամ ծաղիկ կը ծնին : Հոս, զմայլումով ուն-  
կնդրած ենք սոխակին երդին : Հոս են պատմեր մեղի ա-  
նոր սիրոյ եւ վիշտի հէքեաթները :

Մաղկաթուփին քով՝ կը հսկէ ան արթուն, երդելով  
հրավառ մեղեղիներ : Նախանձոտ յաւերժահարսները ,  
սակայն, կ'երկնցնեն մայիսի կարճ գիշերը : Եւ ահա,  
յոզնած պարտասած, սիրահարին քունը կը տանի : Պա-  
հիկ մը չանցած՝ կը բացուի վարդը : Եւ երբ կ'արթննայ  
սոխակը կուլա՛յ կուլա՛յ յուսախաբ :

Մենք օր մը նոյնիսկ տեսանք լալը : Անոր արցունք-  
ներուն բիւրեղացած կաթիլները ինկեր էին վարդի թու-  
փին վրայ . . . :

Տիգրանիկը այծեամի պէս ծառերն ի վեր կը շուլ-  
լուի : Կը լսեմ մեծ հօրս հրացանի որոտը եւ սիրտս կը  
դողայ : Մուլը թուխապ ամպի մը նման կը գոլորշանայ  
ծառերուն գաղաթներէն վեր, յամըընթաց : Թռչունները  
խրտչած՝ սարսափահար տեղ կը փոխեն ճիւղէ ճիւղ :  
Բոպիկ պղտիկ հովուուհի մը ուլիկները արածելու բե-  
րեր է : Անոնք կը ցատկրտեն եւ կը կրծեն մատղաշ առ-  
ւոյները ջրեղերքին մօտ : Կը տեսնեմ «Եօթը եղ-  
բայրները » :

Միեւնոյն ձեւով եւ բարձրութեամբ կը կանդնին  
այս ամրոցները կոնաձեւ ցցուածքներով եւ իրարու կը  
կապուին 100 մեթը հեռաւորութիւն ունեցող ողորկ  
պատնէշներով : Ամբողջ պարխապները՝ դուրսէն այս ձե-  
ւով կը շրջապատեն քաղաքը : Իսկ ներսէն քարէ աստի -

ճաններ կը բարձրանան զանազան մեծ ու պղտիկ բա-  
ժանումներու մէջ, որոնք կը կազմեն պարիսպներուն  
ներքնամասերը : Ժամանակին, երբ Տիգրանակերտի բը -  
նակչութիւնը անհամեմատ աճեր է, այդ ամրոցները  
ծառայած են իրեւել բնակելի տուներ եւ ցորենի շտեմա-  
րաններ : Պաշարումներու ժամանակ, անոնք յատկաց-  
ուած են զինուորներուն : 1916 — 17ին, Վանի, Պիթլիսի  
եւ Խնուսի թուրք գաղթականներուն ապաստանարան :

Տիգրանիկը կուգայ վայրի կազիններ, փշատներ  
գողը լեցուցած : Ուրախ է : Երբ հասակը քիչ մը աւելի  
բարձրանայ եւ դաստակները լայննան, ինքն իր սեփա-  
կան հրացանը պիտի ունենայ : Հայրիկը այդպէս խոս-  
տացած է : Ուրսի պիտի ելլէ : Երբ ձիւնը ծածկէ երկիրը,  
բուստէ կոռուցով կաքաւներ կը կարկաչեն հոս : Ողջ ողջ  
պիտի բոնէ զանոնք : «Ես ու Գուն»ի պարտէզին յաւեր-  
ժահարսերն են, որ կաքաւ կը ձեւանան խարելու համար  
նորատի որսկանները : Եւ կը պատմէ գունազեղ առաօ-  
պելներ, կախարդիչ ու դիւցազնական, որոնց ամէնուն  
ալ կը հաւատամ եւ հոգիս կը լեցուի յոյզերով ու սար-  
սուռով :

Փշատիի բունին քովիկը կը սեղմուինք իրարու  
մօտ : Հրացանը կ'որոտայ : Արձագանդը, խուլ եւ ծանր,  
կը զարնուի «Եօթը եղբայրներ»ու մամուապատ կուրծ -  
քին, ուր արեւը ոստայն կը հիւսէ :

Ինծի կը թուի թէ կը զգամ հին օրերու մարտական  
կոչ մը : Այս ամրութիւններուն վրայ հսկաներ կոիւ են  
մղած : Այստեղ հնչած են պատերազմի շեփորներ : Ճո-  
ճեր են նիղակներ : Եւ նետերու շկահիւնին մէջ ջար-  
դուեր են բանակներ : Դիտապաստ ինկած է թշնամին,  
չեթանոս աշխարհակալներու գրոհնիմ տակ :



Կ'ըսեն թէ «Եօթը եղբայրներ»ը անխոցելի մնացած են իրենց շինութենէն ի վեր: Անոնց ու եւ է անկիւնէն քար մը անդամ չէ փրթած տարիներու ընթացքին: Ա - նազարտ կը մնան սեսլաձեւ արձանագրութիւնները: Այսպէս պարիսպներու ճարտարապետութեան գլուխ - գործոցը կը համարուին: Ու սրտայոյդ աւանդութիւն մը զանոնք կը կապէ «Ես ու Դուն»ի պարտէզին եւ ակերուն հետ :

Գարնան եւ աշնան կը կնակ գեղեցկութիւնները, երբ շունչ ու բոյր կուտան բնութեան, Տիգրանակերտացիները գուրսը վայելքի կ'ելլեն: Կ'անցնին «Եօթը եղբայր - ներու» պարիսպներու տակէն: Եւ կը նորոգուի, ուժի կ'առնէ աւանդութիւնը, դարէ դար կը պատմուի, այսպէս :

×

Մեծ եւ աննախընթաց խանդավառութիւն՝ երբ կ'աւարտի Տիգրանակերտի պարիսպներուն շինութիւնը: Կը հաւաքուին քաղաքին գիտունները, արուեստագէտները, ծերերը, իշխանները եւ թագաւորին հրամանով կը նըստին ժողովի: Տարիներու անդուլ ու յարատեւ աշխա - տանքով՝ անառիկ դարձած է մայրաքաղաքը: Կը կան - չուին բոլոր այն ճարտարապետները, որոնք զեկավարեցին եւ հազարաւոր բանուորներ գործի լծեցին: Իւրա - քանչիւրին արժանի տիտղոսներ եւ պատուանշաններ պիտի տրուին: Քննութենէ կ'անցընեն ամբողջ շինու - թիւնը չորս դոներով բոլորաձեւ պարիսպին: Կը յայտ - նուի, որ հարաւէն արեւմուտք իրարու միացած եօթը ամբոցներները գերազանցօրին անբաղդատելի են: Այդ միանման եւ հոյակապ շինուածքները կը կոչեն «Եօթը

Եղբայրներ»: Մէջտեղ կը կանչեն անոնց ճարտարապե - տը, երիտասարդ եւ դեռ անմօրուս աշկերտ մը, մէկը հոչակաւոր վարպետի մը բազմաթիւ աշկերտներէն :

Կը սարքուին աննախընթաց հանդիսութիւններ, ժողովրդական խրախնանքի սեղաններ: Արքայական մունետիկները ամէնուն կը ծանուցաննեն նոր եւ մեծա - նուն ճարտարապետ աշկերտին անունը: Արքունական նուազածուները գովքը կը հիւսեն անոր: Աղջիկները եր - գելով կը պարեն ու կը պանծացնեն երիտասարդ տա - ղանդը: Հանդիսութիւնը կը տեւէ, այսպէս, 40 օր 40 գիշեր :

Կը նախանձի վարպետը: Իր փառքը ինկած է այլ - եւս: Ոչ ոք կը մեծարէ զինքը: Կը փակուի տանը մէջ: Սուտ հիւսնդ կը ձեւանայ: Սրտին մէջ բոյն կը դնէ ա - տելալառ մախանքը, որ կը կրծէ զինքը: Կը ճգնի փըն - տուել միջոց մը, որով կարելի ըլլայ անհետացնել աշ - կերտը :

Արեւոտ օր մը, աշկերտը այցելութեան կ'երթայ իր վարպետին: Այս վերջինը պտոյտ մը պատրուակելով կը բարձրանայ «Եօթը եղբայրներ»ուն վրայ, աշկերտը հետը առած :

Հրաշալի է տեսարանը: Երանութեան եւ բարիքնե - րու աղբիւրը՝ բնութիւնը կը յորդի վարը: Աշխարհը յայն է եւ աղատ, վայելքը ձրի եւ առատ: Իրենք յաղ - թողներ՝ Արեւ աստուածութեան յաւիտենական չնորհին տակ :

Կախարդական է պահը: Հաճելի է կեանքը եւ հեշտ: Աշկերտը հմայուած է: Վարպետը կ'օգտագործէ ա - ռիթը: Շողոքորթ լեզուով իր սքանչացումը կը յայտնէ անոր գործին մասին եւ ուրախութիւն՝ իր յաջողու -

թիւններուն, տիտղոսներուն համար եւ կամաց կամաց զայն կը բերէ պարիսպին եղը: Հիանալի է, արդարեւ, անոր ձեռագործ աշխատանքը:

Աշկերտը նախազգացումով մը դլուխը կը դարձնէ վարպետին: Անոր աչքերուն մէջ կը կարդայ զարհուրելիդաւը: Նողկալի է վարպետին կեցուածքը, ճիշտ իր եւ տեւը: Կը հասկնայ թէ պիտի չկարենայ ինքինքը պաշտպանել: Ուստի, գերմարդկային ճիգով մը կ'եր՝ կնցնէ իր հուժկու բազուկը դէպի ոսոխը եւ զայն իրեն քաշելով՝ կ'ըսէ.

— Վարպետ, ես ու դուն ...:

Եւ երկուքը մէկ՝ պարիսպէն վար կ'իյնան թաւալգլոր: Կ'ըսեն թէ վարպետին մարմինը, ծանրաշարժ ու զանդուածեղ, ջարդ ու փշուր կ'ըլլայ ինկած տեղը: Մինչ աշկերտինը՝ կը ճախրէ դէպի պարտէզ, ուր անոր արեան կարմիր շիթերէն ակեր կը բխին եւ կը կոչուին «Ես ու դուն»:

X

Արեւը հակած է մայրամուտ: Դադրած է հրացանի որոտը: Հորիզոնը կը բոցալառի, կը գունատի եւ կը հանդարտի: Մեծ հայրս մեզի կուգայ գոհունակ դէմքով: Խաղաղութիւն կը մնջեն թոշունները ու կը թառին ճիւղերուն վրայ: Տիգրանիկ կը վազէ եւ որսի մախաղը կ'առնէ եւ հպարտութեամբ ուսէն վար կը ձգէ:

Կը բարձրանանք զառիվերը: Ճեթանոս օրերու այտին աւանդութիւնը մարմին կ'առնէ: Կը տեսնեմ երկու հսկաներ բարձրաբերձ պարիսպներուն վրայ կեցած, — վարպետը՝ տրտում, աղէբեկ մօրուքով, նախանձէն կուրցած, կիրքէն մոլեգնած, որ ահաւոր զղջումով ան-

գունդն ի վար կը նայի եւ կը չքանայ յանկարծ: Աշկերտը, — ժպտուն, միամիտ ու ներող, որ մահը կը դիմագրաւէ յաւիտենական ճախրանքով մը:

Գորչ ու մութ ամպեր կը կախուին բլրակներուն վրայ: Դեղնած տերեւները հողմակոծ կը քշուին: Կը սրսփան շահոքրամները յողնած ու վհատ: Բարակ ու ցուրտ անձրեւ մը կը սողայ: Պատուհանս կը գոցեմ:

Իմ երկրիս կարօտը աւելի քան ջերմիկ յոյզերով կը լեցնէ հոդիս :

« Ես ու դուն », անցեալ փառքերու, հեթանոս յուշերու պարտէզ, ուր, հիմա, դարձեալ կը դլվան ակերդ յաւերժական ու տենդոտ, փսփսալով պատմութեան հըրաշքները եւ անդիր աւանդութիւնները, իմ չքնա՛զ երկիր:

◎

ՊՏՈՅՏ ՄԸ ՀԱՅՐԵՆԻ ԼԵՌՆԵՐՈՒՆ ՄԷՋ

— 0 —

Երկար է գարունը լեռներուն վրայ: Յունիսը Մայիսի պատկերն է, աւելի չքեղ եւ հասուն: Առաւոտը ցօղերով լեցուն է: Արեւը գգուող ու բարի: Հեղ են իրիկունները երբ ստուերները կ'իջնեն սարերէն՝ բնութեան խորհուրդը երգելով:

Շատ երկար է գարունը Արդնիի լեռներուն վրայ, եւ հոս է արդէն անոր բոլոր գեղեցկութեան կախարդական հմայքը: — Վարը ձորերը եղերող թթենիներուն մէջ նշան է ինկեր. ծիրանին դեղնոտեր է. սարտինաները ծանրաբեռնուած են ազիտներուն տակ. հեռուն հովիտներու մէջ գարին ոսկի ալիքներ կուտայ. մինչ վերը, ծառերը տակաւին ծաղիկ կը թափեն իրենց ար-

մատներուն տակ, թռչունները հիւրընկալուած են տօ — նելու լեռներու չքնաղագեղ, մշտաղալար դարունը :

Արզնիի վերի քաղաքը հիանալի լեռնաղաշտ մըն է : Դիմացը Արեգակի լեռը (Կիւնէշ տաղին), ետեւէն դէպի աջ կը տարածուին հովիաներ գլուուն առուակներով, պարտէղներ՝ պաղատու ծառերով եւ դարձեալ լեռներ հասուն այգիներով : Քաղաքը դրեթէ ամայի է : Փլատակներուն մէջ տուներ կան դոց գոներով, որոնց առջեւ խոտը աճեր բարձրացեր է դէղ դէղ — սովամահ կոտորուող թուրքերուն բնակարաններն այդպէս փակուած են, մռայլ ու մեղապարտ :

Եռ մը կը բարձրանայ քաղաքի ճախ կողմէն : Թուրքերը վաղուց րոնաղրաւեր են այդ լերան վրայի ու խոտասեղին եւ կոչած են զայն Զլլիքի նապի եւ լեռն աշմիեւնոյն անունով կը ճանչցուի հիմա :

Զառիվերը յոգնեցուցիչ է եւ դարձդարձիկ . բայց համելի : Լուսիկ քուրիկի պատիկները կը հաւաքեն գորշ կանանչ բոյս մը — Մարիամ խոտ — խիստ լեզի եւ ընտիր դեղ՝ աչքի ծանր խոցտուքներու եւ անմարսողութեան, նաեւ Ս. Կարապետի ծաղիկ, — աս ալ մոյզ դեղին զնափիկներով, հոտոտ հազուազիւտ ծաղիկ մըն է, եւ լաւագոյն դեղ տկարութեան ու վախի :

Կէս ճամբուն վրայ հին ատեններէ մնացած աւել րակներու հետքեր կը տեսնուին : Իրաբու վրայ եւ շարքերով : Ժամանակին Արզնիի բնակչութիւնը մինչեւ լերան լանջը կը հասնի եղեր եւ քարայրի մը բաց բերանը կը սպասէ ճամբուն վրայ : Վճիտ ու պաղ ջուր մը կը բխի եւ կը հոսի քարայրէն ներս . ակին երկու կողմերը քարէ շինուած նստելիք տեղեր կան :

Ուրեմն հոս բնակող լեռնականները այս ակէն խը-

մած են, եւ հարսներն ու աղջիկները կուժը վար դրած կարգի սպասած են . . . : Ա՛Հ, Հայոց աշխարհի աղբերը ներն ու ակունքները, քարերն ու ճամբանները լեզու եւ զգացում ունին, պատմելու ու պատկերացնելու համար հեռաւոր անցեալը :

Կլոր ծաղկագեղ դաշտ մըն է լերան վրայ : Երկու պղտիկ չէնքեր կան դէմ դիմաց : Մէկը քանի մը խար - խուլ սենեակ ունի քովլ քովլ, փակ դռներով, կոտրտած պատուհաններով, միւսը կոկիկ գետնայարկ մը, Թուրքերու ու խոտասեղին : Դռներն ու պատուհանները Արեգակի լեռներուն կը նային, — ահա աղացոյցը հայկական սրբատեղի մը ըլլալուն :

Գրեթէ կիսովին պարապ է լեռնաղաշտին տակը, լեցուած է սառնորակ ու զուլալ ջուր : Ակը շատ խոր է, ջուրերը կը սեղմուին ու կ'ընդլայնին, ու կ'իջնեն ակօսներ բանալով լերան սրտին մէջ, ո՞վ դիտէ ո՞ւր, ո՞ր բլրակին կուրծքին, ո՞ր հովիտին եղերքը դարձեալ պետի ցայտեն, գլուխալով լեռներուն մութ մութ հէքեթը :

Բարձրահայեաց լեռը ասկէ չի տեսնուիր, քարաժայու մը բարձրացած է ցցուած քարերով . հոն կ'ելլենք : Նեղ անդնդախոր ծոր մը կը բաժնէ այս երկու ամեւի լեռները իրարմէ : Այնքան մօտիկ են : Աւանդութիւն մը կ'ըսէ թէ քոյր-եղբայր եղած են ասոնք : Քոյր լեռը անառիկ է, հոն հաստատուած է Ս. Աստուածածնի վանքը, եղբայր լերան վրայ ալ քաղաքը :

Փայտէ սանդուղ մը, 4 — 5 մեթր բարձրութեամբ դրուած է երկու կողմէն, հրուանդանի պէս երկարող ծայրերուն վրայ : Վերջերս թուրքերը ատկէ մտած են պեղումներ կատարելու համար վանքին մէջ, տիրանալու

համար անոր առասպելական գանձերուն, կառավարութեան աչքէն դադտնի :

Կը բոպիկնանք ու սանդուղներէն վար կ'իջնենք զգուշութեամբ: Տակը անդունդ է անձար ու քարքարու:

Կը դառնանք շրջանակաձեւ լերան աջակողմը ու այծի ոտքերով վեր կը մաղլցինք: Պարսպաձեւ պատի մը մէկ դունակին ներս կը մտնենք:

Բլուր մը ձեւացուցեր է 350 սենեակներու փլատակը: Կոտրած սիւներ, ջարդուած խճանկարներու կը - տորներ, փշուած ապակիներ, անօթներ: Տեղ տեղ յամառորէն կանդուն մնացած պատեր կան: Կ'ելլենք, կ'իջնենք, կը գլորուինք եւ երբեմն կը թաղուինք: Փըիրուն է հողը, իրարու վրայ իջած են երդիքներ, պատեր:

Այս կողմը մառանները, խոհատունը եւ փուռը, քիչ անդին կենդանիներու գոմերը, ախոռնները, ամբարները, յարդանոցը, յետոյ միաբաններու տնտեսութիներու առանձնարանները, ուխտաւորներու յատ - կացուած յարկարաժինները, հարիւրաւոր սենեակներով: Բոլորը, բոլորը կահաւորուած: Վանահօր խցիկը, գրադարանը եւ սքանչելի ընդունարանը, — հնադարեան չինական յախճապակիէ խճանկարներով զարդարուած անոր պատերն ու առաստաղը երկրէ երկիր օտարազդի այցելու հիւրերու հիացում պատճառած են իբրեւ հին ճարտարարուեստի եւ քաղաքակրթութեան մեծադոյն նմոյշ :

Ժամուն հետքերը կը փնտռենք: Կիսափուլ պատերու նեղ անցքերէն կը քալենք, կը յառաջանանք: Ահա դուռ մը, ներս կը մտնենք, — ի՞նչ անակնկալ, ժամն է որ պղտիկ երեք խորաններով, ամուր, քարաժայոին կըր —

թնած է: Ճերմակ պատերը մերկ են: Միայն արձանա - դրութիւններ կան ու կը մնան, թուականներով: Վանքը այցելողներ գրած են հոն, կարինէն, Վանէն, Տարօնէն, Խարբերդէն, Ուրֆայէն, Ամասիայէն, Սեբաստիայէն : Խորին հիացումի եւ յարգանքի արտայայտութիւններ, միեւնոյն իմաստներով: Կը կարդամ .

— « Կանգուն մնաս դարաւոր սրբութիւն Հայոց աղ - գի... », « Օրհնութիւն եւ պատիւ մեր նախահայրե - րուն... », « Վայելքի անմոռանալի օրեր անցուցինք, առաստութիւն, բիւր բարիք, չէն ու պայծառ մնայ վան - քը »:

Ուրիշ անկիւն մը, բարակ եւ յստակ գիրերով.

— « Ս. Աստուածամա'յր, ջուրերուդ զօրքին մեռ - նիմ, համբուրեմ քարերդ, յիշատակդ պաշտելով պա - հեմ, անսասան մնաս ... »:

Պատերը լեցուն են այս կարգի սրտառուչ տողերով, յուղումնալից ու բարախուն :

Գերմաններէն կարճ արձանագրութիւններ ալ կան, հոս հոն ցանցնուած 1916 — 17 — 18 չարաշութ թուա - կաններով :

Հեռուէն, խորանին կողմնակի պատին վրայ անուա - նացանկ մը կը տեսնեմ, սեւ մատիտով զրուած. կը մօ - տենամ: Տիգրանակերտէն ծանօթ դէմքեր .— Տիգրան Պատալեան, Լեւոն Կէմճեան, Վահան, Ասլան, Տիրան, Մեսրոպ, Վարդանեան, Արմենակ Ներկարարեան, Տիգ - րան Զագումեան . . . : Աչքերս կը փակեմ . . . :

Այս վերջինը ահուելի տանջանքներու ենթարկած եւ օրերով հոգեվարք ձգած են: Վահանին լայն կուրծքը երկաթէ մուրճերով գամած են: Ասլանին ոտքերը պայ - տած են, աքցաններով եղունդները քաշած են . . . : Միւս

Տիգրանը խումբ մը ընտիր տղոց հետ կախաղան բարձրացուցած են Խարբերդի մէջ . . . :

... Եւ փակ աչքերուս ետին կ'այլափոխուի ժամը : Խնկահոս զարդարուն խորանին մէջ շարուած է մարդերու խումբը, տժգոյն, սիրալիք եւ յաղթական . մէջ-տեղը վանահայրն է—Զլղատեան վարդապետը— ու կեթել հանդերձներով, քրմական ու բարի : Ան կը խօսի իր վերջին քարոզը . . . «Զի՞նչ ելանէք յանապատն տեսանել եղէցն բեկեալ ի հողմոյ . . . :

Այն օրը Տիգրանակերտի Ս. Կիրակոս ժամուն կամարներուն տակ մահուան դաժան շուքը սողոսկեր էր, նախճիրը արիւնոտ կլափով դարաներ էր դասերուն ու դաւիթներուն անկիւնները, ու բօթարեր փսփուքը շրջան կ'ընէր զարհուրելի պատկերներով :

Մէկ երկու օրէն իր ժողովուրդին հետ սպանդ առաջնորդեցին տեղապահ վանահայրը : Ան սարսափը եղած էր Արդնիի թուրք ու քիւրտ յելուզակներուն : Ֆէտայի փափազին անդութ խարազանին հետքերը չէին մոոցած անոնք, երբ վանքին հօտերը դողնալու կուզային կաթնաղրիւրի տակէն :

Դահիճները երկաթներով շղթայելէ վերջ լեռնական վանականին ջղուտ բազուկները, քարիւղով վառեր են անոր սիրտը . . .

Վանքի մուտքի դրան առջեւն եմ : Վարը հինաւուրց ընկուգենիի մը խաղաղ շուքը կը նիրհէ Խաչ-աղբիւրի աւազանին վրայ : Հոս բուժուեր են բոլոր ազգերու ցաւաղարները, լուսնոտներն ու դիւահարները : Այս դիմացի բլուրներու անվերջանալի արօտներուն մէջ արածած են վանքին անհաշիւ հօտերը : Հոն հեռաւոր արտե-

րուն մէջ, հերկած, վարած ու հնձած է հայ մշակը, եւ լուսնակ դիշերին՝ իր մաճկալի երգը արձագանդած է հովիտներէն բարձունքները, եւ հնձաններու առատ ու անապակ դիմին հոսած է պատարագի ոկիչներու մէջ, սրբութիւն սրբոցի սեղաններուն վրայ : Դարերով ծնած եւ ապրած է հին, շատ հին ժողովուրդ մը, պարզ ու նահապետական իր պապերէն ժառանդած իր սեփական աշխարհին մէջ, եւ հիմա ան ինկած է ջարդ ու փշուր, խառնելով հողին ու ջուրին հետ իր սրբազն նշխարները : Ան ինկած է, հաւատքն ունենալով իր արդար դատին, իր անմեղ արիւնին :

Վարդապե՛տ, քու քարողիդ բնաբանը պատգամ է : Թո՞ղ ելլեն տեսնեն բեկեալ եղէցը անապատին : Թո՞ղ ելլեն տեսնեն սերունդը՝ երդուեալ ու իստաւոր :

Տիգրանն ՈՒՀԻ





ԾԱ.ՏՈՒՐ ՊԵՐՊԵՐԵԱՆ

(Պարմանի)

Ծնած է 1905ին՝ Խաբբերդի Գումբ գիւղին մէջ : Շատ կանուխէն սկսած է յանախել տեղույն դպրոցը : 1915 Յութիսին կը տեղահանուի ամբողջ ընտանիքով : Լեռնէ լու, տարագրութեան բոլոր գառնութիւնները բամելով՝ միայն ինքը կ'ազատի մահէն :

Քիւրտերու ժող, չորս տարի, կ'ապրի տաժամակիր կետեմ մը : Զինադադարէն վերջ ինքովինքը կը գտնէ

Խաբբերդի ամերիկեան որբանոցը, ուր կը դառնայ աշակերտ Եփաստ Գոլէնի : Իր ուսուցիչները եղած են երեք համեստ վարժուհիներ, Մարիամ Ասատուրեան, Աննա Պօղիկեան եւ Սիրանյշ Տէօմինեան :

1921ի վերջերը կ'անցնի Հալէպ եւ Պէյրուք : 1926ին Ֆրանսա : «Յառաջ»ի կը ծանօթանայ 1928ին :

Եղած է Մարսէյլի Հայ Գրասիրաց Միութեան եւ անոր «Հայ Գիր» ամսագրին հիմնադիր – հրատարակիչներէն մին :

Ունի հրատարակելի գիրքերու շարք մը, ա) «Մանկութեան Յիշատակներ» (պատկերներ), բ) «Հայրենիք» (վերքուածներ), գ) «Վերջին կայծերը» (վեպ արհաւիրքի օրերէն), դ) «Հայորդին» (պատմուածքներ) եւ «Աէր, բայց ի՞նչ սէր» (վեպ) :

Կ'աշխատակցի «Յառաջ»ի, «Երկունք»ի, «Աղուկ»ի եւ Ֆրէզնոյի «Մշակ»ին : Սափրիչ է : Կ'ապրի Փարիզ :

Հ Ա Խ Ն Զ Փ Բ

— 0 —

Ա՛հ, նորէն սկսան թրթռալ լարերը քնարիս: Սիրտս  
կը ճմլուի ինչպէս հատիկ մը խաղողի: Երակներուա  
մէջ կարծես ըմբոստութեան հով մը կը խաղայ: Կրա-  
նիդեայ սիւներու պէս ծունկերս կը քարանան ահա:  
Ճպոսս մատներուա մէջ հետզհետէ կը քարձրանայ, կը  
ժոտենայ քնարիս եւ ծիծեռնակի մը նման կը թառի  
լարերուն վրայ երգ մը կտուցին:

Հէ՛յ, մտիկ ըրէք, մտիկ ըրէք այդ ձայնին:



Մեր գիւղին հիւսիսային թեւին վրայ ուր՝ հնամ-  
եայ բերդ մը կը հանգչի, ևկէք բարձրանանք հոն ու-  
ղուք, կուշտ մը դիտեցէք համայնապատկերն այն անց-  
նող յուղիսեան օրերուն, երբ չէն էր մեր բոյնը:

Կապոյտ երկինքը, որուն վրայ Աստուծոյ ճրագը  
կը վառի, կ'ըսես, անոր բոցեղէն ճառագայթներէն կը-  
րակ կը թափի: Օդը տաքցած կաթսայ մըն է կը խոր-  
հիս: Ու դաշտը, հորիզոնէ հորիզոն, նաշխուն դորդի մը  
պատկերն ունի:

Երկինքէն մաղուող այս կրակէ փոշիին տակ սա-  
կայն, դաշտին վրայ փոռուող այդ հրաշալի գորգը հետ-  
զհետէ կը գունափոխուի: Խոտերն ու ծաղիկները ուշա-  
թափ կ'ըլլան: Ցորենները, որ մինչեւ այդ օր իրենց  
գեղեցիկ երեւոյթովը գարնան ամենասիրուն հրաշալիքը  
կը պատկերացնէին, հիմա, կարծես դեղնութիւն մը  
պատեր է զիրենք: Կը մտմտան: Եւ սակայն սրտերն  
այս մահապարտեալներուն, նժոյդի մը պէս գլուխ կը

բարձրացնեն: Կ'ուղին դիմագրել տաքին բոցեղէն հար-  
ուածներուն: Փշել այդ հսկայ ուժը, որուն ձեռքերէն  
կրակ կը տեղայ անդադար:

Կենաց եւ մահու օրեր: Մէկ, երկու, երեք: Սար-  
սափելի է: Ալ չեն կրնար դիմանալ: Այս խեղճուկ դա-  
տապարտեալներու կեցուածքը կատղեցուցեր է այդ ան-  
հուն ուժը: Հիմա, աւելի անդութ է դարձեր: Կը հար-  
ուածէ աջ ու ձախ: Հրդեհի մը լափլիզող բոցերուն պէս  
կ'ըսես, կ'այրէ ըոլուրը: Շատեր հակառակ իրենց ըմ-  
բոստացող կամքին, խաչին վրայ դամուող Յիսուսին  
պէս լուս կը ծուն գլուխնին, կը դեղնին:

Ու հիմակ, որ ալ չեն ըմբոստանար, որ նժոյդի մը  
պէս գլուխ չեն բարձրացներ, որ չեն հպարտանար ի-  
րենց գեղեցկութիւնովը, ցորենները, կը խորհիս, ան-  
հուն երկիւղածութեամբ մը կը քնանան ոտքի վրայ,  
աչքերնին խուփի:



Տեսե՞ր էք արդեօք ամրան իրիկունը գեղին: Ա՛հ  
հոգին սիրեմ, որքա՞ն հաճելի է: Շաքարի համ ունի  
կարծես: Վարդի եւ մանիշակի բոյրերը ուռնգերուդ կը  
քսուին: Թթենիներու, բարտիններու, ուռենիներու սօ-  
սափիւնները երգ մը կը յօրինեն: Փողոցները լեցուն են  
աւաշներով: Նախիրը կը մաղուի գոներուն առջեւ :  
Մօտդ կոփի մը բառաչիւնը: Անդին հորթ մը կը ցատ-  
կոտէ: Կը խաղան լաճերը: Եւ քիչ մը ամէն կողմ, գիւ-  
ղացիին շրթներուն վրայ նախաղասութիւն մը կը հո-  
լովուի :

— Վաղը մանդի օր է . . .

Խնդութեան օր: Հունձքի ժամն է հասեր: Գեղացին  
քուն, հանդիսատ չունի: Կը դառնայ հոս ու հոն: Կը մտնէ

մարադն ու մառանը : Վերջապէս, առիքէն վար կը քաշէ պահած մանդաղները եւ կը նստի տանիքին վրայ, լուսնի լոյսին առջեւ՝ յեսանը ձեռքը :

Ուշ ատեն, սրած մանդաղները բարձին քով, գեղացին կ'երկնայ անկողինին մէջ մազապատ, պողպատէ կուրծքն ու թեւերը զեփիւուին : Կը քնանայ :

×

Ամբողջ դաշտը, հրդեհի մը պէս բռնկեր կը վառի : Բոլոր միջատները, որ պատսպարուած էին թուփերու, ցողուններու եւ տերեւներու շուքին տակ, այդ առաւօտ շուտարուն, փափսուք մը ինկեր էր իրենց մէջ : Ու դեռ լսեցէք, լսեցէք արեւի ծովուն յատակէն ողբերգը ծղրիթներու, որ ծնծղայի մը ձայնին պէս օղակ օղակ ցորեններու պատերուն զարնուելով՝ կը փշրուի ինքն իր մէջ :

Ու յանկարծ, դիւղացին հպարտ, հասակը կը ցցէ հօրենական արտին առջեւ : Աչքերը, որուն մէջ անոյշ ժպիտ մը կը խաղայ, կը պտտցնէ մէկ ծայրէն միւտը : Կը նայի ուրախ եւ անկուշ՝ ուր ցորենները հարսներու պէս լուռ, կը կենան ոտքի վրայ, խոնարհած :

Աղօթք մը շրթներուն, հնձուորը երեք անդամ խաչակնելով երեսը, կը քաշէ մանդաղը մէջքէն եւ արտին աջ կողմէն կը սկսի քաղել ցորենը :

Ահա սկիտակ ձիաւոր մը : Գեղին ոէսն է : Մշակը վերցուց խուրճ մը եւ դրաւ ձիուն առջեւ :

— Մանդընիդ սուր եւ մէջքերնիդ զօրաւոր ըլլի, տղաք :

— Բարի եկար, հազա՞ր բարի, ոէս :

Ռէսը բանալով քսակը, քանի մը կտոր արծաթ կը

սահեցնէ ափին մէջ : Երիտասարդը գոհունակութեամբ ետ դառնալով կը վերցնէ մանդաղը ու, կը սկսի քաղել աւելի արագ եւ եռանդուն :

Ասոնց ետեւ քանի մը հարսներ որայ կը կապեն : Ուրիշներ կը հաւաքեն խուրճերը եւ կը դիզեն : Ու այսպէս ուշացող ճամբորդի մը պէս, ցորենի արտը, կ'ը սես, փէշերը գօտին կը զարնէ, կը վաղէ :

Երբ խուրճերը կը վերցուին ու հնձուորը մանդաղը ձեռքը կ'անցնի միւտ արտը, անմիջապէս կը սկսի հասկահաւաքներու արշաւանքը :

Կը տեսնե՞ս այդ աղջիկները, որ կուժն առած հնձուորին ջուր բերելու կ'երթան : Ի՞նչ սիրունիկ են : Այտերուն վրայ կարծես կակաչի ներկ քսեր են : Մաղերը սեւ ու երկայն : Ու կուրծքերուն շղարշին տակ ասոնց, կը յայտնուին միսէ երկու գնդիկներ գինույ փարչերու պէս ուռած :

Ցորենի խոտերով լեցուն սայլ մը ճռնչելէն կ'անցնի : Անրիշ մը կալէն կը վերադառնայ : Մարդագետինին վրայ, խաչնարածները չարածնի աչքերով կը նային ջրկիր աղջկներուն ու կը խնդան : Աւելի հեռուն, ծայրը դաշտին, արեւի կարմիր անձրեւին մէջէն կ'երեւին երկու ստուերներ : Անդագար մանդաղ կը շարժեն : Ասոնք սակայն, տարիներու բեռն տակ կքած՝ ատեն ատեն շոկուելով կը սրբեն քրտինքը, որ ճոփկ աղբիւրի մը պէս կը վազէր իրենց ճակատէն : Քիչ մը անդին, ուռենիի մը շուքին տակ մանուկ մը անհոգ, ձմերուկի կեղեւներով սայլակ կը շինէ : Կը խաղայ :

Այդ ծերունի այրն ու կինը իմ բարի ծնողքս էին եւ մանուկը՝ իրենց ապագայ յոյսը, որ հիմա, արցունքի

Հեղեղ մը աչքերուն, կը պատմէ ձեզի յիշատակը այս  
անցնող՝ օրհնեալ օրերուն :

Ճէ՛յ հունձքի օրեր, բարի օրեր, ձեր արեւուն պէտ  
կարմիր կրակ մը կայ կուրծքիս տակ, որ անդադար կը  
ճարճատի, կը վառի ...

Հ Ա Յ Ի Ն Ի Ք



Ըսէ՛, ի՞նչ կայ, ի՞նչ բան կայ այս աշխարհի երեսին,  
Որ ըլլայ նիշդ ֆեզի պէս, ֆեզի նման քանկագին,  
Դուն ամէն ինչ ես, գիտեմ, եւ ամէն բան քու մէջ կայ,—  
Եւ ոսկեդար, եւ տաղանդ, փառք եւ մատեան հնամեայ:

Պատիկ էի տակաւին, մայրիկը երբ, բառ առ բառ,  
Ուսոյց ինծի կարօտով անունը վեհ, սիրավառ, —  
Ես այն ատեն ուխտեցի ըլլալ փարոս լուսաւոր  
Ու փալփրիկ գիւղերուդ, քաղաքներուդ ամէն օր:

Այսօր, ահա, որբ կեանիս ծովուն վրայ ժպտերես,  
Սիրտըս մակոյկ ըրած ինձ՝ թի կը շարժեմ դէպի ֆեզ,  
Բայց երբ, յանկարծ, ծովամոյն անհետանամ ֆեզ համար  
Ո՞վ հայրենիք, հաւատա՛, ցաւ չեմ զգար, չեմ զգար:

Որովհետեւ դեռ շատե՛ր, հազարնե՛ր կան, որ արդէն  
Այս տատասկուոր բայց ազնիւ նամբան սիրով բռնած եմ,  
Անոնք անվերջ պիտ' քալեն, պիտ' պայքարին անվարան,  
Մինչեւ ըլլաս դուն մեզի, մենք ֆեզի տէր՝ յաւիտեան:



ԱԶԳԻՆ ԶԱՒԱԿԸ



Ամառնային արեւոտ օր մը, կէս օրին, ուղտերու  
կարաւան մը կանդ առաւ չալէպի Ուրբաթ Վաճառա  
նոցը: Գործաւորներ շուտով բեռները վար առին եւ  
նստան հանգչելու: Երբ սրտերուն զարկը կանոնաւոր  
ուեցաւ ու քրտինքը իրենց գուշեթաթախ մարմնոյն  
վրայ չորցաւ, կարաւանապետը երկու ընկերներ հետք  
առնելով՝ սկսաւ պտըտիլ ամբոխին մէջ :

Հսկայ տարածութեան մը վրայ, վաճառանոցը  
մարդկային ծովու մը երեւոյթն ունի: Ամէն գասակար-  
դի մարդիկ կը վլստան հրապարակը: Մարդիկ սեւ ու  
ձերմակ: Մարդիկ կիսամերկ ու բոկոտն: Եւ մարդիկ  
քսակահատ, խաչագող :

Կէս ժամ վերջ՝ կարաւանապետը ուրիշ երկու ա-  
ռեւտրականներու հետ վերադարձաւ: Քննեցին ապ-  
րանքները, յետոյ համաձայնելով բեռները առին ու  
տարին:

Ցաջորդ օր, իրկինամուտին կարաւանը ճամբայ  
սիտի ելէր դէպի Մարտին: Վերակացուն նոր բեռներ  
գտնելու գործին լծուած էր: Հետեւորդները անոր բա-  
ցակայութենէն օգտուելով՝ զոյդ զոյդ սկսան պտըտիլ:  
Բայց երբ կարգը ամէնէն փոքրին եկաւ, յուղուած ճայ-  
նով մը պատասխանեց :

— Ոտքերս կը ցաւին, չեմ կրնար :

— Ուրեմն, դուն նորէն ուղտերուն վրայ հսկէ,  
մենք քիչ մը եւս պտըտինք :

Ընկերները ուրախութեամբ ոտքի ելան ու անհե-  
տացան բաղմութեան մէջ :

Արեւակէզ դէմք մը : Խաղողի պտուղի պէս սեւ ու խոչոր աչքեր : Մաղեր սեւ ու գանդուր : Ոտքերուն՝ չորցած տրեխներ : Արարական տարազով հազիւ 16 տարեկան պատանի մը կը հանդէչը բեռներուն վրայ : Արտակարդ նայուածք մը ունէր այս ուղտապանը , որ ատեն ատեն կարմիր նետի մը պէս կ'երթար ու կը գամուէր անցորդներու դէմքին :

Տարագիր մայր մը իր թոռան հետ կանդ առաւ ուղտերուն մօտ : Մայր եւ թոռնիկ թէեւ տեսած էին ուղտեր , բայց ոչ այսքան մօտէն : Ատոր համար ուշի ուշով կը դիտէին անոնց երկայն վիզերը , սապատները , քիթը եւ բերանները որոնցմէ ճերմակ փրփուրները փաթիլ փաթիլ վար կը թափէին : Երբ թոռնիկը ճեռքը երկարեց չոյելու մէկուն գլուխը , ուղտը այն կողմ դառնալով սուր մոլտոց մը հանեց :

— Տղայ , քեղի ըսի՝ շատ մի մօտենար , կը խածնէն , բարկացաւ մայրը :

Այս բառը ուղտապան պատանիին անոյշ թուեցաւ : Հոգեպէս սարսուռ մը զդաց : Մտովի բաներ մը փնտուելու պէս գետին նայեցաւ : Մտմտաց : Յետոյ , դէմքին անոյշ ժպիտ մը տալով՝ ոտքի ելաւ , մօտեցաւ մոլտացող ուղտին ու սկսաւ չոյել գլուխը : Եւ ուղտը փոխադարձար լզեց տէրոջը ճեռքը :

Աննա քուրուկ լաւ մը նայեցաւ այդ արար տղուն : Կարծես բան մը կարդաց դէմքին վրայ : Եւ հարցուց թուրքերէնով :

— Վախնամ դուն հայ ես , տղայ :

Պատանին կարմրեցաւ : Զպատասխանեց : Աննա քուրուկ կասկածեցաւ , համոզուեցաւ եւ նորէն հարցուց :

— Տղաս , մի ամչնար , խօսէ :

Ուղտապանը ժպտեցաւ , ամչնար , բայց քաջութիւն ունեցաւ պատասխանելու .

— Այո , մայրիկ :

— Ո՞ր տեղացի ես :

— Ուրֆացի :

— Հայր մայր ունի՞ս :

— Ոչ : Բոլորն ալ մեռան Տէր - Զօրի մէջ : Եւ ես ալ պիտի մեռնէի եթէ այս Արաբները զիս իրենց քով չտանէին :

— Հայերէն գիտե՞ս , տղաս :

— Կը հասկնամ բայց չեմ կընար խօսիր : Եօթը տարի կ'ընէ որ հայերէն չեմ խօսիր եւ ոչ ալ հայու եցես տեսեր :

— Վա՛խ , վա՛խ , հառաչէլով պատասխանեց Աննա քուրուկ , վնողին չմնայ , ինքն ալ մեղի պէս թափառական ըլլայ ...

Մայրական սիրուր , որուն մէջ կը վառէր բիւրաւոր նահատակներու կրակը , յանկարծ թունդ ելաւ : Բարի զգացում մը սկսաւ խթանել զինքը : Ու անմիջապէս վըճռեց գործի անցնիլ .

— Տղաս , չե՞ս ուղեր ինծի հետ գալ : Քեզի լաւ տեղ մը պիտի տանիմ : Հոն շատ Հայեր կան : Աղուոր աղուոր կը հազնիս , կը պաըտիս եւ դպրոց կ'երթաս :

Հայ մօր անուշ խօսքերէն , պատանին զլուխը կախեց : Ոտքովը քարի մը հետ կը խաղար : Կարծես բառ կը փնտուկը պատասխանելու : Աննա քուրուկ տեսնելով որ վայրկեաններն ապարդիւն կ'անցնին , աճապարեց :

— Մի՛ վախնար տղաս , խօսէ : Ինչո՞ւ այս Արաբներուն քով պիտի մնաս ու պատառ մը հացի համար կետնքդ մաշեցնես : Հիմա քեզ կ . Խաչին կը տանիմ ,

Հոն ամէն ինչ առատ է, վրադ գլուխտ կը փոխեն, նոր լաթեր նոր կօշիկ կը հազցնեն : Կը տեսնե՞ս այդ անցնող տղան, ճիշդ ատոր պէս մաքուր մաքուր, եւ կ'երթաս ինծի աղօթք կ'ընես :

Ուղտապանին փոշոտ դէմքին վրայ սկսաւ ժպիտ մը խաղալ : Կարծես հաւանութիւն յայտնելու կը պատրաստուէր : Ու վերջապէս, վարանոտ, բառ մը թոցուց բերնէն .

— Կը վախնամ ...

Այս մէկ բառը բաւական էր որ, Աննա քուրուկ փախչելու դասեր տար : Ալ չսպասեց : Սորվեցուց ձեւերն ու ճամբան : Կը մնար միայն գործադրելը : Այս փրկութեան դասին մէջ, յանկարծ երեւցան ընկերները : Վերջին պահուն երբ պիտի բաժնուէին իրարմէ, հայ մայրը ձեռքովը քիչ մը հեռուն ցոյց տալով՝ ըստ .

— Սա վարը կիսապատին մօտ կը սպասեմ քեզի :



Այդ բարկ արեւին տակ ուր ամէն մարդ մատ մը շուքի կարօսը կը քաշէր, մէկն կարաւանապետը քըրտինքը սրբելով երեւցաւ .

— Դէ՛ս, շուտ ըրէք, ուղտերը պատրաստեցէք երթանք : Գոց շուկային մօտ բեռները մեզի կը սպասեն :

Քանի մը վայրկեանէն ուղտերը ճամբայ ելան : Կարաւանը ճեղքելով ամբոխը դանդղօրէն կը յառաջանար :

— Քիչ մը ոտք վերցնենք տղաք, կը ձայնէր դեկավարը, իրիկնամուտին պէտք է ճամբայ ելենք :

Բարեբախտաբար կիսապատին մօտէն ծոեցաւ կարաւանը, ուր Աննա քուրուկ կը սպասէր անհամբեր :

Այս վերջինին սիրտը դող ելաւ : Կը վախնար թէ պիտի չյաջողի փրկել հայ գերիին կեանքը : Եւ սակայն յոյս մը, ճիդ մը քաջութիւն տուին փորձ մը ընելու : Երբ ուղտերը եկան ու անցան մօտէն, այս բարի մայրը լուռ, աջ ձեռքովը քանի մը շարժումներ ըրաւ, հաս կցնելու համար թէ՝ ծոէ ճամբադ : Բայց պատանին բոլորովին յուսահատ, գլուխը կախ կը հետեւէր ընկերներուն : Կը ցաւէ՞ր արդեօք, մէկը չդիտցաւ : Վերջին անգամ մըն ալ դարձաւ ու նայեցաւ ետին ուր՝ Աննա քուրուկ անդադար թեւը կը շարժէր :

Կարաւանը կը հեռանար : Հայ մայրը ատեն չփախցուց, ճեղքեց բազմութիւնը ու հասաւ ետեւէն : Պահ մը այդպէս քալեց հետը : Ոչ ոք նկատի առաւ այդ հսկայ բազմութեան մէջ, ուր ցորենի արտի մը պէս կ'ալեկոծէր, կ'եռար հրապարակը :

— Ի՞նչ կ'ուզէ այն թող ըլլայ, մտածեց Աննա քուրուկ, պիտի բռնեմ ճեռքին ու պիտի կեցնեմ : Պիտի չթողում որ տանին : Պիտի բողոքեմ, պիտի ըսեմ, պիտի հասկցնեմ թէ՝ այս տղան Հայ է, ես ալ Հայ եմ, հետեւաբար ինձի՝ Հայուն կը պատկանի :

Այդ պահուն իր մայրական սիրտը բոց կը ժայթքէր : Արիւնը կ'եռար : Արտակարդ ուժ մը կը գալարուէր երակներուն մէջ : Եւ, աչքերը կարմիր, ուժով մը բռնեց տղուն թեւէն ու քաշեց անդին, աւելի ստուար բազմութեան մը մէջ :

— Կեցի՛ր տղաս, ձայն մի հաներ, կը խրատէր Աննա քուրուկ, հիմա կ'երթան, կը հեռանան... քիչ մըն ալ, քիչ մըն ալ եւ պիտի պատախի :

Եռուղիուն : Մարդկային ծովը կը շաչէր, կ'աղմէէր : Առանց նկատի առնելու՝ կարաւանը անցաւ ու գնաց : Երբ

այլեւս հեռացան, տեղերնին փոխեցին, մտան աւելի  
խորերը բազմութեան :

Ամբողջ երկու ժամ դուրս չելան վաճառանոցէն :  
Իրիկուան մօտ երբ արեւը մայրամուտին կը մօտե-  
նար, Աննա քուրուկ իր ազատագրած տղուն հետ դուրս  
ելաւ ամբոխէն : Զգուշութեամբ քալեցին դէպի քաղա-  
քին մէծ դուռը : Անցան բերդին առջեւէն եւ մտան նեղ,  
երկայն փողոցի մը մէջ ու անհետացան :

×

Արտադաղթի տարին էր : Մեծ Եղեռնին հրաշքով  
աղատած բեկորներ, թուրքիոյ ամէն կողմերէն խու-  
ճապահար Հալէպ կը հասնէին : Ազգային իշխանութիւնը  
իբրև կեղրոնատեղի եկեղեցին ընտրած էր : Լեցեր էին  
բակը, դասարանները եւ մինչեւ դուրսի դուռը : Ասեղ  
ձգելու տեղ չկար : Զոր գետնին վրայ քով քովի, իրա-  
րու սեղմուած :

Որ եւ է անցորդ անկարելի էր առանց յուզուելու  
անցնիլ : Զկար մէկ աչք որ այս տարագիրներու մելա-  
մաղձոտ նայուածքներէն չարիւնէր : Իւրաքանչիւրը  
թրքական բարբարոսութեան սպին եւ տառապանքի սեւ  
կնիքը կը կրէր իր դէմքին վրայ :

Օրուան դառնութենէն ընկճուած, շատ հեղ, այս  
խեղճերը կը սկսէին խօսիլ : Պատմել իրենց անհուն ցա-  
ւերը : Լալ եւ լացնել իրար : Ու խօսքեր, խօսքե՛ր որ  
լմնալիք չունէին :

Այս անհատնում, սիրա բղքուղ զրոյցներուն մէջ  
յանկարծ, բոլորին աչքերը ուղղուեցան մէծ դուռը :  
Մայր մը կիսամերկ պատանիի մը ձեռքէն բռնած եկե-  
ղեցւոյ բակը մտաւ : Հեղանոյշ ժպիտ մը կը խաղար

դէմքին վրայ : Եւ սակայն դգուշութեամբ քալեց իր  
քախտակիցներուն մէջէն ու դարձաւ դէպի աջ՝ քարէ  
սանդուխը, որ կը տանէր Առաջնորդարանի գրասենեա-  
կը :

Թիկնապահը տեսնելուն պէս՝ իր երկայն հասակը  
ցցեց դէմը .

— Ի՞նչ կ'ուզես, մայրիկ :

— Հայր Սուրբը տեսնել կ'ուզեմ :

— Զբաղած է, մարդ չընդունիր :

— Բայց շատ կարեւոր ըսելիք ունիմ :

— Զըլլար, մայրիկ, վաղը եկուր :

— Զաւակներուդ սիրուն թող ըլլայ, տղաս, միայն  
գոյդ մը խօսք ըսեմ ու դառնամ :

Սրբազնը տեսնելով հայ մօր թախանձանքը, հրա-  
մայեց թիկնապահին որ ձգէ :

Աննա քուրուկ աղատազրած տղուն հետ մտաւ գրա-  
սենեակը : Սրբազնը փափուկ թիկնաթոռին մէջ, ձեռքը  
բամպակ մօրուքին՝ հարցուց :

— Ի՞նչ կ'ուզես, որդեակ :

— Հայր Սուրբ, կը տեսնէ՞ք այս տղան, Արաբնե-  
րուն քովին փափուցի :

— Լաւ ես ըրեր, որդեակ : Աստուծոյ չնորհն ու օրհ-  
նութիւնը հետդ ըլլայ յաւիտեան :

— Հայր սուրբ, վրան հագուստ, ոտքը կօշիկ չկայ :

— Այո, որդեակ, կը տեսնեմ :

— Բայց Հայր սուրբ, դպրոց զնել չմոռնաք : Տե-  
սէք, ի՞նչ տղայ է : Հիմակուընէ լերան կը նմանի լերան :  
Եւ ասոր պէս դեռ քանինե՛ր հոս ու հոն ցրուած կը մը-

Նան : Ահա , հիմա պիտի երթամ ուրիշներ ալ վնասելու :  
Պիտի երթամ մինչեւ հեռուները , ուր որ արար , թուրք  
դիւզ մը կայ : Պիտի հարցնեմ , պիտի գտնեմ , պիտի  
փախցնեմ ու բերեմ : Խնչո՞ւ օտարներուն քով պիտի մը-  
նան : Զէ՞ որ անոնք մեր արիւնէն են : Հայր Սուրբ , լաւ  
պէտք է խնամէնք որ , վաղը աղղին զինուոր ըլլան , մեր  
պատիւը , հայրենիքը պաշտպանեն ...

Սրբազնը ձեռքը մօրուքին , թիկնաթոռին մէջ լուռ  
կը նայէր այս տարագիր հայ մօր չըթներուն , որոնցմէ  
ապրչումի թելերուն պէս մաքուր բառերը կը հոսէին ու  
կը հիւսուէին գրասենեակին չորս պատերուն մէջ : Երբ  
խօսքերը հատան , Սրբազնը ոտքի ելաւ , մօտեցաւ եւ  
ձեռքը ուսին զնելով՝ ըսաւ .

— Ապրիս , որդեակ , շա՛տ ապրիս : Անհոգ եղիր ,  
անմիջապէս պիտի կարգադրեմ :

— Հա , հայր սուրբ , հա , Աստուծոյ սիրուն թող ըլ-  
լայ , ականջի ետեւ չնետէք : Ազգին զաւակն է , մեղք է :

Ու Աննա քուրուկ ուրախութեամբ մը ծռեցաւ , համ-  
բուրեց սրբազնին աջը եւ ետ ետ երթալով՝ դոնէն  
դուրս ելաւ , իջաւ սանդուխէն վար ու անհետացաւ Հա-  
լէպի փողոցներուն մէջ :

### ԾԱՏՈՒԻ ՊԵՐՊԵՐԵՄՆ



ՆԱԴԵՆԻ ՏԵՐ ՄԻՔԱՅԵԼԵԱՆ

Բնիկ Արաբկիրցի ընտանիքի զաւակ : Մանկութեան  
օրօրոցը եղած է Պոլիս , ուր ստացած է իր նախնական  
կրթուրիւնը :

Գրական առաջին կտորները երեւած են «Հայրենիք»  
ամսագրին եւ «Յառաջ»ի մէջ : Աշխատակցած է «Ան-  
հիտ»ի , «Նոր Օր»ի , «Ազգարար»ի եւ «Երկութիք»ի :

Ունի ժերթուածներու հատոր մը , քրոջ հետ հրա-  
տարակած : Կ'ապրի Փարիզի մօտ՝ Վիլմոմալը :

ԴԱՇՑԵՐՈՒՆ ՄԵԶ

— 0 —

Ապըրշումի քելով նախշուն ,  
Թաւիշ քերբով ծաղիկ աղուո՞ր ,  
Անունդ ի՞նչ է , ես չը գիտեմ  
Բայց կը սիրեմ , ֆեզ կը սիրեմ :

Դաշտին քաղեմ , դաշտին ցանեմ  
Անգին գորգի նըման ընեմ ,  
Ու նայուածքը արեւի պէս  
Մէջը խաղայ ցոլք մը որպէս :

Յետոյ նըստիմ մէջը գըրկիդ  
Ու տարտրդնիմ ժիշ մը տեղիդ  
Քիչ մը աշին , ժիշ մը ձախին ,  
Հըլու ձայնին իմ խենք եսին :

Գիտե՞ս , ինչո՞ւ այս բոլորը  
Կ'ուզեմ լեցնել սիրտ - սափորը  
Գեղեցկութեան մէկ նոր հիւրով  
Որ զինք վառէ նոր երազով :

Ապըրշումի քելով նախշո՞ւն  
Թաւիշ քերբով ծաղիկ աղուո՞ր ,  
Անունդ ի՞նչ է , ես չը գիտեմ  
Բայց կը սիրեմ , ֆեզ կը սիրեմ :

ԾԱՌ , ՆՈՐԷՆ ԹԱՐԹԻ

— 0 —

Ծա՛ռ , քու ծաղկալիր նիւդերուդ տակն եմ , փախած ա-  
րեւին հուրժէն վայրենի ,  
Սիա իր ոսկին աստղի պէս հատ հատ , ներմակ հա-  
գուստիս գոզը կը մաղուի ,  
Կը մաղուի անվերջ , գաղջ փաթիլներով , տերեւի , ծաղ-  
կի նաշխուն շարմաղէն ,  
Որ կարծես երգ մ՞է ու վար կը հեղու գարնան այդ աղ-  
ուոր աղուոր նուէրէն :

Ու այդ երգը հիր վար կուտայ հոգւոյս , ու ես կ'ընկըդ-  
միմ անցնող օրերուս  
Թաւշոտ մեղկութեան ծոցին մէջ յուռքի , ու կը պըս -  
պըսայ արցունիքն աչքերուս ,  
Բայց անցորդն անցաւ ալ սրբող չըկայ , կեցէք դուք  
յուշեր , իջէք բարձունիքն ,  
Թոյլ տուէք սանձը ձեր երիվարին , տեսէք մինակ եմ ,  
անտէր ու անզէն :

Գիշերն ալ իշաւ տըրտմութեան մը պէս ու լոյսի խաչը  
ա՛լ չըկայ գրկիս ,  
Մինակ մընացի , հեռաւոր ընկեր , ու ալ քու յոյսրդ չի  
բաւէր սըրտիս ,  
Ու նորէն կ'երբամ կեղծ ժախտներով , սա լոյս քաղաքին  
ծոցին մէջ պըլտոր ,  
Ուր ես չը գտայ ոչ մէկ լուսաղբիւր , իդաերուս փունջին  
չուր տալու համար :

Միտքս ամպերու պատմութան հագաւ ու ալ չեմ տես-  
ներ վրձինն նկարչի ,  
Խորշակ կը փըչէ , մքնեցան բոլոր անցեալն ու ներկան  
իմ ծաղիկ կեանքի .  
Ալ կա՞մ քէ չկամ , հարցում սառնաշունչ : Ծա՛ռ , նո-  
րէն քարքէ ու ծաղիկ քափէ ,  
Եւ ես արքըննամ ու գգուեմ ինծի , ու սէրը կեանքի  
սեւը տարտրդնէ :

Յ Ո՛ Յ Ս

— 0 —

Յո՞յս , կանքեղիդ տակ պըլպըլուն , գեղակերտուած  
արձանի պէս  
Մարմարակերտ պատուանդանի մը բարձրութեան  
կանգնած եմ ես ,  
Խուկալիս պատկերն աղուոր , դեռափըրիք ոստ մը  
դալար ,  
Թևերուս մէջ կը գրկուի , ի ջերմութեամբ հոգեպարար :  
Գլխուս պըսա՞կ մ'իմ իդաերէս , երազանքի գարուն  
մ'ամբողջ ,  
Թարմ ծաղիկներ աւշով լեցուն ու կոկոններ ու նոր  
բողբոջ .  
Ապագայի ճայնը աղուոր , գըլգըլացող աղբիւր մեղրի ,  
Հոգուս ներմակ բաժակներուն լոյս շիբերով կը կար-  
կըրի :

Արեւներու սրտէն ձօնուած նառագայրներ երազնըկար  
իմ աչքերուս շողերուն հետ , կը պըսպըզան շուրջս ան-  
դադար ,  
Բուրումնաւէտ շուշանի մը բացուածքին մէջ դոդդը -  
դացող  
Ցոլքերուն պէս ոսկեշաղախ , ցոլքերու պէս անրշաշող :

×

Ո՛վ Յոյս , այսպէս , դուն այս օրիս վերքուտ կուրծքին  
դու բալասան ,  
Զիս կը շոյես , կը փայփայես զեփիւռի պէս բազմաբուր-  
եան ,  
Ամէն ծաղկէ բոյր մը առած , ամէն լոյսէ նառագայր  
մ'հիր ,  
Բայց ալ բա՛ռ է ըսպասումը , դուն մօսեցի՛ր , շո՛ւտ  
մօսեցիր ,  
Քանի վաղանց երազի պէս գեռ չեմ հալուիր կեանքի  
գրկին ,  
Քանի դեռ ես կայծ մը ունիմ հըրահրելու իմ կոյս հո-  
գին :

ՆԱԶԵՆԻ





Ա. Գ. ՄԵՍՈՒՄԵՆՅ

(Ա. ՄԵԼքոնեան)

Ծնած է 6 փետրուար 1905ին Արարկիր : Երաժշտական նախնական ուսումը ստացած է Արարկիրի Ազգ. ուսումնարանին մէջ, երաժիշտ - դպրապետ Մկրտիչ Տէր Պետրոսեանէ : 1915ին տարագրուած Տէր Զօր : 1924-ին հաստատուած է Թրանս (Լիոն), ուր սեղույն Գոն-

սէրվաբուարին մէջ երաժշտական դաստիարակութիւնը կատարելագործած : 1930ին 34 հիմնած եւ վարած է Տէսինի «Կոմիտաս» երկսեռ երգչախումբը : 1936 յունիսն ի վեր հաստատուած է Պոռտո եւ «Արարատեան » վարժարանի մէջ վարիչ - ուսուցիչի պաշտօնը կը վարէ :

Ունի հետեւեալ գործերը .— «Երեք մեներգ» (օր. 1) հրատարակուած, Պոռտո, 1937ին : Խոկ անտիպ կը մնան, գուսաներգութիւններ (Անուշ, Գիւակ եւ Սիրլարդ, Ռոկի Հէքեաթ), Էմմա՝ Երաժշտական տոամ, Տէր - Գոնիակ՝ Երաժշտական կատակերգութիւնն, մեներգներ, խմբերգներ, պարերգներ, դպրոցական յիսունէ աւելի երգեր, որոնց խօսքերն ալ իրն են : Ամբողջովին գրի առած է Մշեցիներու հարսանիքը՝ 25 կտր :

Աշխատակցած է «Յառաջ»ի եւ «Զուարթնոց» ամսագրին :

Հ Ա. Մ Ա. Ն Ո Ւ Ա. Գ

— 0 —

Գրուած է թէ Տէրն ամենակալ հրամայելով գոյութիւն պարզեւեց Տիեզերքին՝ որ մայրն եղաւ բոլոր փիւլսոփայութիւններուն։ Ամէն բան իր բոլոր գեղեցկութիւններով կեանք ստացաւ՝ բողոքչեցաւ, ուռճացաւ բնութեան անսահման ծոցին մէջ։ Այդ երանելի պահէն սկսած՝ առուակները կարկաչեցին, գետերը խոխոջեցին, ծառերու տերեւները հովի ծփանքին պէս սօսափելով սկսան իրարու հետ սիրաբանել։ Պլառով ոստին թառած իր աղու երդն երգեց։ Վիրաւոր արծիւը ծերպէրուն մէջէն ուժգին կոնչեց։ Արտոյտը բոյնին մէջ իր ձագուկներուն սփոփանքի ու գոհունակութեան կանչն արձակեց։ Սիրամերժ ծիտը ցաւադին ծւծւաց, իսկ առիւճն ու վագրը, ինձն ու կապիկը անտառի խորերէն ամեհի բացագանչութիւններով իրար հալծեցին։

Եթերին մէջ ամպերը կուտակուեցան, անձեւն ու կարկուտը, շանթն ու փայլակը ժայռերու կուծքն ու տանիքներու կատարը ծեծեցին։ Ծովը բարձրացաւ, մոնչեց, հսկայ ալիքներն իրար զարնուելէ վերջ սեպ ժայռերուն դէմ փշրուեցան, հազար ու մէկ խշոցներով։ Մարդիկ սարսափահար ողբ ու կոծ ըրին, բայց ամպերը որոտացին աւելի ուժգին։ Երկիրը բացաւ իր կուրծքը, ամէն կողմ պատուեցաւ, ժայռերն ու տուները փուլ եկան։ Համատարած հարահրոց ու խուճապ եղաւ։ Հայրը որդին, նորափեսան հարսը յուսահատ կանչերով ի զուր փնտոեց։ Ոմանք աղմկեցին ցատումով իսկ ուրիշներ փլատակներու տակ հոնդացին։

Զպաստացան տարերքը։ Հեթանոս իր մեհեանին՝

հաւատացեալ իր տաճարին մէջ վերջին զուարակը ողջակիզելով օրհներգեցին ովսաննաներով։ Զարքաշ գիւղացին գործի լծուեցաւ, մշակն ու մաճկալը կանդ առին առաւելին (հոռովել) յոգնութեան հոգոց հանելով։ Ծերունի սերմնացանը հնամենի գոգնոցով սերմ տարաւ արտը՝ ափով բուռ – բուռ նետեց արգասարեր հողի ընդերքներուն մէջ, բարձր աղազակելով « Ով հայրերու բարի եւ ողորմած Աստուածը, մէկիս տեղ հազար տաս»։ Սիրահար հովիւը բոցն աչքերուն՝ ձորամէջին տակ սպասեց գանգրահեր նազելի սիրուհոյն, չեկաւ ու յուսակտուր նուազեց՝ դարձեալ նուազեց եղեգնեայ պարզունակ սրինգի սիրոյ ու թախծի, կարօտի եւ յոյսի գաշն եղանակներ, ապա անրջալից աչքերը գետնին յառած դլխիկոր հեռացաւ դէպի սարալանջը։ Անլեհեր որսորդը քարածայրէն անդունդը գլորեցաւ եղնիկի ետեւէն՝ աղիողորմ ճիչը շրմներուն։ Յոգնած հնձորը կանդ առաւ արտին եղըրը, ուռենիներու տակ, նստաւ ճաշեց, կուշտ ու կուռ թան խմեց, ապա երգեց սէր ու գոհունակութիւն։ Կթելու գացող աշխոյժ հարսներն ու աղջիկները, ուրախ կանչերով դէպի հօտերը անհետացան։ Վերջալոյսին դուարածն իր նախրի ետեւէն յոդնած ու նօթի, ծանր գաւազանը գետնին թխկացներով ծերացած գամբուներուն հետ գիւղ մտաւ։ Անառակ ու անմիտ լաճեր գաշտային ծղրիթներու պարզունակ երգը խանգարեցին իրենց անհաճոյ վայնասուններով։ Մզլոտած ու խոնաւ չորս պատերու մէջ ալեհեր ջաղացանը համարերութեամբ մախկ ըրաւ երկանաքարերու երգին։ Գիւղի երկեցին աղան մահացաւ, աղեկտուր ճիշերով ամբողջ գիւղացիները հաւաքուեցան։ ողբացին անմոռանալի կորուստը կտրիճ երիտասարդին։ Բարձրա-

բերձ սարերէն սուրացող աղմկահոս գետը յորդելով բուլոր թումբերը քանդեց եւ բամպակի արտերը ողողեց, անձար գիւղացին լացաւ ահաւոր կորուստը եւ ծնրադիբ իր ցասումն ուղղեց Ամենակարողին: Երիտասարդ անցորդը սիրահարեցաւ ջրկիր աղջկան, երկար դարպասեց, ապա գեղեցիկ օր մը հարսնիք ըրաւ. մարդիկ հաւաքուեցան դհուլ զուռնայով, պարեցին ու կայտուցին, երգեցին ու մենամարտեցան, նոյնիսկ ձի վաղցուցին: Ամբողջ գիւղը խրախճանքի մէջ խայտաց, նորափեսի պապուկին ձայնը կոկորդին մէջ խեղդուեցաւ ու չկրցաւ ուրախութեան խօսքն արտասանել: Դրացի երդիքին տակ նորածին երեխան ճշաց մենակութեան մէջ: Անրախտ հօր, մօր մէկ հատիկ զաւակը երկարատեւ հիւանդութեան ամենի ճիրաններուն մէջ շատ տքաց, բայց վերջապէս մահուան դէմ յուսահատ աղաղակելով հոգին աւանդեց: Մեծատունն այցելեց արտն ու այդին, մարդագետինն ու արօտը, անտառն ու բանջարանոցը, վերջապէս գոմն ու խոզնոցը, նոքարներն հաւքեց, գոհունակութեամբ բարձրածայն ողեւորեց զանոնք, շատ խոստացաւ, լաւը խոստացաւ տալ: Փոշեթաթախ սայլը կանգ առաւ դրան առջեւ, անիւներու ճոխնչէն տնեցիները դուրս խուժեցին արտասովոր աղմուկով:

Քաղաքին մէջ, հրապարակին վրայ առեւտրականը երկար վիճեցաւ նպաստաւոր գին մը ձեռք բերելու համար, իսկ շրջուն փերեղակը առոյդ երգերով ու կանչերով, չրջեցաւ քաղաքին բոլոր թաղամասերը: Ջրկիր տղան երկաթագործին խանութին առջեւ նստած անվերջ լացաւ իր անիրաւուած դրամական պահանջին համար, իսկ ներսը մուրճերու հարուածներուն տակ մարդիկ անհոդ ու անխիղճ բահեր, ու փետատներ, սուրեր

Հրազեններ կոանեցին: Հասարակաց տան մէջ ցոփուհին ակամայ մնաց գինովի շրթներէն կախ, ապա կեղծ մէր շշնչաց, մինչեւ որ մամոնային հնչիւնը իմացաւ, կորզեց ու կորզեց: Պանդոկապետն ու պալատականը խըստիւ յանդիմանեցին մատուռակը որ խնջոյքին համար լաւագոյն գինին չէր կրցած ճարել: Հզօրը ծիծաղեցաւ, արհամարհեց տկարին վախկոտութիւնն ու ուժը, իսկ տկարը ամփոփեց իր բոլոր ճիպերն ու ծառացաւ վիրաւորուած պատւոյն պաշտպանութեան նախանձախնդրութեամբ:

Ահա այսպէս մարդիկն աճեցան, քէնն ու ոխը բոյն դրին բոլորի սրտին մէջ, եւ յանկարծ երար բգքտելու սեւ գաղափարն ունեցան: Հրազենները որոտացին, թնդահօթները դոռացին, սուրերը չկահեցին, եւ մարդիկ սկսան իրարու կուրծքը պատուել նոյն իսկ եղունդներով եւ ատամներով: Ռազմաղաշտին վրայ վիրաւոր մը շատ արիւն կորսնցուցած՝ երկար աղաղակեց օգնութիւն հայցելով, ասոր փոխան վատ ոխերիմն անոր գանկն ալ ջախջախեց եւ ան իր վերջին շունչը փչեց արցունքն աչքերուն, եւ կարօտի փափաքը շրթներուն: Այրուձիերն արշաւեցին քառամբակ, ամէն կողմ դդրդաց, մարդիկ խուճապահար եղան, մայրեր ճշացին լալահառաչ, բայց թշնամին մոլեզնօրէն հրդեհեց ամէն բան, անեղ բոցը ճարճատելով լափեց բոլորը: Մարդիկ ի զուր ողբացին վայրագութեան ճիրաններուն մէջ, երբ ամպն ու փոշին, ծուխն ու բոցը իրար խառնուեցան, մութ ստուերի մը մէջ խորտակելով դահերն ու գահոյքները: Այսպէս անմեղներ խոշտանդուելէ յետոյ, արիններու բանակն իր յաղթական մուտքը չեփորեց, հարսներն ու կայտուն աղջիկները դափնեպսակները

Իրենց ձեռքերուն մէջ բարձրածայն «հուռա»ներով ընդունեցին զանոնք, իսկ անդին մայրել մոխիրներու վըրայ կուչ եղած բուերու նման անվերջ լացին ու վայեցին մինչեւ որ կուրացան: Թնդաց քաղաքը, պառաւներնողեւուած հին գինի մատուակեցին քաջերուն եւ յաղթականները քաղաքին հրապարակին վրայ անդամ մըն ալ իրենց սուրերը արեւին դէմ շողացնելով, յանուն հայրենիքի ամբողջութեան եւ անկախութեան ուիստ ըրին: Հալ ու մաշ նանին իր մէկ հատիկ թոռնիկը նուիրեց հայրենիքի պաշտպանութեան սուրբ գաղափարին ու արցունքն աչքերուն մնաս բարով ըսաւ:

Անհոգը հեգնանքով դիտեց այս բոլորը, վշտացածը՝ դառնութեամբ, որդեկորոյս մայրը՝ անհուն արցունքով, իսկ նորահարսն սեւեր հաղած, դիշերը լուսցուց իր վիրաւոր հերոսին դիակին առընթեր: Որդեկորոյս հայրն իր ատամները սեղմեց, փշելու չափ ճարճատեցնելով, ուզեց լալ, բայց նուաստացում զգաց, համբերեց եւ յուսաց: Անկիւնաղարձին պառկած մուրացիկն իր պատուած ցնցոտիներուն մէջէն երկար աղաղակեց պատառ մը հացի կամ կտոր մը մետաղի համար, որովհետեւ կուշտն անցաւ արհամարհանքով: Հիւանդանոցին մէջ վիրաւոր զինուորը ըրջուեցաւ աջէն ձախ, ձախէն աջ, վէրքերու ցաւէն ուժգին հառաչեց, ականջին հասաւ ձիերուն լրնջիւնը, շեփորին մարտագոռ երդը, հեծեծեց, երկար հեծեծեց, նայեցաւ ձեղունին, ուզեց շտկուիլ՝ չկրցաւ, զգաց՝ ապրեցաւ՝ տառապեցաւ ապա նուաղեցաւ:

Անցան տարիներ, ժամանակի անիւը դարձաւ, կեանքը շարունակուեցաւ, ամէն բան սկսաւ վերյիշուիլ մարդիկ ուզեցին հանգստանալ, ծերունի պատմարանը:

ոաղմաղաշտէն անցնելու պահուն իր մօրուքի մազերուն հետ փայփայեց նաեւ պատմութեան երազալից դրուադներն ու յիշատակները: Երկար պատելէ յոդնեցաւ, վերադարձաւ եւ թուղթին յանձնեց: Երախան սեղմուած իր մօր անութին տակ՝ սարսափով լսեց աչի, ջարդի եւ նախճիրներու պատմութիւնները, սարսուաց ու ճչաց: Կղերն ու հաւատացեալը բարձրածայն աղօթեցին յաւիտենական խաղաղութեան համար, մինչեւ իսկ օրհներգեցին: Գիւղացին հրճուանքով դիտեց հայրենական ժառանգ քարուքանդ գոմի վերակառուցումը: Յիշեց թալանի ու ջարդի անօրինակ պատմութիւնը: Ամուր սեղմեց բոռնցքը եւ պահ մը մտածեց իր երախաններու ու կայքի մասին:

Ահա այսպէս, շատեր վերջալոյսին հետ կեանքն օրհներգեցին նոր արշալոյսներու համար, ծնան ու մեռան միշտ նոր վիշտերով, բայց թարմ յոյզերով ու նոր յոյսերով: Միշտ դարձաւ կեանքի անիւը նոր դէպքերով ու նոր դէմքերով, մինչեւ որ ծնաւ հանճարեղ արուեստագէտը, տեսաւ, կարդաց եւ զգաց բոլորը, հոգին խոռվեցաւ, հաւաքեց այդ փոշոտ ու մոշոտ բոլոր նիւթերը, դրաւ եւ ծանր մուրճովն իր ծեծեց, կուանեց ու կոփեց: Ապա դարձեալ ծեծեց, մեծ ճիգով մը ոգեկոչեց իր բոլոր մուսաները, շաղեց ու շաղկապեց, դասւորեց, դարբնեց ու կոկեց բոլորը, բոլորը ինչ որ գեղեցիկ էր եւ իմանալի, ապա ամբողջացուց հրաշակերտ կուոքը ու զայն դրաւ պատուանդանին վրայ, դրաւ այդ աստուածակերպութիւնը դաշն համադրութեամբ կառուցուած էր հանճարին շունչ վչեց անոր լուսաւոր դէմքին ու մկրտեց զայն համանուագ (symphonie): Ա. Գ. ՄԵՍՈՒՄԵՆՑ



Հ Ե Ր Մ Ի Ն Ե (Միսքան)

Ծնած է Գաղատիա (Էնկիւրի) : Մինչեւ տասը տաս – թեկան յանախած է տեղայն կաքոլիկ «սէօն»երուն վարժարանը : Յետոյ քանի մը ամիս Պոլիս, եւ պատերազմի պատճառաւ դարձած է ծննդավայրը : Տարագրութեան մէջ մնացած է մինչեւ 1918 : Պատերազմէն վերջ 1919ին մտած է Պոլսոյ՝ **Constantinople College**, այսուեղ սորված է հայերէնը, ուսուցիչ ունեցած է Մինաս Ծալեանը : « Յառաջ »ի ծանօթացած է 1927ին, եւ մէկ – երկու տարի վերջ սկսած է աշխատակցիլ : Աշխատակցած է նաև Արփի պարբերաբերին(Ամերիկա) : Կ'ապրի նիս :

ՍԱՐՍԱՓԻ ՕՐԵՐԵՆ

—o—

« Այստան չարիք քէ մոռանան մեր որդիիք  
Թող ողջ աշխարհ հայուն կարդայ նախատինիք »  
Ա. ԱՀԱՐՈՆԵԱՆ

**Պատկերներ . . . պատկեր մը եւս 1915ի սարսափի օրերէն :**

Հաղիւ խելահաս, հայ բիւրաւորներու նման ես ալ աքսորեալ մըն էի, պատանի՝ աքսորեալ, ի՞նչ հակա – սութիւն :

Յուլիսի տաք միջօրէ մըն էր, տաք ա՛յնքան տաք որ կարծես արեւը բորբոքած՝ կ'ուղէր այրել մըկել ամէն ինչ որ կար ու կը չնչէր երկրի վրայ :

Զոր էր գետինը : Փոշիի թանձր խաւ մը կը հանդչէր փողոցը խորտ ու բորտ սալայատակներուն վրայ, մինչեւ յոզնած ծառերուն ծարաւած տերեւներէն :

Յոզնած էր բնութիւնը՝ իսկ մարդիկ զգուած թէ արեւէն եւ թէ արեւուն տակ եղած ունայնութիւններէն :

Զեռքս սափոր մը կ'ուղղուիմ գէպի աղբիւր, քիչ մը թարմ պաղ ջուր խմելու համար :

Մեղոններ, մեղոններ . . . պար բոնած ջուրին շուրջ կը բղզան, կը դղզան ա՛նվերջ :

×

Ականջ կուտամ ու կը սարսուամ : Զայն մը հեռուէն, խորէն, հաղիւ լսելի, բայց սահմոկեցուցիչ :

Սափորս կը զնեմ մէկ կողմ, կը նայիմ շուրջս, ամէն զի, եւ ո՛վ սարսափ, հաղիւ քսան քայլ անդին, կը նշմարեմ կոյտ մը : Կը քալեմ կթուտ ծունկերով գէպի

այդ կոյտը, կը մօտենամ վախով, մանկական հետա -  
քրքրութիւն։ Անձանօթ մը կծկուած պառկած է երեսը  
դէպի հողը, անդործածելի, մէկ կողմ թողուած կառքի  
մը չուքին ապաւինած :

Փոշեթաթախ դէմքը դէպի ի ինձ կը նայի, շրթունք-  
ները հազիւ կը չարժին։ Կը պրկուի, կը գալարուի մար-  
ժինը եւ կը թաթիսուի կրկին փոշին մէջ։ Ճանճե՛ր,  
ճանճեր անհամար կը հանդչին անճար կոյտին վրայ։

— Մայրիկ, պուտ մը ջուր :

Արեւը ա՛յնքան անողոք, կը թափէր իր կրակը վար,  
դէպի վար :

Արե՛ւ, դու վկայ։ Կենդանիները որջ մը ունին, իսկ  
Հայու որդի՞ն . . .

Կրակէդ, արե՛ւ, եւ կրակներէ, անլուր կրակներէ  
գլուխը հանդչելու համար այդ որջն անդամ չունի Հա-  
յու որդին։

— Մայրիկ, պուտ մը ջուր :

X

Զինուոր մըն էր։ Հայ գիւղացիի պարզունակ զաւակը,  
հազիւ երեք տասնեակ ամառներ բոլորած։ Հայշալինջ  
սարսափը իր ճիրաններուն մէջ էր առեր բարի Արմե-  
նակը :

Բանի գացեր էր զինուոր թուրքին, եւ հիմա հիւանդ  
էր ինկեր, փառ էր մարմինը, փողոց էր նետուած։

— Գնա՛, կեավուր, սատկէ :

Օրեր, ամիսներ փրկարար մահը չէր հասեր։ Զէր  
հասեր անոր համար որ Հայ էր Արմենակ, եւ պէտք էր  
մինչեւ իր աչքերը առ յաւէտ փակելը աւելի եւ աւելի  
խմէր այն դառն բաժակէն Հայուն, որմէ կը յորդի լե-  
ղին, կը յորդի անվերջ եւ ա՛յնքան առատ։

— Գնա՛ կեավուր, սատկէ :

Եւ «կեավուր»ը, արարչութեան տիսեղծ արարածը՝  
կը հայցէր պուտ մը ջուր մահուան դէմը կեցած :

X

Արմենակ վերջապէս ստացաւ պուտ մը ջուրը :

Օրեր անցան, կեանքը կը վերադառնար իրեն, եւ ե-  
րիսոսաարդ էր, ինչո՞ւ մեռնէր :

Յոյս ունէր, — միակ աղբիւրը կեանքի :

Յոյսը՝ գրկելու, համբուրելու իր երեք տարեկան  
աղջնակը, կարմբուկ այտերով, սեւուլիկ աչուկներով  
նշիկ թուշով Աշխէնը, իր հոգեհատորը։

Թողած էր կին, մայր, հայր, քոյրեր, բաղմանդայ  
ընտանիք :

Գիւղէն լուր չունէր, արդէն։ Ո՞վ լուր ունէր այդ  
սարսափելի օրերուն իր սիրելիներէն, անապատներու,  
լեռներու, ձորերու մէջ ինկած անսուազ, մահամերձ  
Հայու զաւակներէն :

X

— Մայրիկ, հոգիս մատաղ, ես չեմ մոռնար ձեր ը-  
րածը, ես չեմ մոռնար այդ բարիքը, դրամ չունիմ ձեզ  
հէտիյէ բերեմ, լեռ գացի, սա «փալամուտ»ները (իող-  
կաղին) ձեզի համար ժողվեցի :

Կարմիր վրան ձերմակ գիծերով թաշկինակ մը՝  
չորս ծայրերը իրար կապած, մէջը լեցուն խողկաղին -  
ներ, որոնք մեզի նուէր է բերեր :

Արցունք կար աչքերուն մէջ։ Երջանի՛կ էր :

X

Երեք ամիս անցաւ այն օրէն, «հէտիյէ»ի օրէն։  
Թոյն է եղեր այն պուտ մը ջուրը զոր ես իրեն տուի,

աւելի լաւ էր վերջ տար իր կեանքին եւ այս օրուան չը հասնէր :

Դուռը ուժդին կը զարնուի : Գլտէք, այն վայրենի ձեւով որ յատուկ է թուրք սատիկաններուն, մանաւանդ այդ սարսափի օրերուն : Կը զարնէին դրան ջախջախը կոտրտելու սատիճան :

Թուրք տասնապետ մըն է :

Զինուորներու խումբ մը, խեղճ ու կրակ, մէկ մէկ տոպրակ ուսերուն, ցնցոտիներով :

Հայու որդիներ ամէնքն ալ : Կ'երթան... կը տա - նի՞ն...

— Մայրի'կ, ճերմակեղէններս, կ'երթա'նք :

Մեղ մօտ էր թողած շարաթ մը առաջ իր փոխնորդ - ները որպէսզի լուացուին, եւ քանի օրէ մէջտեղ չէր ե - լած ետ առնելու համար :

Կը ճերբակալուի, բանտը կը նետուի, իբրեւ կա - խստական զինուոր եւ ահա այսօր .

— Մայրիկ, կ'երթա'նք :

Եւ այսպէս հայորդիներ, գացին շարան ու շարան, գացին վաղն ի վաղ, մտրակը իրենց ետեւէն, դահիճ - ներն ալ միասին, դէպ ի սպանդանոց, ոչխարի պէս մորթուելու :

Գացին՝ անդէն, դէպ ի ստոյդ մահ :

×

Վաղն իվաղ կ'երթայ, կ'անհետանայ խումբը :

Կը սարսամ, ընդլզում մը, անպատում անլուր վայրազութեանց դէմ :

Անշարժ կը մնամ դրան առջեւ :

### ԴՐՈՒՅԱԳ ՄԸ ՄՕՏԻԿ ԱՆՑԵԱԼԵՆ

○

1915 թուի 0դոստոսին, թուրքիոյ Գ. քաղաքը, շատ մը ուրիշ քաղաքներու եւ գիւղերու նման, դարձած էր հազարաւոր հայերու աքսորավայրը, ի միջի այլոց իմա ալ :

Աքսորի երկրորդ տարին էր :

Ամառ էր եւ կէս օր :

Վառ արեւը կ'այրէր հողէ տանիքներու այդ քա - ղաքը :

Սնոր տուները մեծ մասով միյարկանի էին : Ամէն տուն ունէր տափարակ տանիք մը՝ հողով ծեփուած ու յարդարուած :

Քաղաքը հեռուէն կը նմանէր անմշակ դաշտի մը. հող, անծայրածիր դաշտ մը՝ առանց բոյսի, կանաչի :

Փոշիներու քաղաքն էր ան :

Փողոցները երեւցող թուրք գիւղացի կիները ունէին ցաւոս աչքեր, կարմրած կոպէր եւ կպչուն թարթիչ - ներ :

Լաւ էր որ անոնք կը ծածկէին իրենց դէմքերը, հետեւելով իրենց մարդարէի հրամանին : Որքան ալ փաթ - թուէին, տեղական կտաէ շինուած այդ ճերմակ ծած - կոցներուն տակէն նորէն կը տեսնէինք այդ կպչուն, ա - նախորժ աչքերը :

×

Ահա այսպիսի գեղջկուհի մը կ'անցնէր մեր բնակած տնակի դրան առջեւէն, ուր ես կանգնած էի :

Գիւղացի կինը հետը ունէր գեղեցիկ աղջնակ մը, հազիւ հինդ տարեկան :

Փոքրիկը ունէր կարմրուկ այտեր։ Թէեւ փոշեթա-  
թախ էր ու այրած արեւէն, բայց եւ այնպէս գեղեցիկ  
էր անոր դէմքը։

Չամիչ, սեւուկ աչքեր կը նայէին հանդիպողին։  
Չորս - հինգ կարճ հիւսքերով՝ անոր մազերը կը հաս-  
նէին մինչեւ ուսերը։

Անոր հագուստը անխնամ էր, աղտոտ։ Գոյնը նե -  
տած, պատուած, կարկտաններով լեցուն քուրջ մը  
ծածկած էր փոքրիկին մարմինը, ուսերէն իջնելով մին-  
չեւ ոտքերը։

Բողիկ էր, բայց վարժ ու աղատ կը քալէր։ Փո-  
ղոցներուն խորտուրորտ տաք քարերը կարծես չէին  
նեղեր զինքը։

Անչնորհք գեղջկուհիին ձեռքէն բռնած՝ ան կը քա-  
լէր ու կը ցատկուէր։

Ի՞նչ անոյշ նայուածք ունէր այդ աղջնակը։ Եւ ի՞նչ  
քաղցր կը հնչէր ձայնը, մինչեւ իսկ այն ըոպէին որ իր  
մատով ինծի կը ցուցնէր եւ կ'ըսէր։ Ա՛նեկ, Ա՛նեկ,  
կեավուրա պաք (Մա՛յր, մա՛յր, անհաւատը տես)։

Այդ նախատական բառերը որքա՞ն անոյշ հնչեցին  
ականջներուս։

Մանկական միամտութեամբ, փոքրիկ շրթներէն  
թռած այդ նախատինքը ո՛չ մէկ թոյն ունէր իր մէջ։

Ան ըսաւ այդ խօսքերը եւ անմիջապէս յետոյ ժըպ-  
տեցաւ ինծի։

Քովէն քայլող կինը իր կարգին դարձաւ ինծի ու ը-  
ռաւ. — Տե՛ս, սե՛ս, այս փոքրիկն ալ կեավուր է, բայց  
ա՛յնքան կ'ատէ կեավուրները որ՝ ամէն անգամ ֆեզի  
նման անհաւատ մը տեսնելուն «փիս կեավուր» (աղտոտ  
անհաւատ) կը կոչէ։

Այդ իսկ վայրկեանին փոքրիկը կարծես սթափեցաւ  
եւ յիշեց իր դասը։ Աչքերը ինծի տնկեց եւ բոլորովին  
փոխեց իր արտայայտութիւնը։ Դէմքը ծոեց, ամենա -  
անկիրթ ձեւով երեք անգամ փիս կեավուր ըստ ու դար-  
ձաւ փողոցին անկիւնը։

Այսպէս հեռացաւ ան իմ աչքերէս եւ անգամ մըն ալ  
չունայ զինքը։

×

Այսօր, 19 տարի յետոյ, դեռ չեմ մոռցած ցեղիս  
այդ գեղեցիկ աղջնակը։

Ո՛վ գիտէ, ո՛ր կարաւանէն խլուած դառնուկ մըն  
էր ան՝ ինկած գայլերու վոհմակին մէջ։

Դեռ կ'ապրի՞ արդեօք։

Արդեօք յօշոտեցի՞ն իր մարմինն ալ, ինչպէս յօշո-  
տած էին իր հոգին։

Եթէ ողջ է, արդեօք նոյն անգիտութեամբ դեռ կ'ա-  
տէ՞ իր ցեղը՝ հազար անգամ խաչուած։

Իսկ եթէ ողջ է ու ազատած իր անմեղ զոհի վիճա -  
կէն, արդեօք ամէն օր իր սրտի խորէն կ'ըսէ՞ Մեծ Գու-  
սանին պէս. —

Այսքա՞ն չարիք քէ մոռանան մեր որդիիք,  
Թո՛ղ ողջ աշխարհ հայուն կարդայ նախատինք։

աշ

ԱՆԱՍՏՈՒՄԾԻՆ

Եթէ տեսնէիր ներդաշնակութիւնը Բնութեան, որ  
համակ սէր է ինքնին,

Եթէ տեսնէիր արեւը որ ամէն առաւօտ երկինքին  
շրջանը կ'ընէ, իր լոյսն ու ջերմութիւնը տարածելով  
երկրի վրայ,

Եթէ զգայիր արեւուն գուրգուրանքը, սէրը դէպէ  
երկիր,

Եթէ գիտնայիր գիտել դաշտին սա գոյնզգոյն ծա-  
ղկները, ամէնքը սիրոյ մէյ մէկ աչուկներ,

Եթէ լսէիր ծառին վրայ թառած ճռուղուն թռչուն-  
ներու մեղեդին, որ համակ աղօթք ու սէր է,

Եթէ տեսնէիր կանանչազարդ ծառերն եւ յարգը  
գիտնայիր անոնց զով հովանիին՝ կիզիչ արեւուն տակ,

Եթէ օրհնել գիտնայիր ծառերն իրենց համեղ, ջրոտ  
պտուղներուն համար,

Եթէ զգայիր վճիռ առուակին օրհնութիւնն երկնա-  
յին, երբ ան քու այրած շրթներդ կը զովացնէր,

Եթէ գիտնայիր անհամար բարիքները Մայր Բնու-  
թեան,

Եթէ վերջապէս գիտնայիր թէ ուժ մը ունին դեր -  
բնական, դաշտն իր ծաղիկներով, ծառերն իրենց պը -  
տուղներով,

Այն ատեն, ո՞վ Անաստուած, քու մէջդ ալ կը կա-  
թէր պուտ մը սէր արարչիդ եւ նմաններուդ հանդէպ:

ՀԵՐՄԻՆԻ



ԶԱՐՄԻՆ ՇԻՆԱԿԱՆ  
(Ներսէս Խաչիկեան)

Մնած՝ 1905ին, Սեբաստիոյ նահանգին գիտի մը  
մէջ (Տիվրիկի շրջան՝ Խուռնավիլ): Հազիւ 3 — 4 տարի  
գիտին դպրոցն է յանախած: Տարագրութեան մէջ մնա-  
ցած է մինչեւ 1920: Որբանց չէ տեսած: Ֆրանսա եկած  
է 1923ի աշնան: «Թառաջ»ի հետ ծանօթացած է 1926ին:  
Գրելու փորձերը սկսած է նոյն թերթին մէջ, 1933ին:

Գրած է տասնեակ մը «Հայրենի պատկեր»ներ ու պատմուածքներ, որոնցմով կարելի է համեստ հատոք մը կազմել :

Ունի նաև արձակ ժերթուածներու եւ ոտանաւոր ներու շարք մը : Աշխատակցած՝ «Յառաջ»ին, «Երկունք»ին, «Կեանք եւ Արուեստ»ին եւ ուրիշ բերքերու : Բանուոր է : Կ'ապրի Վիկն (Ֆրանս) :

### ՓՈՔՐԻԿ ՀՈՎՈՒՈՒՀԻՆ

Այն տարին, գարնան շատ մօտիկ օր մը, տէրս դիս քովը կանչելով ըստ :

— Մէ՛ն մանչս, գիտե՞ս, այս տարի Մուսային հետ միասին պիտի ընէք գարնցանն ու հերկը : Գիտեմ տղաս, դաշտային աշխատանքներու համար մինակութիւնը դժուար է : Հերու, ես քու մասին միշտ կը մտածէի, երբ քու այդ հասակովդ . . . մինակ կը մեկնէիր փոքրիկ խուրծինը ուսիդ : Բայց, մանչս, յարմարութիւն չկար անշուշտ անցեալ տարի : Որովհետեւ, «Արապ»ը մինակ էր, ու ստիպուած էինք այդպէս ընել :

Սակայն, այս տարի «Արապ»ը ջխտած ենք արդէն, հետեւաբար, որոշած եմ, քեզ մինակ չձգել : Այս տարի մինչեւ խոտ - քաղ, Մուսային հետ պիտի ըլլաս, որ արդէն քեզ իր եղբօրը պէս կը սիրէ : Վստահ եմ, որ զուն ալ՝ ալ աւելի կը սիրես զինքը, որուն ապացոյցը տուած ես միշտ : Երբ պարապ կ'ըլլաս, անոր քով կը վազես, ժամանակդ իր հետ անցընելու համար :

Տիրոջս այս յայտնութեան վրայ, հոգիս ուրախութեամբ լեցուեցաւ : Ուրախութիւնս ունէր երկու պատճառներ : Առաջին, — որ ես այդ գիւղին մէջ ամենաշատ սիրած տղուս հետ պիտի ըլլայի առնուազն երկու ամիս : Հոդ չէ մենք աղղութեամբ եւ կրօնքով իրարմէ տարբեր էինք : Այդ պատճառ մը չէր, անշուշտ, — բացառութեամբ մինակ Մուսային — որ մենք եղբօր պէս զիրար սիրէինք ու յարդէինք : Երկրորդ պատճառը նոյն քան կարեւոր էր . . . տիրոջս կծծի կինը այլեւս պիտի չյանդինէր, մէկ հատիկ ցամաք հացով մը — ի՞նչ հաց

— զիս դաշտ դրկել, մինչեւ իրիկուն մաճը բռնած ան —  
դադար դառնալու համար :

— Տղա՛ս, շարունակեց տէրս խօսքը Երկարելով,  
այս տարի «Սեւ Քարայր»ին մեծ արտը — որ քսանը —  
հինգ լծվար է — ամբողջութեամբ պիտի հերկէք, աշ-  
նան ցորեն ցանելու համար : Երկու շաբաթ կը տեւէ՝  
երկու լուծքով, որ, հերկի մեր բաժինը հազիւ այդքան  
օր պիտի ունենանք :

Ճիշդ տասը տարի է ահա, որ հայրս մեռած ու մենք  
չորս եղբայրներ բաժնուած ենք : Սեւ Քարայրին արտը  
ու միւս քանի մը կտոր մանր արտերուն հետ ջաղացքը  
իմ բաժինս ինկան :

Ես մինակ էի, նոր ամուսնացած՝ ու երախաներս ալ  
փոքր, (առջինեկ տղաս մեռաւ հինգ տարեկանին) հա-  
զիւ կրնայի ջաղացքին նայիլ, ու այդ գիւղին մօտիկ  
քանի մը կտոր մանր արտերը ցանել : Սեւ Քարայրին  
մեծ արտը, տասը տարիէ ի վեր բնաւ արօր չէ տեսած :  
Հիմակ անոր հողը լաւ մը հանդչած՝ ուժովցած է : Պէտք  
է այս տարի քանի մը բերան հերկ զարնել, դաւ տարի,  
ցորենի առատ բերք մը ունենալու համար :

Հա՛ մանչս, ուրեմն այսպէս : Ես ջաղացքին կը նա-  
յիմ, դուն ալ Սեւ Քարայրին արտը կը ցանես : Քե՛զ  
տեսնեմ, դաւ տարի գիւղին մէջ ամէնէն շատ ցորեն ու-  
նեցողը մենք պէտք է ըլլանք :

X

— Մէ՛ն, պղտիկ եղբայրս, ըստ Մուսան այդ օրը,  
— վաղը հերկի մեր կարդն էր, եւ մենք պիտի սկսէինք  
Սեւ Քարայրին արտը սեւցնել — Վաղուընէ սկսեալ ձեր  
կարդն է : Գիտցի՛ր որ, մենք ամենաբարձր տեղը կը  
գտնուինք հերկուորներուն մէջ : Եւ, արեւն ալ ամէնէն

շուտ մեղ պիտի տաքցընէ : Ես կը մեկնիմ գէպի տուն :  
Եղները կանուխ պէտք է հանես արածելու, կշտացնելու,  
որ կանուխ լծենք, արեւը դեռ չտաքցած արձակելու  
համար զանոնք :

Գիտես արդէն, որ ձեր Արապը կատակ չի սիրեր,  
եւ, երբ արեւը տաքնայ, ու աւաններն(\*) ալ մօտենան,  
պոչը կը սօթաէ, եւ արօրը ակօսէն հանելով կը չուէ,  
Պոգօն ալ իր հետ քաշկոտելով : Կը յիշես անշուշտ, ան-  
ցեալ օրուան դէպքը, երբ աւանելով արօրն իր խոփով  
բաւական տարածութեան վրայ փայլեցուց օդին մէ —  
ջէն... : Հետեւաբար, պէտք է կանուխ հանել, կշտա-  
ցնել, եւ կանուխ լծել : Արեւուն ճառագայթները տա-  
կաւին չիկացած, օրուան բաժինը պէտք է լրացնել ու  
ազատ ձգել եղները :

Ուրեմն այսպէս, չէ՞ Մէնս : Երբ եղները կշտացնես,  
աղուոր մը անոնց փորերը կլորցնել տալով, վարը գե-  
տակ կիցնենս՝ ջրելու համար : Մինչ այդ, ես կը հաս-  
նիմ քեզի ճիշդ գետակին վրայ :

X

— Մէ՛ն սիրելիս, ձայնեց Մուսան այդ առտու քըն-  
քոյշ ձայնով մը, երբ ըլուսցած եղները լծած ու պատ-  
րաստ վիճակի մէջ կը գտնուէինք, արտին հորիզոնը  
շատ երկար է : Պէտք է երկու մասի բաժնել, թէ՛ մեզի,  
Եւ թէ եղներուն գիւրութեան համար :

Մոփը առանց հողին մէջ խրելու, բարձրացիր ար-  
տին վերեւ : Իմ ցոյց տուած կէտէս, արօրը թաղուած

(\*) Գորշագոյն խոշոր նանեներ, որոնք տաք տաեն  
հերկին, սաստիկ կը կնեն եղները : Այս պատճառաւ հեր-  
կի տաեն շատ կանուխ կը լծեն :

մինչեւ վիզը, ուղղահայեաց, լայն ակօսով մը բաժնէ արտին լայնքը կիսելով։ Այնպէս բաժնենք, որ իւրաքանչիւր կողմ մէկ մէկ շարթուան դործ ունենանք։ Համաձայն ես չէ՞։ Ուրեմն, օ՛ն յառաջ, գեռ լոյսը չբացուած։

Քանի մը վայրկեանի մէջ, Մուսային հրամանը կատարած, եւ, լայն ու խոր ակօս - զծով մը, Սեւ Քարյորին մէծ արտը երկու մասի բաժնած էի։

×

— Սքանչելի հերկ ունի չէ՞, Մէնս, ձայն տուաւ Մուսան առջեւէն, երբ սկսած էինք առաջին ակօսները բանալ։ Թեթեւ հող ունի։ Շատ պնդացած ալ չէ, որովհետեւ, կենդանիներ շատ չեն հանդիպած, հեռու ըլլալուն համար։

Կը տեսնե՞ս, ինչ աղուոր կը սողան խոփերը, երկու կողմի վրայ մանր - մանր գուղձեր նետելով։ Հերկը միշտ այսպէս ըլլալու է։ Ան եթէ խոշոր գուղձ նետէ, կը նշանակէ թէ, կամ ոտքի շատ կոխան եղած է, եւ կամ թէ ժամանակը անցած է։ Երբ խոշոր գուղձերով հերկ կ'ունենանք միշտ վտանգաւոր է։ Արօրը միշտ կը սահի ակօսէն դուրս, եւ, եթէ ուշադրութիւն չընենք, եղան ոտքին կը խրի խոփը։ Դաստակը կը յոդնի, կը փրթի սեղմելէն։ Այս ալ երկրորդ դժուարութիւն մը հերկւորին համար։

×

Մինչեւ ցայլաբաց, արդէն լծվար մը տեղ շրջած էինք հողը, եւ չունչ մը տուինք եղներուն։

Մայլսեան արեւը, հետաւոր լեռներուն ետեւէն բսկսաւ կամաց կամաց իր բեւեռները ցոյց տալ, որոնք խրուած էին կապոյտ այերին մէջ։ Մեղմէ աւելի վեր

դտնուած բարձունքները արեւոտած էր, եւ, չուքը դանդաղօրէն իր քղանցքները հաւաքելով դէպի մեղ կ'առաջանար։

Արշալոյմէն քիչ առաջ, խոտերուն ու թփիկներուն վրայ տեղաւորուած ցողի կաթիկները կամաց կամաց կ'անհետանային չողիկանալով։ Բոյսերն ու թփիկները սկսած էին կամաց կամաց ժպտիլ արեւուն դէմ իրենց գլուխները վերցնելով ու լուռ փսփսալով, — ճիշդ ժամանակին հասար, եթէ քիչ մըն ալ ուշանայիր, պիտի մսէինք, պիտի սրսփայինք, սա մեր մարմիններուն վըրայ թառած ցողերուն ծանրութենէն։

Արեւին երեւնալուն հետ, սա աղուորիկ, պղտիկ պղտիկ թռչնիկներն ալ սկսան թուփի թուփի, տերեւէ տերեւ ոստոստել, իրենց անոյշ գեղգեղանք - լեզուներովը խօսելով ու երգելով։

Մենք կը հանդէինք մեր Արապին ոտքերուն տակ, մեր կոնակը տուած խոնաւ հողին, քիչիկ մը հաց ու պանիր ծամելէ ետք՝ իրեւ նախաճաշ։

Մեր դիմացը գեղեցիկ համայնապատկեր մըն էր լեռներու, ձորերու ու դաշտերու։

Մուսան սքանչացումով կը խօսէր իրենց լեռներուն մասին, ինծի ալ հարց տալով։

— Դուք ալ ունի՞ք սասնկ սիրուն տեսարաններով ու բարձր զաղաթներով լեռներ։

— Ա՛չ, մեր լեռնե՞րը, պատասխանեցի ես, իրենց բարձրութեամբ Աստուծոյ դուռ - դրացի են, ու անոր հետ միշտ զրոյց կ'ունենան...։ Ա՛խ, տեսնէիր անդամ մը մեր Ախմբըշատը, թէ ի՞նչպէս երկինքը իր կոնակին վրայ շալկած է... Արեգին, որ արեւուն էն սիրելին է... Ախղա՛ղը, որ ամէնէն շատ ձմեռ կ'ունենայ ...

իւնթ լեռը, որուն անծանօթներ միշտ կը սոսկան մօ —  
տենալու... Մեր լեռնե՞րը, մեր հսկանե՞րը ... Ձեր  
այս լեռները ի՞նչ են որ, եթէ ոչ մէկ — մէկ գաճաճներ  
մերիններուն քով :

— Կը հաւատամ, ըստ Մուսան եւ աւելցուց —ի՞նչ  
ալ աղուոր, աղուոր անուններ ...:

Երբ վերջացաւ մեր եւ Մուսայենց լեռներու մասին  
եղած զրոյցը, գլուխս վերցուցի եւ ետ դարձուցի ան —  
գամ մը: Ի՞նչ տեսնեմ, արեւը եկած մեզի շատ մօտիկի-  
ցած էր, եւ, եզներուն գլուխներն ու փորերուն մինչեւ  
կէսը ոսկեգոյն պատաճած :

— Արե՛ւը, արե՛ւը, ձայնեցի ես, տե՛ս, մեր քով  
հասած է: Քիչ վերջ, աւանները ուր են ուր չեն մէջտեղ  
պիտի ելլեն: Մեր Արապը անոնց տըզզոցը լսելով պիտի  
սկսի ակօնները ծոմռտկել ... ե՛լ, չուտ, — առաջար —  
կեցի Մուսային: Անմիջապէս, վարոցները քաշելով հո-  
ղէն, մաճերուն փարեցանք :

×

Այդ օրուան բաժինը լրացնելու մօտ էինք, երբ  
քնքո՞յշ ձայն մը, երգի մը վերջին վանկերովը մեր ա-  
կանջներուն հասաւ: Կանդ առինք. ձայնին որ կողմէն  
դալը ճշգելու համար: Ան կուղար մեր վերեւ զանուած  
բլուրին կողմէն, ու կը շարունակուէր տակաւին: Այդ  
ձայնը, կարծես գուրս կուղար, փլած կուրծքի մը աւե-  
րակներուն տակ թաղուած սիրտէ մը, այնքան մելա —  
մալձոտ, այնքան սրտակեղեք: Եւ կը կարծուէր թէ,  
սիրտ փեռեկտող լացի մը ձայնն էր եւ ոչ թէ երգի մը:

Մենք կը գտնուէինք բլուրէն վար, մօտաւորապէս  
չորս — հինգ հարիւր քայլ: Չայնը կուղար բարձրէն, եւ  
մեր վերեւը հաղիւ հասած, միջոցին մէջ կը փշրուէր,

կ'անհետանար, ինչպէս ջութակի մը անո՞յշ ու լալկան  
վերջին մրմունջները, որ ընդարձակ սրահի մը վերջին  
նստարանները չհասած կ'ամչնչանան:

— Անծանօթ բառեր ու եղանակ, մրմնջեց Մու-  
սան, խօսքն ինձի ուղղելով, կողմնակի :

— ...:

— Ինչո՞ւ լուռ ես, Մէ՛նս, անպայման դուն ...:

— Այո... ինձի համար հասկնալի բառեր ու շատ  
ծանօթ եղանակ մը, սիրելի՝ Մուսաս, աւելցուցի՝  
տխուր :

— Հօ՛ ընենք, Մէ՛ն հոգիս, առաջարկեց Մուսան,  
տեսնելով որ ես սկսայ տխրիլ, եւ աւելցուց — չուտ  
ընենք, արդէն քիչ մնացած է մեր օրուան բաժինը լրա-  
ցնելու: Եզները արձակելէ վերջ, վեր կը բարձրանանք  
անդամ մը ...:

Երգը կը շարունակուէր տակաւին, ու անո՞յշ անոյշ  
կուլար մեր ականջներուն մէջ:

Կէս գիշերին, դուռը զարկին,

Անոյշ քունէս արթնցուցին,

Մայրիկ, մայրիկ, անուշիկ մայրիկ :

×

Արեւը հաղիւ եփրատին վրայ հասած էր, երբ մենք  
երկու լծվարէն քիչ մըն ալ աւելի տեղ սեւցնելէ ետք,  
եզներն արձակած էինք:

Դէպի վեր՝ բլուրը բարձրանալու համար նեղ կածան  
մը կար, որ թփիկներուն մէջէն մեղ վեր հանեց մինչեւ  
բլուրին գաղաթը :

Երգը կը շարունակուէր անդադար: Ու մենք քանի  
կը մօտենայինք ձայնին, ան այնքան տխուր կուղար  
մէղի :

Կէս զիշերին, դուռը բային,  
Չեռք ու ոսքը շըրա'յ զարկին:  
Մայրի'կ, մայրի'կ, անուշին մայրի'կ :

Կը կարծէի թէ, մէկը սիրտս իր երկաթէ ճանկե —  
րուն մէջ առած, արիւը կը քամէք անդաղար...: Սկսայ  
գանդաղիլ: Զէի կրնար քայլերս սովորականին պէս ա-  
րադ չարժել: Մուսան ալ — դրայուն սիրտով որբուկ մը  
— տեսնելով որ զգածուեցայ ու չէի կրնար արադ առա-  
ջանալ, տիրութեամբ լեցուած, մօտեցաւ ու յարեց  
հարազատի մը ձայնով .

— Հոդ չէ... կամաց քալենք...:

Քանի մը քայլ եւս յառաջանալէ վերջ, երբ դադա-  
թին մօտեցած էինք, տեսանք, փոքրիկ պուրակի մը կո-  
ղին վրայ քանի մը այծեր, որոնք մեղ տեսնելով ետ  
փախան, դէպէ իրենց տիրոջը կողմը :

Այծերուն ետ դառնալը պատճառ եղաւ, որ փոքրիկ  
չովուուհին թուփի մը տակէն դուրս ելէ; իր երգը  
դադրեցնելով :

— Աչաւասիկ, փոքրիկ հովուուհի մըն է եղեր,  
ձայնեց Մուսան, մատնանշելով :

Մենք այլեւս շատ մօտեցած էինք իրեն: Ուզեց խոյս  
առաջ մեղմէ, ծածկուելու, չերեւալու համար, բայց ալ  
ուշ էր: Ան մինչեւ իր այծերուն քով հասաւ, մենք ալ ե-  
տեւէն հասանք: Իրարու քով էինք հիմա, դէմ — դիմաց  
զիրար կը դիտէինք լուռ, հայեացքը դետին զամեց մեր  
դժբախտ՝ փոքրիկ հովուուհին, վայրկեան մը մեղ դի-  
տելէ վերջ: Ես զգացի անմիջապէս, որ անոր սիրտը կը  
հեւար, ցաւոտ, մատղաշ կուրծքին տակ: Մարսուու մը  
պատեց դէմքը... Մերկ սրունքները սկսան դողդղալ:

Կարծես կուլային... կը ճշային անոր ճաքճլքած մէրկ  
տոտիկները :

Դժբա'խտ որբուկ, արգեօք ինչե՛ր անցուց իր միտ-  
քին այլ միջոցին: Թերեւս կարծեց թէ, երկու պղտիկ  
գաղաններ էինք, պատրաստ բզբսելու :

Զէր զիտեր թէ, այլ երկուքին մէկը իր ցեղին բէ-  
կորն էր, ինչպէս ինք, սիրտը ալեկոծ՝ իր վիրաւոր եր-  
գը լսելէն ի վեր... Ու քիչ կը մնար պոռար,

— Մի՛ վախնար, Հայո՛ւ ձագուկ... ես ալ Հայ  
եմ...:

Իսկ երկորդը, ան ալ որբ մը, եւ, երկու այրինե-  
րով տունի մը միակ նեցուկը: Ու թէեւ ազգութեամբ  
տարրեր, սակայն մեր եւ իրենց Աստուածը մէկ ըլլալու  
հաւատացող մը...:

Համբերութիւնս սպառած էր այլեւս.

— Ո՞ր տեղացի ես, փոքրիկ հովուուհի... Հայ ես  
չէ... Մի՛ վախնար, խօսէ՛, ես ալ Հայ եմ...:

— ...:

Անիկա լուռ կը մնար տակաւին: Հայեացքը միշտ  
դամած գետին, աղուորիկ գլուխը կախ, ու քիչ մը դան-  
գուր սեփ սեւ մաղերը թափած գլխուն ամէն կողմէրէն:  
Գունատ դէմքին վրայ իր փայլուն աչուկները դառնու-  
թեան մէկ մէկ լճակներ էին կարծես :

— Խօսէ՛, մի՛ վախնար, իմ պղտիկ քոյրիկս: Ես ալ  
Հայ եմ, ալ ինչո՞ւ կը վախնաս: Վերցո՞ւր դէմքդ, այդ  
աղուորիկ աչուկներդ ինձի ուղղէ՛, ու խօսէ՛, խօսէ՛...

Զէր խօսեր տակաւին: Թարթէներն սկսան թրջիւ,  
ու կամաց կամաց կայլակներ գոյանալով գլորեցան իրա-  
րու ետեւէ աղբերակունքն ի վար, խըլսմեցնելով իր դու-

նատ այտերը : Ան հիմա սկսած էր խօսիլ յորդառատ արցունքներովը . . . :

Մուսան ալ, այդ բարեսիրու որբուղը, վարոցը դարկած գետին ու ծոսած վրան, այս գառնութեան խորոշինը կը չափէր արդեօք, թէ զաղանիքը կ'ուղէր զուծել, լուս կեցած մեր կողքին : Գիտէի մինակ, որ այդ տղան կը զլար մեր վիշտը, ու սիրտը կ'արիւնոտէր մեղդիտելով :

— Եթէ չխօսիս, քեզ ալ այծերդ ալ պիտի առնենք Երթանք — յայտարարեցի ես, համբերութիւնս հատած ըլլալով :

Եւ ահա սկսաւ խօսիլ փոքրիկ հովուուհին .

— Այո՛, չայ եմ աղբարիկ . . . ի՞նչ կ'ուղես որ խօսիմ . . . ալ խօսելիք մնացա՞ծ է . . . :

— Անունդ ի՞նչ է, ո՞ր տեղացի ես :

— Ես ծնած եմ Եփրատի ափի Հաստատուած դիւղի մը մէջ . . . Անո՞ւնը, այնքան ալ կարեւոր չէ . . . Մեռա՞ւ դիւզս . . . : Անո՞ւնս . . . այն ալ մեռաւ . . . այժմ նոր անուն ունիմ — Կիւլի . . . : Ինձմէ վերջ մայրս երկու անդամ ալ երկունք ունեցած է, բայց, այդ երկու զաւակներն ու ինք ո՞ւր են հիմա . . . չեմ գիտեր, աղբարիկ'ո : Հայրիկ ալ ունէի . . . Անոր պատմութի՞ւնը . . . — դիւել մը, զինուած մարդիկ մեր դուռը զարկին, ներս մտան, թեւերը կապելով առին՝ տարին . . . ես ալ արթնցայ ու շատ լացի հայրիկիս համար որ չտանին, բայց չսեցին . . . : Ահա ամբողջ պատմութիւնս : Ալ ի՞նչ կ'ուղես . . . ներկայիս, սա մօտիկ դիւզը՝ Տէնիզի կը մնամ, ու ահաւասիկ տան մը հովուուհին եղած եմ . . . :

Այծերու խումբը բաւական հեռացած էր մեր գըտնուած վայրէն, հետեւաբար, իրարու մնաք բարովը —

սելով, ու տաքուկ ձեռքերու սեղմումներէ վերջ, իրաբանդամ մը եւս լուռ դիտելով բաժնուեցանք, մենք քալով մեր եզներուն, ինքն ալ իր այծերուն կողմը :

×

Տակաւին իրարմէ հարիւր քայլի վրայ հազիւ բաժնուած էինք, փոքրիկ հովուուհին վերսկսաւ իր ողբերգը :

Մի լար մայրիկ, ինծի համար,

Ես կը մեռնիմ ազգիս համար . . .

Մայրիկ, մայրիկ, անուշիկ մայրիկ :

×

Տարինե՛ր, տարինե՛ր անցած են այդ օրուընէ ի վեր, սակայն ես բնաւ չեմ մոռցած այն փոքրիկ հովուուհին պատկերը եւ երդը սրտաճմլիկ : Իր համառօտ պատմութիւնը մինչեւ այսօր ալ այնքան թարմ պահուած է սրտիս մէջ, ինչպէս մանկական հէքեաթ մը, որ կը տեւէ մինչեւ մահ :

◎

### ՆՈՐԷՆ ԾԱՂԿԵՑԱԽ

—○—

Սնձենի մը ունիմ աղուորիկ, ճիշդ բնակարանիս դիմացը : Գարնան հոտ առաւ : Տաք արեւ տեսաւ, ու դարձեալ արբունքին հասաւ :

Ծաղկեցաւ նորէն : Եւ հիմակ, սպիտակ հագուստներուն մէջէն, նոր հարսի նման, ինդում երեսով, փալվլուն աչքերով կը դիտէ զիս շարունակ, առանց յոդնելու, կարծես չի ալ ձանձրանար . . . :

Տասը տարի էահա, գրեթէ, դէմ դիմաց կ'ապրինք :

Իրարու դրացի եղած ենք: Կ'ապրինք շատ սիրով, առանց քէնի ու կոռուի, երկնային բնակիչներու նման . . . : Աստուածային սէր ու պաշտամունք ունինք իրարու հանդէպ: Բայց մեր պատմութիւնը:—

Տասը տարի է ահա, զրեթէ զէմ դիմաց կ'ապրինք: Միկ թփիկ մըն էր տակաւին, հողէն հաղիւ քանի մը թիղ բարձրացած:

Քանի մը տարի միշտ կանանչ մնաց, առանց ծաղիկի ու ժպիտի :

Ու անկէ յետոյ, ամէն տարի, երբ Մայիսի շէմքին կը հասնի, կը պճնուի աղուոր տեսքով մը, ու համակ ծիծաղ կը դառնայ :

Ու ես ամէն գարնան, զինքը կը դիտեմ, կը դիտեմ անկուշտ, օրերով, ցերեկները արեւի շողերուն տակ, իր փունջ - փունջ ծաղիկները ճերմակ, աչքերս կը խստացնեն :

Իսկ գիշերները, սա երկինքի տիրողը, գիշերապահ՝ արծաթագունդ լուսինին տակ կը փալիլայ, երբեմն օրորուելով իրեն քսուող մեղմիկ հողմերէն, ու երբեմն հանդարտութիւնը պահելով, լուռ ու մունջ կը դիտէ զիս, իր անթիւ ծաղիկներու փունջերուն մէջէն պահացող աչուկներովը :

Ու այսպէս, տարիներէ ի վեր ամէն գարնան: Ոս - տիկները կ'ուռին ինչպէս նոր արբունքի նշանն զզացող աղջկան մը կուրծքերը . . . Եւ, քանի մը օր վերջ մէրկանալով իր ճերմակ ծաղիկներէն, ողկոյզ - ողկոյզ կարմիր պառուղները կ'երեւան ճիշդ բալի նման, կախուածիր ճիւղերուն ամէն կողմերէն, խիտ առ խիտ :

Զինքը դիտելով, անոյշ յիշատակներ կ'արթննան մէջս . . . Հողիս կը տիրի, կուրծքս կը տրոփէ, սիրու

կ'արիւնի՛ . . . Գիւղիս, — Ե՛յ լսեցէք, դուք քարսիրտնե՛ր — իմ մեռած զիւղիս, բաղմաթիւ սնձենիները կը յիշեմ, իրենց սլացիկ հասակներովը: Կը պատկերացնեմ մեր մանկական խաղերը, անոնց զով չուքերուն տակ, այս եղանակներուն:

Ու իմ այս սիրունիկ սնձենիս բոլորտիքն ալ, նոր նոր նոր թփիկներ սկսած են բարձրանալ, եւ անոնցմէ ոմանք ալ իրենց փոքրիկ հասակները զարդարած թիթեռներով . . .

Իրմէ քիչ վերեւ, նաեւ սկսած են բարձրանալ քանի մը հատ արտուճ թփիկներ, որոնք տարին տասներկու ամիս միշտ կանանչութիւննին կը պահեն, մշտադալար ու անուշիկ տեսքով մը:

Ու վերջապէս սա երկարավիզ ու ոլորուն խածնող մորենիները, սողոսկելով կ'ուղեն իմ աղուորիկ սնձենիս կողերուն փաթթուիլ ամէն կողմերէն :

Եւ, տեսարանը գեղեցիկ ու ներդաշնակ է, բնակարանիս դիմացը, սա փոքրիկ լերան կողիկին վրայ: Տեղ - տեղ ցցուած ժայռերուն մէջտեղերն ալ կանանչներ ու ծաղիկներ ամէն դի:

Ու այս բոլորէն բարձր, այս պղտիկ լերան պորտին վրայ, յիշատակներս արթնցող սա չքնաղ սնձենիս, իր սպիտակ հաղուստներով կ'իշխէ բոլորին :

Բայց, սնձենիդ իմ գարնան - հարսնուկ, այս ամ - բողջը մինչեւ այստեղ քու պատմութիւնդ էր: Արդեօք համելի պիտի չըլլա՞ր քեզի, որ քանի մը խօսքով, իմ պատմութիւնս ալ արձանաղբէինք այստեղ, միախառնելով երկուքնիս ալ, մէկը համակ զուարթութիւն, իսկ միւսը վշտալի ու տիսուր . . . այսպէսով կազմել թատ-

բերդութիւն մը , երջանկութեամբ սկսող ու ողբերգութեամբ վերջացող ...

— Սնձենիդ իմ սպիտակաղարդ , ես ալ քեզ նման գեռ կանաչ թփիկ մըն էի տարիներ առաջ , երբ վայրենի ու չար ձեռքեր արմատէս պոկելով նետեցին անծանօթ վայրեր ... Վայրակ հով մը զիս առջեւէն քշելով , պտըտցուց , քաշկոտեց , տափաստաններէ տափաստան , քաղաքէ քաղաք , երբեմն կիսամերկ ու բոպիկ , գլուխս բաց , ցուրտին , տօթին ու ձիւնող եղանակներուն : Ու երբեմն ալ շատ աղքատ ցնցոտիներու մէջ , առանց մնունդի , թօնած ու մատղաշ հոգիս մէջ բոլոր զըր - կանքները իւրացուցած ... Բայց ապաղայ վիթթումիս յոյսովն ու տենչանքներով , որրացած սրտիս հետ օր մըն ալ մենք մեղ դտանք , օտար , բազմամբոխ քաղաքի մը պողոտաններուն վրայ ... Անշնչելի ու անհարազատ զտայ ինծի համար , ու ինքզինքս չուտով նետեցի այս հեռաւոր ու քիչ մը արեւոտ խաղաղ անկիւնը ... Եւ ընդունեցի քու բարի դրացնութիւնդ : Բայց սնձենիդ իմ ծաղկազարդ , քեզ սիրելով հանդերձ , պէտք է խոստովանիմ որ շատ անմեղ նախանձ մը ունիմ քեզի հանդէպ , — կուզեմ որ ես ալ քեզի նման ամէն զարնան ծաղիկ ունենամ ... Ծաղկիմ ու ժպտիմ ես ալ քեզի՝ ինչպէս դուն ինծի , որպէսզի մոռնամ դառնութիւններն ու զրկանքները գէթ ժամանակի մը համար :

Ահա զարուններս լուսնի մը օրերէն քիչ մըն ալ աւելի , թաւալգլոր մէկը միւսին ետեւէն սահեցան ու կորան անհետ , առանց ծաղկումի , առանց հատիկ մը պըտուղի :

Ու գիտնայիր , գիտնայիր սնձենիդ իմ աղուորիկ , թէ ի՞նչպէս կուրծքիս տակ դառնութիւնը իր բոյնը շի-

նած է , ու ամէն գարնան այս եղանակին , երբ կը դի - տեմ ծիծաղկոտ արբունքդ , կուզեմ , կը տենջամ , որ ես ալ ծաղկիմ , ե՛ս ալ , իմ անուշիկ սնձենիս ....



## ԿԱՐՈՏԻ ԿԱՆԶ

Կարօտիդ համար , անոյշ հայրենիք ,  
Արեւիդ ցալֆին , երա՛զ հայրենիք ,  
Անհետ ու անդարձ՝ գարուններուդ ենտ ,  
Կը մաշի հոգիս , երդի՛ք խրնկաւէտ :

Վարդի ու ծաղկի նըման քու գոյնով ,  
Արեւորդի՛քը անման հայրենիք ,  
Լուսնակ գիշերին քու պարերգներով ,  
Գովկըդ կ'ընկինք , աւե՛ր հայրենիք :

Կարօտցա՛ծ եմ ֆեզ , խորո՛ւնկ կարօտով ,  
Կրքած սիւներով՝ հայրենի՛ տընակ ,  
Օտար մայրերուն հոգիս ֆարշ տալով ,  
Մօտ է ըլլալու աիրուս փըլատակ ... :

Հայրենի՛ երդիք , սրբութեան խորան ,  
Զահերուդ լոյսերն այլեւս չըկա՞ն ,  
Դուն ալ աւերակ , ինչպէս իմ հոգին ,  
Ճակատագի՞րդ էր , Հայրենի՛ք անզին :

Եւ հիմակ ահա , կանչ մը կարօտի  
Հոգիիս խորքէն խուլ կ'արձագանգուի ,  
Տենչալով ըզբեզ տեսնել անպայման ,  
Եւ յետոյ փակել աչերս յաւիտեան ... :

ԶԱՐՄԷՆ ՇԻՆԱԿԱՆ



**ԿԱՐՈ - ՄԽԱՆԹԱՐ**  
(Մարտիրոս Թաշճեան)

Ծնած է 1907ին (Խարբերդ) Զարսաննաքի Կէօֆքէ-փէ գիւղին մէջ : Զաւակ հողագործի : Ճաշակած տարա-գրութեան դառնութիւնները : Պատերազմէն վերջ կրկին Խարբերդ վերադառնալով կը մտնէ ամերիկեան որրա-նոցը, ուր, Եփրատ Գոլէնին մէջ, կը ստանայ իր նախ-

նական կրտութիւնը : Արտագալքի տարին կը մեկնի Հալէպ, Պէյրութ եւ Ֆրանս : Մարսէյլի մէջ կը հետեւի առեւտրական վարժարանի դասընթացքներուն (կիսա-ւարտ) : Անգլիերէն ուսած է Մալարիացի Գրիգոր Արս-լանինանի մօտ :

« Յառաջ »ի կը ծանօթանայ 1926ին : Նոյն թէրթին « Զայներ Գաւառէն » սինակին մէջ հրատարակուած իր գիւղական պատկերներէն բազավելով՝ կը դամայ շէրմ գրասէր մը : 1928ին, Մարսէյլի մէջ, Կիրեղ Խրայ-նանի, Ծատուր Պէրպէրեանի եւ Յովի . Մարգարեանի հետ, չորսը միասին կը հրատարակեն « Հայ Գիր » ամ-սագիրը, որ կը տեւէ 15 ամիս :

Ունի քանի մը գրական գործեր .— « Արտագալքը եւ որբանցները Խարբերդի մէջ », « Գեղի Զէն » եւ « Տան-ջուածները » :

Կ'աշխատակցի « Յառաջ »ի, « Ազատ Խօսք »ի եւ « Մշակ »ի :

Սափրիչ : Կ'ապրի Մարսէյլ :

ՄԱՄՈՒԱՊԱՏ ՍՂԲԻՒՐԻՆ ՀՐԱՇՔԸ

— 0 —

Մեր գիւղին բլրակին կանաչազարդ ծառ - ծաղիկ - ներուն մէջ գտնուող ու արդասարեր հողին ընդերքէն ժայթքող «Երմօյի»ն աղբիւրին հէքեաթն է այս :

Կ'ըսուի թէ այս հրաշապատում աղբիւրը իր խոր - հրդաւոր մենութեան մէջ, զանազան հիւանդութիւններ իր ջուրով բուժած է : Ապագայ իրմօյին մայրը՝ գիւղացի չարքաշ կին, տարին մէկ զաւակ կ'ունենայ, սակայն երկար չեն ապրիր, կինը կը կորսնցնէ իր թարմութիւնը, մարմնոյն ողորկութիւնը կը լդկի, խանդավառ չարքաշութիւնը վերելքի թափը չունի, սակայն հակառակ այս վհատեցուցիչ պարագաներուն ամէն զաւակ ունենալուն չի զլանար մայրական գուրգուրու խնամքը :

Նախախնամութիւնը կարծես անիծած ըլլայ հէք գեղջկուհին, ամէն անզամ որ զաւակ կ'ունենայ Աստուած կը ճակատի անոր հետ, ու անոր ունեցած զաւակները հատիկ հատիկ մահուան կ'առաջնորդէ :

Երկնային անէծքին ուժգնութեան ներքեւ կը ցընցուի գեղացի հարսը, կը մնայ անզաւակ տանջանքի եւ տառապանքի երկունքէն մաշած կեանքովն անմխիթար : Կը հեծէ ու կ'ողբայ մենութեան մէջ իր անբաղդ ճակատագրին վրայ, կրծող զայրոյթ մը ծնունդ կ'առնէ անոր ներաշխարհին մէջ, կ'անիծէ ամէն բան, սակայն չանիծեր միայն ապագայ իրմօյով իր յղի ըլլալը : Կինը շուարուն վիճակի ենթարկուած, մելամաղձոտ, կոտրած սրտով կ'սպասէ գալիք նորածինին :

Օր մը, երբ յոզնատանջ մարմինը, իր հօրենական երդիքին տակ՝ անկողնի կը յանձնէ, եւ առաջին անգամ ըլլալով կը քնանայ հանդիստ ու անվրդով :

Գեղի գիշերուան մահահոտ լոռութեան մէջ, եթերն ակոսող հարսանման լուսնակ մը անոյշ ու խնդումերես՝ աղքատ տնակին երդիքին խաւարը ճեղքելով իր լուսաբորբ չողերը կը զրկէ տանջուած անմխիթարին, որ թագուած խոր քունի մէջ կ'երազէ : Արդարեւ կինը եւ բազատեսիլ ժամեր անցուցած էր ամբողջ գիշերը : Դունակութեամբ կը բանայ իր տամուկ աչքերը, կ'ողեւորուի գիշերուան խորհրդապատկեր տեսիլներով, յոյսի ու լոյսի կենսանորոգ գուռ մը կը բացուի իր առջեւ կարծես ու ապրելու կամքը կը զօրանայ մահը վնասող հէք կնկան մէջ :

Ահա իր խորհրդաւոր երազ - տեսիլքը ուր տառապող կնկան կը խօսին ողիներ ու արդար էակներ հրեշտակաթեւ . . .

— Կի՞ն, դու յղի ես, սակէ առաջ ալ յար եւ նման տաղնապներ անցուցած ես, սակայն այդ տաղնապալի երկունքիդ լոյս աշխարհ գալող ծաղիկներուդ բոյրը վայելած չես, անոնք թառամած են կանուխէն, այսօր արդիւնք չկայ : Քեզ համար արեւ չկայ, քու զաւակ - ներդ անարեւ հոգիէդ ու արիւնէդ քաշուած՝ հողին տուած ես սրտամմլիկ պայմաններու տակ : Ու դուն կի՞ն, ապերջանիկ մանկամարդ, քանի մը շաբաթ վերջ դու արու զաւակ մը պիտի ծնիս, ան ողջ պիտի մնայ ու պիտի մեծնայ, հոգւոյդ մէջ թաղուած տիսրութիւնը պիտի անհետի չնորհիւ նորածինին, եթէ դուն առաքինութեամբ օժտուած՝ ձեր գեղին տակ գտնուող ու մենութեան մէջ հեծող աղբիւրին ուխտի երթաս մաքուր սրտով եւ հողածութեանդ առարկայ դարձնես զայն : Ահա՝ մենք տասնեակ մը սուրբեր, հրեշտակներ եւ ո - զիներ աներեւոյթ՝ լուսնի փողփողուն լոյսերուն մէջ

պար բոնած՝ քեզ տեսնելու եկանք, քու ցաւատանջ երկունքիդ նախօրեակին մեր անաշառ խորհուրդը տալու, որպէսզի դուն ալ ա՛յ կին, դուն ալ այս ձեր անցաւոր աշխարհին մէջ որպէս մի տիկար թոռնուհին Եւայի՝ քեզի բաժին ինկած երկրավայել կեանքը ապրիս արգանդէղին ինկած երեւանող վերջին զաւկիդ ծլիւ ծաղկիլը տեսնելով :

Աներեւոյթ խորհրդաւոր ելոյթը կը վերջանայ, առաւօտեան խաղաղ արշալոյսը իր արփագեղ ողողումներով կը փոխարինէր երկչոտ եւ նազելաճեմ լուսնկան : Յղի կինը այլեւս արթուն է, յոյսի նշոյներ կ'եռեւեփին իր մէջ, գոհունակութիւն մը, փառաբանանք մը բոլոր աներեւոյթ էակներուն որ դիշերային աղջամղջային լուսնեան մէջ իրեն այցելած էին ու այնքան կենսական խորհուրդներ ու յոյսեր տուած :

Նախամօր սեռին պատկանող ծուարած արարածը կատարեալ հաւատքով կ'ընդպառաջէ տեսիլքներու խորհուրդին . . . :

Ցուսատու տեսիլքին յաջորդող օրերը խաղաղ կ'անցնէին, մանկամարդ հարսնուկը իր յղի վիճակով՝ ի սէր իր ապագայ ծնունդին կը շտապէ աղբիւր հաղար ակնկալութեամբ : Անթափանցելի խորհուրդներու մէջ թաղուած մամուպատ աղբիւրը ուր ծառեր ու ծաղիկներ իրենց բուրումնաւէտ հեւքը զգեցած՝ անոր մենութեանը կը հսկէին, ան լուռ իր խոհական դիրքին մէջ հեղահամբոյր ու հրաշագործ էր :

Ստուերներու երանութեան մէջէն քալելով կը հասնի մտաղբաղ, աղբիւրին գլուխը, հաւատաւոր ուխտաւորի մը պէս կը խաչակնքէ երկիւղած հաւատքով, ապա ակնապիշ կը դիտէ իր շուրջը, ահա՛ աղբիւրին նա-

զասահ առուն, կանաչութիւնով ասեղնագործուած՝ կը դրդլայ անաղմուկ, ու կը հասնի եղեմական պարտէզ: Հէք կինը կ'ունկընդրէ բնութեան սքանչելիքներուն կախարդիչ ձայնը ու հոդեղուարթ տրամադրութիւն մը կը ստեղծուի իր ներաշխարհին մէջ: Հեքեաթունակ աղբիւրը իր գեղապահոյն տեսքով կախարդական երեսոյթունի: Յղի կինը կ'աղօթէ ծնրադիր ու բաղկաստարած, կեանք կը հայցէ իր ապագայ նորածինին ու կը վերադառնայ գոհունակ սրտով :

Կ'անցնին օրեր ու շաբաթներ, գեղջկուհին կը մըտահոգուի տակաւին թէ արդեօք իր վերջին ծնունդը պիտի վայելէ՞ արեւ - աշխարհ, սակայն իր խոցոտուած սրտին ալեկոծութեան մէջանխախտ կը մնայ իրհաւատքը, ու ան կը սկսի ոգիներու թելադրանքին աւելի լայնորէն ընդպառաջել ու աղբիւրին հոդատարը հանդիսանալ :

Ժամանակը հասեր էր բաղդաւոր ծննդարերութեան, վերջապէս բազմաթիւ զաւակներ կորսնցնող հարսնուկը կ'ունենայ իր սիրունիկ, գեղադէմ մանչ զաւակը զոր կ'անուանէ Երեմիա, առաքելական եկեղեցւոյ մայր աւազանին մէջ մկրտել տալով: Երիտասարդ հարսնուկին երջանկութիւնը անսահման է, երախային «քառոսունք»ը լմննալուն պէս, զայն կը տանի ոգիներու պաշտպանութեան ներքեւ դանուուղ աղբիւրին մէջ լուալու, վասնզի հաւատացած էր որ այդ հրաշափառ ջուրով իր նորածինին կեանքը կ'երկարի :

Արդարեւ հէքեաթը կ'ըսէ թէ գեղացի կինը ունկն դրելով իր երազին եւ ոգիներուն, գործադրելով անոնց խրանները, զաւակը կ'աճի ու կը մեծնայ: Կինը երջանիկ է այլեւս: Պատանի զաւակն ալ կը դիտակցի իր մօք

գժբախտ ճակատազրին, ու կը յաճախէ այն աղբիւրը  
որ իրեն կեանք էր չնորհած: Իր յաճախակի այցելու —  
թիւնը նկատող գրացիները վերջ ի վերջոյ «իրմոյի աղ-  
բիւր» անունով կը մկրտեն մամռապատ եւ խորհրդա-  
բուխ ակը մենաւոր :

Այս աւանդական ճշմարտութիւնը նկատող գրացի-  
ները եւ չըջակայ գիւղացիները ամէն չարաթ երեկոյ  
ուխտի կ'երթան բուժում ինդրելու աղբիւրէն ու շա-  
տեր գոհունակութեամբ կը վերադառնան: Անոնք հոն  
կը ձգէին գունաւոր կոճակներ, թարմ հաւկիթներ, ու  
ծառերուն վրայ կը կապէին գունագեղ կտորներ:

×

Ճակաւին մանուկ՝ մեծ պատերազմին, տեսայ մեր  
գեղին հեքեաթունակ աղբիւրը մենաւոր, խորհուրդ —  
ներու կայան մըն էր ան իրօք: Այսօր երբ կը վերյիշեմ  
զայն, հոգիէս սարսուռ մը կ'անցնի ու ես կ'ապրիմ  
զայն օտարութեան մէջ :

×

Խորհուրդներու մեհեան աղբիւր սիրական եւ կեն-  
սապարգեւ, քու վէտվիտուն ու սպեղանի ջուրովդ ու  
կենդանի խայտանքներովդ տիրական, կը մնաս կարօ-  
տակէց հոգւոյս մէջ որպէս նուրիրական հեքեաթ եւ գե-  
ղեցիկ յուշ մը եզական: Այս իմ վայրավատին օրերուս  
միայն հրաշագործ յուշերուդ տեսիլքովը կը կազդուր —  
ուխտ, հէնց հիմա կարծես ծառ ծաղիկներուդ զովասուն  
հովանիին տակ պազած՝ ակիդ մէջ գտնուող բազմագոյն  
ուլունքները, կոճակներ եւ սպիտակավայլ հաւկիթները  
կը դիտեմ անյագ :

Սակայն ինչ որ ալ ըլլան այս վայրկեանի կարօտա-  
ծոր ապրումներս, չեն կրնար յագուրդ տալ տենջանքնե-

բուս ու տանջուած հոգիիս, դիտե՛մ այո՛, շատ լաւ գի-  
տեմ որ ես ինքզինքս կը խարեմ քու յուշերուդ թարմու-  
թիւնը փնտուելով, վասնզի քաջ գիտեմ որ դու մերը չես,  
իրմոյինը չես, այլ մեղ ու քեզ յօշոտողներու ձեռքն ես  
ինկեր եւ թերեւս քու նազասահ ընթացքդ ալ վերջ գը-  
տած է: Եթէ կաս ու կը մնաս, արդեօ՛ք կեանք կը չնոր-  
հե՞ս անոնց ալ, երբ անոնք իրենց արիւնոտ ձեռքերով  
եւ պիղծ խօսքերով զլիսուդ թարմն ու բուժում հայցեն:

Զգո՛յշ, կեղծ ուխտաւորներ եւ աչքիդ լոյսը մա-  
րողներ են անոնք: Երբ անոնք քեզի գան, լուռ կա՛ց,  
քու կենսաշնորհ մեղեղիներդ որոնցմով կը սփոփէիր  
մեր հոգին, թող ըլլան կարապի երդեր ու ջուրդ թոյն,  
զլիսուդ վերեւի ծառերուն զովաթուրմ սառւերները  
լափլիզով բոցեր ըլլան հրէչներուն :

Խորհրդաւոր բալասան եղող աղբիւրիդ ձայնը այ-  
սօր հեքեաթապաշտ հոգիիս տրտմայոյզ լարերուն վրայ  
կ'ոստոսէ, գոհ եմ տիրութեանց մէջ վերյիշումի այս  
նուիրական պահուն :

Կ'ըսեն դուն կաս, սակայն քու անունդ կրող իրմօն  
չկայ, ոչ անոր մայրը եւ ոչ ալ ուրիշ շատ մը մայրեր  
որոնց ցաւերն ամոռքեցիր՝ չկան այսօր: Զկան քեզ սի-  
րողները, ապա ուրեմն երգէ կարապի երգդ՝ մամռա-  
պատ զլուխդ ցնցելով, ակէդ թող ժահը հոսի վատե-  
րուն համար, ու ես այն ատեն թող քեզ զուրպան ըլ-  
լամ, մենութեան հեշտանքին մէջ հեծող աղբիւր հէք-  
եաթական :

Բայց ինձմէ շատ հեռո՛ւ ես, շատ հեռո՛ւ, հեքեաթի  
չափ հեռո՛ւ, աղբիւր մամռապատ:

Գ Ե Ղ Ի Զ Է Ն  
(Հատուածներ համանուն անտիպ գրքեն)

— o —

Զմբան ցուրտ ու բուքէն վերջ, գարունը վրայ կը հասնի, բնութիւնը կ'այլափոխուի :

Խաղաղ ու ծիծաղկոտ պահ, կապոյտ երկինք, կանաչ արեւ թէ հարուստին եւ թէ աղքատին համար: Օրը նոր, կեանքը նոր, զարնան եղանակին վայելքին աստուած արեւը երկնի սաւանին մէկ ծայրէն փրթեր դէպի հորիզոն մէկ երկու թեւ բարձրացեր է, իր երիտասարդ ու զովասուն ճառագայթները՝ ձմբան սաստկութենէն քէնոտած սպաւոր ու բարձրաբերձ լեռներու տեսարանը շարժանկարի ցայտուն կեանքին կը վերածեն: Տեսարանը կը տիրանայ գարնան հրաշալի կեանքին. անոր գեռ երկչոտ ճառագայթները կը կենդանացնեն ամէն ինչ որ զզուելի եղանակին ցրտահար՝ կը հեւային նոր օրերու արժանանալու կասկածոտ մտայնութեամբ:

Անոյշ է եւ հաճելի միանդամայն արեւածոր դարնան կեանքը, դաշտի մարդու կեանքն է ան, դիւղացիին յարութիւնն է երկար ու ծանր լուռթենէ մը վերջ:

Մեր գիւղին դաշտային աշխատանքներէն չատ բան գիւղողներէն մէկն ալ ոսկրուտ ու կարճահարակ Խօնէր: Դաշտի գործին մէջ այլեւս եփած այս գեղացին լլապինդ մէջքին նաշխուն գոտին ժիր կապելէն իրենց ախոռին տանիքը կը բարձրանայ, չչո՞ որ հին օրերու մարդ է, արտին ու լուծքին հոգերով ծանրաբեռն, օր առաջ գարնան դուռը բացուելուն կը սպասէ համբերութեան հոգին իր մէջ այլեւս լմնցած, նահապետական սրբազն սովորոյթով կը յիշէ արեւելք կենալը ու կը կանդնի անշարժ պատրաստ զինուորի նման, կը խաչա-

կնքէ երեսը ու խոր հառաջանքով մը որ անշուշտ իր գոհունակութեան խանդավառ թարգմանն է, իր պեիսին տակէն կը սկսի մրթմրթալ ստեղծողին փառք տալով:

— Հազար հեղ շուքուր կապուտիկ Ասված, ալ ինչալլահ սեւ ձմեռը օրերը կծկեց, թմոց (լմնցուց):

Խօն երեսը խաչակնքեց եւ սրտին խոր հառաջանքով Աստուած փատարանիէ վերջ արեւմուտք տնկեց աչքերը. արեւելքէն դարնան երկչոտ արեւ մը խելայեղ վազքով հորիզոն կը բարձրանար իր նիհար ու ոստուն ճառաղայթներով, իսկ արեւմուտքէն թանձը ու ժանիքոտ ամպեր վար կը նայէին հեղդնողի բարկութեամբ նոր անէծքի խօսք ընել տալու համար կենսատու արեւի կարօտին աւելի պէտքն զգացող դաշտի մարդ Խօյին:

Այն պահուն երբ գեղացի Խօն արեւմտեան կողմը յառեց իր աչքերը, զայրացաւ, վրդովանքը բաղմապատկուեցաւ իր մէջ, սեւ ամպերը մէջ մէկ հսկայ քարեր ըլլալով զլիսուն վրայ ինկած ըլլային կարծես, այսպէս էր իր տրամդրութիւնը ի տես այս բոլորին:

Գարնան օրերուն վերազարթնումի կանչուող գիւղացի Խօն, հողին ու ջուրին, բահին ու բրիչին հետխօսիլ կամ խօսեցնելու կամք ունէր: Հողին արդարութիւնը երգել, զուլալ ու մշտահոս ջուրին ընթացքը դետել, գիւղացիին հոգեկան ապրումներուն ամէնէն հըմուախառն եւ գերադրական պահն է, անիկա կ'երդէ բոլորին փառքքանզի բնութիւնը զինք այդպէս թրծած է ու ըստ այնմ յանձնած քրտինքով վաստկելու: Եւ զուլալ ջուրը ըմպելով երկնքի բարկութեան ներքեւ դաշտային ամենադաժան աշխատանքներէ խոյս չետար, կը սիրէ արդարութիւնը, իր հոգին անով կը մըր-

կի, չի մոռնար ամէն ինչի բնականէն սահմանուած մեծութեան եւ արժանիքի գովքը հիւսելու :

Կը հրամցնեմ այս գեղջկական երգերը որոնք հարազատ հոգեկան ապրումներուն արտայատութիւններն են յոդնաջան դիւղացի Խչոյին եւ դաշտի աշխատաւորներուն :

Դիւղացի Խչօն թմրած ձմբան գանդաղաքայլ անհետանալէն վերջ, կենսուրախ գարնան գովքը հիւսելու համար ապրեցաւ այս պահը երգելով գեղջուկի այս երգը :

Հեյ գարուն, կանանչ գարուն

կանանչ գարուն, զուարք գարուն,

Որ մեզ կուտայ վերա(միշտ) գարուն :

Այս ըս ինչ աղկէկ օրեր են

Ըս ինչ քեյֆիկ օրեր են

Օրեր անոյշ ու զուարք

Կ'երգէ, խաղայ ամեն մարդ :

Գարնան արեւն է բացուեր

Մաս ու ծաղիկ կանչուեր,

Կարմրուկ վարդ ներմակ բամպող

Մեր աշքերուն կուտան լոս (լոյս) :

Գարնան անուշ հովին զուրպան,

Բիւր անէծքներ անզուք ձմբան,

Կանանչ արեւով գարունը հասաւ

Արեւէն վախցող ձմեռն հեռացաւ :

Նորէն եկան գարնայ երկայն օրերը

Ալոնիմ սիրած եարս ելլեմ լեռները,

Վարդ բաղիմ կուրծքին շարեմ

Անոյշ ու կուշտ համբուրեմ :

Հեյ դու ծաղկաբեր գարուն

Մեռնիմ կանանչ արեւուդ

Նայիմ բարձր լեռներուն

Քաշեմ հոտը վարդերուն . . . . :

Ու այս գեղջկական ապրումները կը բազմապատ - կուին խորութեամբ, զուարք օրերու անոյշ պահերուն : Խոր հառաչանքը նորէն կը հրահրէ գեւղացիին հոգին զգայնիկ : Ի՞նչ լաւ օրեր են, երջանիկ օրեր, կուգան ու կ'անցնին, երիտասարդ կուգան, յոդնած կը մեկնին, երջանիկ պահեր, ուրախառիթ ժամեր, զարթօնքի տաղեր երգել կուտան գեւղացի Խչոյին, տաղեր սիրային ու տաղեր գեղջկական ուր մեր անհատնում ցաւերն ու խոր վիշտերն անվերջ հոն կը կայանան :

Ուրախութիւնը կը յորդի, պրծիլ չկայ, արեւ չատ, կեանք երջանկութիւն ներդաշնակօրէն կը խառնուին գարնան հեղեղուտ ցոլարանին մէջ : Տարուած այս կախարդիչ երջանկութենէն գեղի մարդը կ'երգէ տակաւ - ւին .

Հեյ գարուն, զուարք գարուն,

Հոգուդ դուրպան գեղի գարուն,

Ալսու կանուխ հարսներն արքուն,

Երկուք հիւսած իրենց ծամերն,

Գովդ կարդան քեզ անուշ գարուն :

Ալսու կանուխ հարսներն արքուն .

Գոգնոց կապած դաշտը կ'իջնեն

Ճնճղացիկ, վարդ բաղելու

Խաղալ խնճալ տակն արեւուն :

Ել գարուն է, գեղի գարուն,

Ելեր տանիքն են կայներ

Ճահիլ ճապաղ նոր հարսնուկներ ,

Իրենց դալար նուշ շրբներով

Գեղջկական կեանք սիրերգելով  
Կ'ողջունեն մեզ ծաղկող գարուն :

Եղանակին համեմատ օրերու կեանքը հաճոյքով կը  
պատկռուի, դեղային գարնան այն կեանքէն արբեցած չի  
կրնար իր ուրախութիւնը պահել, Հոգին անսահման  
հրձուանքի խաղալիք է եւ հանապաղ ենթակայ, կը խօ-  
սի, կ'երգէ .

Այս ինչ աշխարհ է, գարունի աշխարհ

Ալ վրանուս քռաւ ձմեռը երկար ,

Դուրապան քռող ըլլինք ըն աղիկէ Աստվածին

Որ մեզ ողջ հասցուց գարնան արեւին :

Որքան կ'երգէ գարնան հաճոյքը, այնքան աւելի կը  
սաստկանայ եւ կը զօրանայ իր վերալարթումին գիծն  
ու աստղը, վասնզի եղանակը երիտասարդական եւ հմա-  
յիչ, եւ զեղացիին կեանքն համակ անոր մէջ կը պար-  
փակռուի :

Աչա ուրիշ երգ մը որ գեղջկական սէրը կ'արտայայ-  
տէ մաքրամաքուր վայելչութեամբ :

Արեւն ինկաւ տըյընին (տանիք)

Տեսայ եարիս աչուրնին (աչժերը)

Խըմեմ գարնան ջրիկը,

Էլլըմ վերի աղբիրը

Աչուրնուն վերեւ սեւաքաշ գիծ-յօնիքը

Պօյէն (հասակ) կախ սեւորակ մազեր :

Եարս աղուոր վարդ շրբներով

Կը խօսի նա հազար նազով

Գարնան անոյշ արեւին տակ

Պագ (համբայը) կուտայ միշտ էլ սիրով :

Նոր յոյսերով եւ վաս սիրով

Ինչ որ ընենք երկնիքի տակ

Խուռ խաղաղ կ'իշնենք տնակ  
Պահելով մեր սէրն անկեղծ անյատակ :

Կանանչարոյր այս օրերուն գեղջկական երգերու  
պատճառած խանդավառութիւնը տիրական է եւ կ'ապ-  
րի յաւերժական, ու գեղացի աղջիկ կամ հարս բաժ-  
նելից այս անմեկնելի ուրախութեան, կը տանի իր հո-  
գին խառնելու անոր մշտատեռութեան :

Խոսքը գեղացի ամօթզած հարսնուկին է, որ կ'եր-  
գէ անարատ սէրի զզացումներէն դրդուած —

Լեցնեմ ուսիս կծիկը,

Լուամ պագէն կարմրած

Այտերն իմ երիտասարդ ,

Նստիմ աղբըրին քովիկը ,

Վրլամ (լուամ) եարիս մէնտիլը (քաշկինակը)

Երք եարս գայ աղբիրը

Վրայ հասնիմ պագ մի առնիմ ,

Անփուշ վարդ մը մեր ածուքին

Փրցնեմ շուտով կուրծին զարնեմ

Գարնան ժպուն արեւին տակ

Թաց մէնտիլը զլխուն մըյնեմ (փոեմ)

Հազար նազար զինք տուն նամբեմ :

Ինչպէս կ'երեւի, գեղջկուհին իր սիրոյ խոսքը կ'ը-  
նէ չափազանց պարզ ու համեստ արտայայտութիւնով,  
ան կախարդական ձեւերու ետեւէն ըլլալու կամեցողու-  
թիւն չունի, բնատուր գեղեցկութիւնը լաւ է հրա-  
պուրելու եւ իրար կապելու գեղջուկներն հաւատաւոր ,  
աւանդապահ :

• • • • • • • • • • •

• • • • • • • • • •

• • • • • • • • • •

ՏՕՆԱԿԱՆ ԵՐԳԵՐ

— ♦ —

Հեթանոսական տօ՞ն է այսօր, հեթանոսական տօն  
յուլիսավառ այս օրերուն :

Հրաշափառ տօ՞ն, քեզի կուգամ այսօր, քու մէջդէ<sup>ր</sup>  
ապրելու եւ քեզ երգելու, բա՛ց վարդավառ արեղնե -  
րուդ ոսկեճաճանչ լոյսերը տիեզերական, թող երկինքն  
հաղնի հեթանոս աղատութեան արշալոյսներու պատ -  
մուճանը, թող մեր արթուն պահակ՝ սպիտակափառ  
Արարատի ձիւնապատ բարձունքներէն հնչէ Հայկաղանց  
փառքի շեփորը մարտագոռ :

Հեթանոսական ծափ ու ծնծղա՛յ, տօն է այսօր,  
հայրենի երկրի աւելրակներուն լոռութեան մէջ անշիրիմ  
նահատակներուն ուղիրական ածիւնները կը կենդանանան  
հեթանոսական օրերու շէնչող կանչէն :

Տօ՞ն է այսօր, հեթանոսական տօն բերկրալի, տօ՞ն  
խնդութեան, հին հաւատքի :

Անապատի աւազուտքէն վերապրող որբ ընկեր, աչ-  
քիս լո՞յսը, մեր ալ տօնն է :

Տարիներու կորուտէն վերջ, աչքիս առջեւ կանգ -  
նած թիկնեղ եւ բարձր հասակովդ՝ վշտարեկ հոգւոյս  
խորը բերկրանքի ճրագը վառեցիր, տօնական ճիշդ այս  
օրերուն : Այսօր մեր նախահարց՝ հեթանոս նախահարց  
տօնն է :

Եկուր ինձ հե՛տ, զարհուրանքի եւ զրկանքի որբ  
ընկեր, եկուր որ շտկենք պաշտամունքի պատշաճ սե -  
ղան մը, ու մեր հաւատքի խորանին առջեւ վառենք  
սրբազն ուխտի մոմը, թո՞ղ պլալայ լոյսը մոմին ու  
երկուքս անդամ մըն ալ, այս պատմական տօնի օրեւ-

րուն, երդնունք հաւատաւոր կամքով զինուորներ մընալ  
ցեղին ազատութեան :

Զարհուրանքի եւ զրկանքի որբ ընկեր, կարօտա -  
բաղձ հոդիլ սազէ այսօր, վե՛ր նայէ, ջինջ երկինք մը  
կայ: Լիալուսին գիշեր, ասաղածորան հորիդոնով : Երբ  
նազելաճնեմ լուսնակը կորսուի գորշ ամպերուն տակ՝  
բոնկեցո՞ւր լապտերը ցեղին ազատութեան, բա՛ց մատ-  
եանը յաւէտ խնկելի քրմապետին «Հեթանոս Երգ» երուն,  
ու երկուքս միասին մեր թախծոտ հոգիներով սաղմոս  
երգենք այս հեթանոս տօնին առթիւ:

Այժմ հանգիստ տուր ճակտիլ խորշոմներուն, ո -  
րոնք վեհօրէն կ'ակօսեն զայն, իբրեւ վկայութիւն տա-  
ռապանքներուդ: Թո՞ղ որ այս պաշտամունքի սեղանին  
առջեւ, լեցնեմ բաժակը գինիին, մօտեցնեմ շրթներուր  
վրիժածարաւ: Լմպէ զայն «Հեթանոս Երգեր» ու սաղ -  
մոսերգութեան պահուն՝ մայր հայրենիքի կենսանորոդ  
աւիշը ծծելու նման: Լմպէ՛ այս բաժակէն, վասնզի  
այսօր, այս սեղանին առջեւ իրարու հետ պիտի հաղոր-  
դուինք, ժի՞ր նայէ աչքերում մէջ, ո՞վ զուլումի զա -  
ւակ, սեւորակ աչքերու թող դիտեն վրէժի փառքին  
աստուածը, գինովնան վահագնի խանդով ու խիզախու-  
թեամբ, եւ թող որ ես օծեմ քեզ վրէժի իւղով, որ -  
պէսզի սրբացած, բարձրանաս Արդարութեան Աստու -  
ծոյն: Ցուլիսափառ տօնին, իրարու վրայ ջուր նետե -  
լով, հին օրերու երջանկութեան կղպուած դուռը բա -  
նանք եւ տօնենք Վարդավառի քաղցրայուշ տօնը հա -  
րազատ վայելչութեամբ :

Հեթանոսական տօն է այսօր, լսէ ցեղին կանչը,  
որբերուն շրթներէն, Եհովա՛ Եհովա՛:

ԿԱՐՈ ՄԽԻԹԱՅԻ



Ս. ԼՆՏՐԻԿԵԱՆ

Ծնած Մալարիա 1909 նոյեմբերին : Որբ : Տեղահա -  
նութենէն քանի մը տարի յետոյ մօրաքրոջը անմոռա -  
նալի զանիքնով, մեր հրաշափառ գիրերը նաևցած է :  
Մալարիոյ մէջ կարողիկներու բացած դպրոցը կ'ըն -  
դումուի 1921ին, ուր՝ մէկ տարի քէ՛ դպրոց կը յանա -  
խէ եւ քէ՛ բուրք աղանձնուն ծառայութիւն կ'ընէ, որ-

պէսզի , ամօթի չի մնայ : 1922ի օգոստոսին բազմաթիւ -  
հայ գաղթականներն հետ գացած է Հայեա , ուր տա -  
րիներ , քափառելէ յետոյ , շնորհիւ՝ Կրթասիրացի բա -  
ցած դպրոցին, կը վերսկսի Մեսրոպեան լեզուին համը  
տոնիլ : 1925ին եկած է Ֆրանսա : «Յառաջ»ը նաևցած  
է 1928ին : Կ'ապրի Սէմ – Շամոն :

ՀՈՒՍԾՆԿԱՅԻՆ ՍՈՒԳԸ



«Գրասեղանիս վրայ, սա  
Սկաւառակին մեջ կայ քուռ մը հոդ  
Բերուած հոն  
Հայրենիքի դաշտերէն »:  
Դ. ՎԱՐՈՒԺԱՆ

Հայրենի բնութի՛ւն, գիշերներու աննման գեղեց —  
Կութիւն: Գիտցի՛ր որ կեանքի դարուններուս մէջ, ո՛չ  
մէկ բան, այնքա՞ն սիրած եմ, այնքան պաշտած, որ —  
քա՞ն քու սպաւոր եւ հպարտ գեղեցկութիւնդ որ օտա-  
րութեան մէջ իսկ կ'այրէ՛ զիս ...:

Մտի՛կ ըրէք: Մտի՛կ ըրէ՞ք ...:

Կէս գիշեր էր երբ հեռացայ հայրենիքէս : Լուսն—  
կան մանուկի մը պէս գեղեցկացած եթերին ճերմակ  
բուրդերուն մէջ կը թաղուէր ու կ'ելէր, իր պայծառ  
լոյսով ինծի հետ խաղալ կ'ուզէր ...

Կէս գիշեր էր ...

Գիշերներուն ամէնէն խաղաղն ու գեղեցիկը: Մա —  
նուկ եւ ո՛րբ զլուխս վեր բարձրացուցի ու դիտեցի ,  
շատ երկար ատեն, գիշերներու լուսատու թագաւորը ,  
որ իր անհամար զինուոր աստղերով տէրն ու տիրականն  
է անսահման կապոյտ ծովուն :

Վերջին գիշերս էր, որ իմ քաղցրիկ ու մանկական  
զրոյս ըրի լուսնին հետ, արքեցայ իր ծեքծեքումնե —  
րէն, նախանձեցայ իր խաղերուն ու իմ անպատում վիշ-  
տէս ու բաժանման սարսուէս խորապէս ազդուած ,  
յանկարծ պոռացի :

—Ո՞վ հեռաւոր լուսին . տես եւ մեղքցի՛ր տիտան

ցեղին , որ պիտի հեռանայ իր դարերու մայր հողէ՛ն ,  
ուր կարմիր արիւն հոսեցաւ :

Լուսինը իր սովորական ժպիտը փռած՝ կարծես  
խնդաց իմ խեղճ, իմ անզօր բառերուս վրայ , եւ շարու—  
նակեց կապոյտին մէջ քալել :

Կէս գիշեր էր:

Ես ակամայ հեռացայ այն չորս պատերով հիւս —  
ուած պապենական սիրելի տունէս , ուր ամբողջ գեր —  
դաստան մը կը ճռուողէր, որդիներով եւ թոռներով :

Իրիկունները , — երնէ՛կ այդ օրերուն , — երբ մութը  
կ'իջնէր, յանկարծ լուսնկային լուսը կը հասնէր , իր  
աղուոր մոմերով ու հրաշալի տաճարի մը հմայքը կը  
ներշնչէր : Փողոցները կը պայծառանային , յաւէտ ան —  
ձայն քարեր լուսնին տակ կ'աղուորնային լուացուած  
քարերու պէս :

Բոլոր ծառերը , որ խաւարին մէջ կ'արտասուէին ,  
յանկարծ թունդ կ'ելլէին լուսնի լոյսէն , ինչպէս շըլ —  
թայուած ժողովուրդներ աղատութեան լոյսով :

Ես հեռացայ ակամայ իմ այնքան սիրուն , իմ այն —  
քան պաշտելի տունէս , բոլորուած՝ մինչեւ երկինք  
բարձրացող մէր աննման բարտիներով :

Այն օրերուն , մամիկները կ'ըսէին . — Եթէ մէկ ան —  
գամ բարտիները չորնային կամ գետին փռուած հսկա —  
ներու պէս իյնային , վա՞յ այդ տունին , վա՞յ այդ գիւ —  
ղին ...

Մեռնող ու աւերակ տունս տեսակ մը քաղցրութիւն  
ունէր , հմայք մը կար իր ծոցը , իր հողին եւ սիւներուն  
մէջ :

Անոր առաստաղը շնուած էր ձիթենիի նուրբ ու

ամուր գերաններով, որոնք կը դիմանային ու կ'ապրէին  
քանի՛ քանի՛ սերունդներու հետ:

Իմ տունս շինուած էր պապենական կարմիր հողէն,  
ուր վարդերը, մանուչակները եւ գոյնզգոյն չահպրակ -  
ները թաթխուած ու հողին հետ շաղուած էին:

Ահա թէ ինչու, երբ ափ մը հող ճանկէիր, չորցած  
վարդի կամ խունկի հոտ կ'առնէիր: Ահա թէ ինչու,  
բաժանման այդ սեւաւոր գիշերը, արցունքը աչքերուս,  
նախ մօտեցայ տունիս աւերակ ու փլիւած պատերուն,  
համբուրեցի՛ աղիւսները արեւո՛տ, այնպէս կարօտա -  
գին, այնքան ուժով, ինչպէս՝ Մայր մը իր վիրաւոր  
զաւկին պլուած :

Սդաւոր լուսնին տակ, համբուրեցի տրտմաթախիծ  
ու արիւնլուայ աղիւսնե՛րը, քարե՛րը, իմ մանուկ, իմ  
կոյս շրթներով :

Արդէն լուսինն ալ, ի տես իմ տնրութեանս, իր  
ճերմակ մազերը փետտեց, իր ճերմակ լոյսը կարմիրի  
փոխեց. սուզի եւ քէնի պատմուճանը հագաւ եւ դնաց:

Չեմ գիտեր, դէպի ո՞ւր ...

Ինչպէս չէի գիտեր թէ ես ալ դէպի ո՞ր պաղ ու ան -  
ձանօթ աշխարհներու ճամբան պիտի բռնէի ...

Հեռացա՛յ լուսին հետ, նոյն գիշերն իսկ: Ար -  
ցունքները կը խեղդէին զիս :

Այլեւս պիտի չտեսնէի, չմէի գիւղիս գլուխն աղ -  
բիւրներուն եւ առուներուն անուշ ճայները, որ կէս գի -  
շերէն յետոյ, աստղերուն եւ լուսնին դաղանիքներուն  
կ'ունկնդէին :

Ո՞վ հայրենի հեռաւոր աղբիւր, ոճրագործները քու  
կաթնագոյն ջուրդ անդամ չորցուցին եւ քու մաքուր

քարերդ կտոր - կտոր ընելով, իրենց դերեղմաններուն  
դամբարան չինեցին ...

Հեռացած գիշերս ... ո՞վ սուզի գիշեր :  
Լուսինն ալ ինձի հետ լացաւ, ինչպէս երիտասարդ  
հայ հարսը, իր վիրաւոր կտրիծին համար:

Աչքերէս կաթիլ կաթիլ արցունքներ կը վազէին,  
չէի կրնար բաժնուիլ իմ քացրիկ տունիս աւերակէն, ուր  
միակ վիրաւոր աղիւսներն ու քարերը մնացած էին :

Սկսայ պազնել մէկիկ - մէկիկ, կարօտագին ու  
վերջին անդամուան համար ...

Հիմակ, հեռու մեր հայրենի բարտիններէն եւ բար -  
ձրագաղաթ կատարներէն, կէս գիշերուան արծաթա -  
փայլ աստղերուն եւ լուսնին հետ կը հարցնեմ :

— Ո՞վ ըսաւ: Եւ ինչո՞ւ ինչո՞ւ հեռացաւ տիտան  
ցեղը իր դարերու Մայր հողէն :

### ՀԱՅՐԵՆԻ ԱՌՈՒԱԿՆԵ՛Ր...

Նստած մշտահոս առուակի մը եղերքը, կը գիտեմ  
դլպուն ու վճիտ ջուրը, որ կ'երթայ, կ'երթայ առանց  
բարեւի եւ խօսքի, առանց ժպիտի եւ ծիծաղի :

Կ'ըսես յաւիտենական աններելի քէնն ունեցած ըլ -  
լայ, իմ երիտասարդ բայց տարագրութեան եղիձներէն  
խորապէս վիրաւոր թափառականի հոգւոյս հետ...  
Առուակնե՛ր... ի՞նչքան կարօտած եմ, իրենց կար -  
կաչուն պատկերները, որ իմ աչքերուս առջեւ են, կ'ու -  
ղեմ ամբողջ մարմինովս իրենց մէջն իյնա՛լ եւ վերստին  
լողնալ... զովանա՛լ, մոռնալու համար, ցեղիս անհամ  
եւ լո՞ւռ տառապանքը...

Ահա՛, Առուն կ'երթայ, ուշացած ճամբորդի մը  
նման, ու կ'աճապարէ հեւն ի հեւ, չես գիտեր ո՞ւր ...  
Ու զիս ալ կը տանի, հին ու մոխրացած, իր քարերը  
կտոր - կտոր եղած հայրենի աղբիւրին ծոցը, զոր այն-  
քան սիրեցի, ուր այնքան լողացի, ուռիներով շրջա -  
պատուած միւռոն ջուրին մէջ :

Ո՛վ հայրենի՛ առուակներ, ձեր գլուխուն մեղեղինե-  
րէն ամբողջ երկինքին աստղերը, հեշտանքի եւ խրախ -  
ճանքի պարերով ձեզի կը ձայնակցէին :

Զեր՝ կաթիւ մը ջուրը դեղ էր, միւռոն էր, մանա-  
ւանդ անոնց՝ որ հայրենիքին կարօտէն կ'այրէին :

Հայրենի՛ առուակներ, թող ձեղ քանդողին տունը  
մոխիրի վերածուի :

Որովհետեւ, ներեցէք որ ջարդի սեւ տարիէն յե -  
տոյ ... երբ ուխտի եկայ, արեւուն հետ պլուած ձեր  
հետքը դանելո՛ւ ...

Գտա՛յ ... Զեր տարտղնուած պատկերը արիւնոտ,  
եւ իմ մէջս արթնցուցին ցեղին վրէժը ահեղաձա՛յն, որ  
պէ՛տք է զոռայ, պէ՛տք է զոռա՛յ հրաբուխի մը նման ..

Բայց գու արթնցիր, ո՛վ ի՛մ ցեղս տարադիր, ո՞ր  
անողոք Աստուծուն կը սպասես, հաղուելու համար ոս-  
կեղօծ պատմուճանդ հեթանոս ... վասնզի, Քու Աստ -  
ուածդ խուլ է. համբ է. եւ անխի՛զմ է ...:

ՀՕՐԱ

---

ՀՕՐԱ

Հայրի՛կ,

Այօր նորէն՝ պատուհանիս թաց փեղկերէն անձրեւի  
մարզիւներ կը կաթիթին ...

Այս յուշն է, գիտե՞ս, քու անարեւ երեսնամեայ

գարուններուդ, որոնց ճրագը ոճրածին թուրքի մը ձեռ-  
քը մարեց ...

Հայրի՛կ,

Արցունքնե՞րս, որ կը թափին ի՛մ սեւուլիկ աչքե -  
րէս, հաւատա՛, կաթիլներ են՝ կարմի՛ր արեան վրէժի՛  
... ննջէ՛ այդպէս, անշիրիմ, սե՛ւ հողին տակ յաւեր-  
ժական ...

Հայրի՛կ,

Լուսնակը ամէն գիշեր կը ծաթի, ինչպէս՝ ձիւնը  
ճերմակ, ինչպէս՝ կոյս մը աղուոր, ինչպէս՝ նորածին  
մը անմեղ :

Զեմ գիտեր ե՛ս, լուր ունի՞ լուսնակն եթերական,  
քու գերեզմանէդ, քու աճիւնէդ, որուն՝ այնքա՞ն, այն-  
քա՞ն կարօտը ունիմ ես ... :

Հայրի՛կ,

Այսօր նորէն աշունը կուլա՛յ ողբագին, ինչպէս  
սիրտս իմ մանուկ :

Սիրտս իմ մանուկ ըլալ կ'ուզէ, հո՛վ մը թեւաւոր՝  
օդին մէջ, փոթորիկ մը՝ ծովուն վրայ, ջուրերուն հետ,  
եւ մրրիկ մը ձիւնախառն, ողբաձա՛յն ... եւ գալ փն -  
տուե՛լ աճիւնդ ցանուցըիւ, որուն կրակը շանթարձակ  
կ'այրէ՛ իմ /հոդիս ...:



ՄԱՆԿՈՒԹԻՒՆ...



Մա՛յր,

Ահա՛ Մայիսը, գեղեցի՛կ հարսի մը նման,  
ինչպէս զուն էիր մայիս մաննման .

— Մա՛յր, հո՛ղ էիր, զուն հող եղար ...

Մա՛յր, ինչո՞ւ ծնար զիս ...

Օ՛չ, դուն քաղցր յիշատակ, դուն զիս ծնար երկինքի մը տակ կապոյս ու պայծառ, ջինջ ու լուսավառ, շարմաղ, շարմաղ աստղերով ցնծագին ... :

Բա՛յց, մտիկ ըրէ, քու ճերմակ կաթէդ յետոյ, իմ մանկութիւնս եղաւ կատուի ձագի մը նման, ցրտահա՛ր, ուր անձեւոտ օրեր, ցերեկ եւ զիշեր, գէշ մարդիկ զիս պատուհանէն դո՛ւրս նետեցին, ուր ցուրտին ուր բուքին, աւերակ եւ փլփլած հայրենի տուներուն, պատերուն քովերը լուսցնել տուին ...

Մա՛յր, մտիկ ըրէ .

Իմ մանկութիւնս եղնիկի ձագուկին նմանեցաւ, որ իր մօր կաթէն չկարած՝ ճաշակեց կաթը Տառապանքի եւ Զարքաշութեան :

Իմ հոգիս, իմ մանուկ հոգիս լացաւ ու ճշա՛ց, անլեզու անասունի մը նման ...

Մա՛յր մտիկ ըրէ —

Իմ մանկութիւնս անցաւ, տիրագին ու սեւաւոր, լոյսին կարօ՛տ մնացի, եղիձնե՛ր, եղիձնե՛ր, տիւ եւ գիշեր, իմ մանուկ մարմինս խալթեցի՛ն, ուր ներկային Համար մեծ – մեծ վէրքեր բացին ...

Մա՛յր :

Դուն կարմիր վարդ, դուն աննման սէր, մտիկ ըրէ.

Իմ մանկութիւնս տեսաւ շուշանները հայրենի երկրին, շուշաններ որ մեղմանո՞ւշ էին, բոլոր հայ մայ – բերու խորախորհուրդ նայուածքներուն պէս ... :

Մա՛յր, ի՛մ կաթի, ի՛մ արիւնի սիրականս, դեռ մանկութիւնս քու քաղցր կաթէդ ու փափուկ դրկէդ չկշտացած, լերան մը ետին, զառնութեան հո՛վը եկաւ ու իմ հոգիս թոշնեցուց :

Մա՛յր, արթնցի՛ր, տղադ է որ քեզի կը կանչէ, վերաւո՞ր հայրենիքին կարօտը իր շրթներուն արթնցի՛ր :



### ՄԱՅԻՍԻ ԿԱՐՄԻՐ ՎԱՐԴԵՐ



Մարդկային ցաւաղար ջարդ եւ աւեր, հրդե՛չ եւ մոխիր տեղի ունեցաւ :

Մարդկային խելաղար հալածանք եւ սարսափ տեղի ունեցաւ, եւ այս բոլորը հայ աշխարհի արեւահամ ծոցին մէջ. ուր արեան գետեր հոսեցան, եւ այդ հոսանքին եթերի հզորն իսկ փախա՛ւ, փախաւ, իր արեւով լուսինով եւ բիւրաւոր աստղերով :

Ի՛մ վիրաւոր, ի՛մ հպարտ ցեղ, քու գժիսեմ ճակատագիրն էր, որ դարեր, դարեր այդ բարբարոսներուն հետ ապրեր ես ...

Մարդկային կոտորա՛ծ տեղի ունեցաւ ...

Այս բոլորը այն աշխարհին մէջ, ուր հինաւուրց դարաւոր ցեղ մը, աղնիւ ու աղուոր, հսկայ քաղաքակրթութիւն, տաղանդներ եւ հանճարներ տուած էր :

Կարմիր արեան այդ գետին մէջն, ցեղին դիւցաղնական բաղուկը, արշալոյսի մը հպարտութեամբ Արարատի վեհ ճակատէն սկսաւ շողջողալ, եւ մեր աշխարհի նկուն ու սգաւոր հոգիները արթընցնել, ու ծունկի բերել ի խնդիր նոր եւ բոցավառ արշալոյսին :

Ո՛չ, այդ արշալոյսը հայոց աշխարհի, կոյսի մը համբոյրին պէս, Արարատի մշտահպարտ ճակատը համբուրեց :

Մայիսի բուրումնաւէտ բոլոր վարդերը, ապրիլի կարմիր արեան ցողերով կը ցողային, ճերմակ վարդերուն շափրակներուն վրայ ...

Մեր աշխարհի արշալոյսին առաջին տաքուկ ճառապայմբները, ճերմակ, վարդերուն վրայ ինկան, ահա սկսան բացուիլ, գեղեցիկ եւ քնքոյչ, ուր սկսան արեան կարմիր ցողերը մարդրիտի մը նման փայլիլ ..

Այսպէս, արշալոյս եւ մայիսի վարդեր, գիշերուան քաղցր քունին հաղիւ արթնցած իրար գրկեցին, իրար պլուեցան, պաղտուեցան, իրարու շրթները անյագօրէն ծծեցին ինչպէս մեղուն գարնան ծաղիկները, ինչպէս նորածինը իր մօր ստինքը, կարծես դարերու ծարւը ունենային :

Ո՞չ, առաջին համբոյրը առաւօտեան արշալոյսին, իմ ցեղիս պէս անուշ, իմ ցեղիս պէս քաղցր, կը ժպտէր, կը ժպտէր աստուածային ժպիտով :

Մայիսի վարդերը բացուեցան, կարմիր, կարմիր, այնտեղ, ուր ապրիլի արեան հոտ կուգար, հոն կարմիր վարդեր եղան ...

Հայոց երկրի մայիսեան գոյնզգոյն վարդերը, հայոց երկրի մայիսեան, ցնծութեան հրձուանքը : Մտիկը ըրէք .

Հայոց ցեղը, հին եւ նոր ասպետներով, Տիգրան, Վարդան, Դաւիթ, Անդրանիկ, բոլորը մէկ յաղթանակէ յաղթանակ, աղատութեան նորածինը պինդ գըրկած դէպի Արարատ բարձրացան, նորածինը սեւաչեայ, աղատութեան մեր ցեղին, մայիսի կարմիր - ճերմակ անուշահոտ վարդերով լողցուցին, այնպէս մը լողցուցին, որ ապրիլի բոլոր սպաւորները իրենց սուզերը մոռնան եւ այդ հրաշածին մանուկը հոտուըտան ...

Աղատութեան մանուկը ծնած էր :

Հայ ժողովուրդը ցնծութեան մէջ, աստղերուն հետ

Կ'արտասուէր եւ մայիսի վարդերը փունջ-փունջ քա - զած՝ դէպի Արարատ կ'երկնցնէր :

Իսկ վերէն, կապոյտ եւ խորունկ ծով երկինքէն, անհամար աստղախառն ծաղիկներ կ'իյնային, շափրակ առ շափրակ, որ միակ պարզեւն էր մեր սղաւոր եւ վիրաւոր աշխարհին :

Երգէ՛ցեղս, մայիսի երգը աղատութեան, ցնծա՛ցեղս, մայիսի յաղթանակիդ ի ինդիր, հոտուըտա՛ցեղս, մայիսի կարմիր վարդերը բոլոր :



### ՀՈՒՍՆԻՆ ՀԵՏ

Այս գիշեր, լուսնին տակ դինով եմ...

Աշխարհ մը կը դառնայ սեւ աշքերուս առջեւ :

Բիբերս կը թրջին եւ արցունքներս շիթ առ շիթ այտերէս վար կ'իյնան եթերի աստղերուն նման :

Աշնան չար հովը անօթի վարդի մը պէս կ'ոռնայ զայրադին, կը զարնուի աջ ու ձախ, փշրելու համար ամէն բան :

Հոդիս կ'ըմբոստանայ ցաւադին ու տժոյն: Զի դիմանար այս տարագիր, այս անհամբոյր աստղերուն տակ, որ կրակ ունին օձագալար լեզուներով:

Լուսինը տրտում է... Ծերացած պառաւի մը դիմագիծը ունի :

Ո՞ւր է ամառնային այն սիրուն լուսինը որ տիեզերք մը ամբողջ կը լուսավառէր :

Ահաւասիկ երկինքը, կատարեալ մեռելատուն մը, ուր բիւրաւոր աստղեր մէկ գիշերուան մէջ կը պատանքուին... Ահա՛ դաղաղներ, յուղարկաւորներ, յուղարկաւորներ, հին հին մեռելներ :

0'չ , ինչ ողբերդական տեսարան է այս : Ո'վ երկինք ,  
ո'վ կապոյտ ծով , ո'վ հալած աստղեր , ես կը խորհիմ  
թէ մէկը կը պակսի ...

— Դամբանախօս մը ձեր մեռելական թաղման  
համար :

Տեսէ՛ք , դարեր դարերու կը յաջորդեն , բայց դուք  
դարձեալ նոյնն էք :

Ե՛ս ... Տարագիրս , իմ գոյութիւնս իսկ կ'ուրա -  
նամ , հաւատացէք կ'ուրանա՞մ :

Հին տաղանդաւոր ցեղի մը թափառական զաւակը ,  
Ես ծարաւը ունիմ աստղածորան երկինքի մը , Ազատ եւ  
անկախ Հայրնիիքի մը , եւ ստեղծագործ հանձարի մը ,  
որ հոսի , ինչպէս՝ մշտահոս աղբիւր մը հրաշափառ :

Ահա՛ թէ ինչու , ես կ'ուզեմ դամբանական մը խօ-  
սիլ , որ երբեք լսած չըլլաք ձեր գոյութենէն ի վեր ,  
դամբանական մը իմ արիւնածին շրթներէս , իբրեւ կը-  
տակը , հաղար-հազար անթաղ մորթուածներուն , որ  
ձեր լուսնին տակ , ձեր գոյութիւնը անիծեցին ...

0' , ես կ'ուզեմ , կ'ուզեմ որ այրի , մոխրանայ ...  
տակնու վրա՛յ շրջի այս ամբողջ երկրագունդը , որ  
պոռնկացա՛ւ , պոռնկացա՛ւ , եւ ցեխոտեցաւ եւ հզօր  
ու ազնիւ ցեղ մը չորս հովերուն խաղալիք դարձուց :



### ԼՈՒՍՆԿԱՅԻՆ ՀԵՏ



Լուսին , լուսին , դուն անհունապէս հեռաւո՞ր ճը-  
րագ :

Դո՛ւն փառքն ու պսակը գիշերուան մութ խաւա -

րին , որ այնքա՞ն սիրտեր , այնքան անձրագ խրճիթներ  
կ'ողեւորես , էութեամբը լոյսիդ մշտացա՛թ :

Լուսին , դուն եթերական անհասանելի մշտավա՛ռ  
ջահ :

Այսօր , իմ պանդուխտի շրթունքներս , հայրենիքի  
անշէջ կարօտէն , անկաթ մօր մը ծիծերուն պէս ցամ -  
քե՛ր են ...

Լուսին , հաւածուա՞ծ հոգիս , տանջահար սրտիկս  
պատուէք մը ունի պանդուխտի .

Հայրենիքին համար , աւերա՛կ ու խոցոտուած , ո-  
րուն կարմիր հողին վրայ դեռ իմ ցեղիս արիւնը կայ ...

Ո'վ սիրագեղ ու պաշտելի ճրագ , գիտե՛մ , իմ օ -  
տարականի ձայնս՝ խեղդուած՝ այս հեռաւո՞ր , անհարա-  
զատ ավերէն քեղի անուշ չպիտի գայ . բայց , երկու  
բառս , հայրենակարօտ , հրաշունչ , ներէ՛ որ քեղի ը-  
սեմ :

Գիտե՛մ , տիւ եւ գիշեր , մշտարթուն զինուորի մը  
պէս , սեւ ամպերը հրմշտկելով , համայն Տիեղերքին կը  
հսկես .

Այս գիշեր իսկ , չփոթահար մանուկի մը հապճե -  
պով , կարծես ճամբաղ փոխեցիր ...

— Դէպի աշխա՛րհը հայոց .

— Ըսէ՛ , լուսին , սխալեցա՞յ արդեօք :

Գիտե՞ս , մեր չին ու պայծառ աշխարհը մոխրա -  
ցա՛ւ ... չնագայլերու գերեզմաննոց մը գարճաւ , չնոր-  
հիւ ցեղի մը բարբարո՞ս , որուն կարմիր մահիկին վրայ  
դեռ քու կիսալուսինդ կ'երեւայ ...

Ո'վ լուսին , տօներ ու խրախճանքի օրեր կուգան  
կ'անցնին , բա՛յց մեր աշխարհի ահեղազոռ կոչնակնե -  
րու զօղանջը չի լսուիր քաղցրածայն . ա՛լ չկայ ժողո-

վուրդը բարեպաշտ, որ ձիւն – ձմեռ օրերուն լուսնիայ գիշերներով, գէ՛պի սուրբ տաճարը կ'ուղղուէր...

Օ՛, ներէ՛ ինծի, տարագրիս անզօր, որ նորէն մասուկ գրիչս կարմի՛ր արիւն կը փսխէ...:

Զի, ես պանդուխտ եմ, վիրաւո՛ր, միայն բաղ – ձանքս է, որ դո՛ւն ըսես Հայրենիքս հեռաւոր.

— Թէ իր զաւակները տարագիր, նոր տարուան սեմին վրայէն Կարմի՛ր ջարդը կը... յիշե՛ն...:

ՅՆԾՈՒԹԵԱՆ ՃԻՉԵ՛Ր ...



Ժողովուրդ հայո՛ց, Ազատութեան եւ անկախութեան մշտնջենապէս ծառաւ ցեղ :

Այս իրիկուն յաղթանակի տօնիդ առթիւ, բոլոր ցաւերս ու վիշտերս յաղթական դրօշիդ ծայրը ծրարած՝ դուրսի հովերուն կուտամ :

Ու կ'ուղեմ այսպէս ամբողջ գիշեր մը երկինքի պըլպացող աստղերուն հետ, ե՛ւ քեզի հետ, գիրկ գիրկի իրափանիք աւազանին մէջ հրճուիլ, արբենա՛լ, ցընծութեան ճիչեր արձակել :



Ես կը ցնծա՛մ, ու ցնծա՛ դուն, այս իրիկուն, տարագի՛ր, օտար ու անհարազատ պողոտաներու վրայ, զի այսօր յաղթանակի տօնի է :

Հրա՛շք ժողովուրդ, ոտքի՛ ելիր եւ հպարտորէն քու անյայտ եւ յայտնի դիւցազներուդ Մայիսի վարդերէն հիւսուած փառապսակ մը ճօնէ :

Անոնք քեզի համար, քու անցեալի պէս – պէս փառքերուդ համար, Մայիսի յաղթանակի կերտեցին, դա –

րերու խաւարէն՝ Ազատութեան ջահը մեր վշտաբեկ սրտերուն մէջ ցոլացուցին :

Փա՛ռք ուրեմն յաղթանակի դրօշիդ, փա՛ռք ու պըսակ քու պողպատեայ կտրիճներուդ :

Բայց դուն ցնծա, այս իրիկուն ո՛վ իմ ցեղ.

Տիգրաններու հզօր փառապանձ աղնիւ անուն : Կոտրէ՛ ու կոխկրտէ տարագրութեան ցուպը դաժան, որ անարդար մարդիկ, որ անաստուած մարդիկ խաւարին մէջէն, բռնի՛ քու ձեռքդ դրին...

Ու խեղեցին, մանուկդ Ազատութեան, Աստուածամօր օրբանին մէջ հրաշափառ :

Բայց դուն հրճուէ՛, իմ պաշտելի, իմ տարագիր հպարտ ցեղ, արդարութեան, ազատութեան, եւ լոյսին համար կարմիր արի՛ւն կարմիր արի՛ւն թափեցիր, որպէսզի մանուկդ հրաշածին, մայիսի ճերմակ վարդերով հոտոտուի ...

Բայց դուն ցնծա՛, իմ անվչատ, իմ սքանչելի աննման ցեղ .

Մենք պիտի երգենք, պիտի փառաբանենք Մայիսի փառքդ, ի խնդիր Ազատութեան, Անկախութեան :

Այս իրիկուն, թէ եւ պանդուխտ, ես կը ցնծամ ու կը հրճուիմ քաջօրէն :

Բայց քու դրօշի, յաղթանակի դրօշի, թող ծածանի տարագիր, մէկ օր միա՛յն թող ծածանի աստղերուն հետ դէմ դէմի :

Ո՛վ Ազատութեան Անկախութեան մշտնջենապէս ծարաւի ցեղ :

Ս. ԷՆՏՐԻԿԵԱՆ

Վուրդը բարեպաշտ, որ ձիւն – ձմեռ օրելուն լուսնկայ  
գիշերներով, դէ՛պի սուրբ տաճարը կ'ուղղուէր...

Օ՛, ներէ՛ ինծի, տարագրիս անդօր, որ նորէն մա-  
նուկ գրիչս կարմի՛ր արիւն կը փսխէ...:

Զի, ես պանդուխտ եմ, վիրաւո՞ր, միայն բաղ –  
ձանքս է, որ դո՛ւն ըսես Հայրենիքիս հեռաւոր.

— Թէ իր զաւակները տարագրիր, Նոր տարուան սե-  
մին վրայէն Կարմի՛ր ջարդը կը... յիշե՞ն...:



### ՑՆԾՈՒԹԵԱՆ ՃԻՉԵՐ...



Ժողովուրդ հայո՞ց, Ազատութեան եւ անկախու-  
թեան մշտնջենապէս ծառաւ ցեղ :

Այս իրիկուն յաղթանակի տօնիդ առթիւ, բոլոր  
ցաւերս ու վիշտերս յաղթական դրօշիդ ծայրը ծրա-  
րած՝ դուրսի հովերուն կուտամ :

Ու կ'ուղեմ այսպէս ամբողջ դիչեր մը երկինքի պըլ-  
պլացող ասազերուն հետ, ե՛ւ քեզի հետ, գիրկ գիրկի  
խրախճանքի աւազանին մէջ հրճուիլ, արբենա՛լ, ցըն-  
ծութեան ձիչեր արձակել :



Ես կը ցնծա՞մ, ու ցնծա՛ դուն, այս իրիկուն, տա-  
րագի՛ր, օտար ու անհարազատ պողոտաներու վրայ,  
զի այսօր յաղթանակի տօնի է :

Հըա՛շք ժողովուրդ, ոտքի՛ ելիր եւ հապարօքէն քու  
անյայտ եւ յայտնի դիւցազներուդ Մայիսի վարդերէն  
հիւսուած փառապակ մը ձօնէ :

Անոնք քեզի համար, քու անցեալի պէս – պէս փառ-  
քերուդ համար, Մայիսի յաղթանակի կերտեցին, դա –

Մերու իսւարէն՝ Ազատութեան ջահը մեր վշտաբեկ  
սրտերուն մէջ ցոլացուցին :

Փա՛ռք ուրեմն յաղթանակի դրօշիդ, փա՛ռք ու պը-  
սակ քու պողպատեայ կտրիճներուդ :

Բայց դուն ցնծա, այս իրիկուն ո՛վ իմ ցեղ.

Տիգրաններու հզօր փառապանծ աղնիւ անուն :  
Կոտրէ՛ ու կոխկրտէ տարագրութեան ցուպը դաժան,  
որ անարդար մարդիկ, որ անաստուած մարդիկ իսւա-  
րին մէջէն, բռնի՛ քու ձեռքդ դրին...

Ու խեղեցին, մանուկդ Ազատութեան, Աստուա-  
ծամօր օրրանին մէջ հրաշապիառ :

Բայց դուն հրճուէ՛, իմ պաշտելի, իմ տարագրի  
հպարտ ցեղ, արդարութեան, ազատութեան, եւ լոյսին  
համար կարմիր արի՛ւն կարմիր արի՛ւն թափեցիր,  
որպէսզի մանուկդ հրաշածին, մայիսի ճերմակ վարդե-  
րով հոտոտուի ...

Բայց դուն ցնծա՛, իմ անվհատ, իմ սքանչելի ան-  
նման ցեղ .

Մենք պիտի երգենք, պիտի փառաբանենք Մայիսի  
փառքդ, ի խնդիր Ազատութեան, Անկախութեան :

Այս իրիկուն, թէեւ պանդուխտ, ես կը ցնծամ ու կը  
հրճուիմ քաջօրէն :

Բայց քու դրօշի, յաղթանակի դրօշդ, թող ծածանի  
տարագրի, մէկ օր միա՛յն թող ծածանի աստղերուն  
հետ դէմ դէմի :

Ո՛վ Ազատութեան Անկախութեան մշտնջենապէս  
ծարաւի ցեղ :

Ս. ԸՆՏՐԻԿԵԱՆ



ԼԵՒՈՆ ԳԵՂՈՒՆԻ  
(Գայաճանեան)

Ծնած 20 Մարտ 1910ին Խարբերդի Դատեմ գլուխը : Նախնական կրթութիւնը ստացած է Հալէպ, Դատեմի Լուս . Ռւսումնասիրացի դպրոցին մէջ : «Յառաջ»ի ծանօթացած է 1925ին , Պէյրութի մէջ : Գրական առաջին փորձերը կատարած է 1930ին : Աշխատակցած է «Յառաջ»ի , «Երկունք»ի և «Հայրենիք» ամսագրին :

ՎՐԵԺԻ ՈՒԽՏԱԿՈՐԸ

Մեծ եղեռնի կոտորածէն մազապուրծ աղատած , Վարդանն ալ քչունք էր դէպի անծանօթ օտարութիւն : Ան տարուած էր մինչեւ Հար Օղլիի կիրճը , տեսած մահուան չարաշուք ստուերը , սակայն , ո՞վ զարմանք , ան մեռելներու տակ չարաթներ տքալէ վերջ , չնչատ , մերթ անօթի ծարաւ , մերկ ու բոպիկ , քալելով եկեր հասեր էր Խարբերդի հեռաւոր գիւղերը : Հազիւ 15 տարեկան , տակաւին չարին ու բարիին անդիտակից , չարաղէտ եղեռնը կուզայ զայն քշել տանիլ Հայրենական տունէն : Ոչ մէկ տեղեկութիւն ունէր իր ծնողքին մասին , գիտէր որ անոնք ալ տարուած են մահուան ձորը , սակայն չէր կրնար ստուգել անոնց ողջ կամ մեռած ըլլալը : Երկիրէ երկիր թափառելով , սար ու ձոր անցնելով , ան որոներ էր իր ծնողքը : Սակայն ի զո՞ւր :

Բունաւեր թաշոնի նման , ինկած էր Թուրքի մը քով իրեւե մշակ – ծառայ : Սակայն անոր դէմքին վրայ ոչ մէկ ժամանակամասութեան նշոյլ կ'երեւար : Համակ տրամութիւն եւ խոր թափիծ : Կեանքի արշալոյսը վաղուց մարած էր անոր համար :

Թեկնեղ կազմուածքով , Վարդան գրաւիչ արտաքին մը ունէր : Կը հազնէր Խարբերդի յատուկ լայն չալվար մը , վրայէն գծաւոր ելէկ մը , կը կապէր սպիտակ բուրդէ հիւսուած գոտի մը եւ կարմիր Փէս մը գլուխին , ահա Վարդանի տարապը :

Ան դիւրաւ ընտելացած էր նոր կեանքի պայման – ներուն , գաշտային աշխատանք , կենդանիներու հոգա – տարութիւն եւ ինամք : Վարդան զարձած էր կատար –

Եալ հողագործ մը : — է՛հ, մարդ երբ հարկադրուի ,  
այս է իր հանապազօրեայ քաշելիքը : Յաճախ կ'անդրա-  
դառնար անցեալի չէն ուրախ օրերուն , ուր կեանքը  
տարբեր էր , հաճելի եւ հարապուրիչ կայծերով առլի...  
իսկ հիմա՞ — մինակ , ծնողազուրկ , թուրքին գերի ,  
օտար միջավայրի մէջ , ո՞րքան տաժանելի կը թուէր  
կեանքը հիմա : Այսու հանդերձ չէր յուսահատեր : Այս  
դառնութեան ու տառապանքի օրերը պիտի անցնին օր  
մը — կ'ըսէր ան — ու անոնց պիտի յաջորդէ նոր կեան-  
քի ցոլցլուն արշալոյար :

Օրերն ու ըոպէները կ'անցնէին յամբընթաց եւ միա-  
պաղաղ : Վարդանի կեանքը հետզհետէ տաղտկալի կը  
դառնար , աչքը ճամբան էր , իրեն այնպէս կ'երեւար թէ  
մէկը պիտի դար բարի աւետիս մը , բերելու իր ծնողքին  
մասին : Ու պահ մը կը ջանար սփոփիչ բառերով միի —  
տարել ինքինքը :

×

Ամբան տակ ու հեղձուցիչ օր մը , արեւի բարկ ճա-  
ռագայթներու տակ , նստած էր Տէրպէրսանց հրապա -  
րակը , ուր գեղին տարէցները հաւաքուած՝ բերքերու  
առատութեան մասին խօսակցութիւններ կ'ունենային :  
Կծկուած կիսափուլ պատին տակ , Վարդան տարուած  
էր խորունկ խոհերով :

Խօսակցութեանց թելը երբեմն կ'երկարէր ճղա-  
խէժի պէս ու կ'երթար կը հասնէր պատերազմի եւ հայ-  
կական ջարդերու պատասխանատուները ճշգելու կէ —  
տին : Վարդան շատ չէր ախորդեր գրոց — բրոցներէն :

Ան հազիւ սկսած էր հեղել Մեսրոպեան տառերը ,  
երբ ընդհանուր պատերազմը եկաւ տակնուվրայ ընկել  
ամէն բան : Վիճարանութեան ընդհատումէն վերջ , տա-

քէց մէկը մօտեցաւ Վարդանի եւ անոր քով նստելով  
սկսաւ հարցուվորձել , ծանօթանալ նորեկի կեանքին  
հետ : Վարդան երբ սթափեցաւ զինքը ընկճող խոհերու  
թմբիրէն , տեսաւ որ միջահասակ , յիսունի սահմանե-  
րուն մէջ գեղերող , պղտիկ ու պղտուն աչքերով մարդ  
մը կեցած է իր զիմացը : Ուզեց ոտքի կենալ , շարժիլ ,  
բան մը ընել վերջապէս , երբ մարդը ձեռքը իր ուսին  
դնելով նշան ըրաւ որ նստի :

— Լսեր էի որ զարիպ Հայ մը կայ հոս , խօսեցաւ  
Արութ Արար , կ'ուզէի տեսնել , խօսիլ եւ ծանօթանալ :  
Ո՞ր տեղացի էք :

— Էրզրումցի՝ , — պատասխանեց Վարդան :

— Էրզրում . . . ո՞ւրէի ո՞ւր , ո՞ր հովը բերաւ քեզ  
մինչեւ այս տեղերը , տղաս :

— Թուրքին հովը , մրմնջեց Վարդան :

— Ա՛խ , ա՛յդ ազգին մուխը մարի , զաւակս , որ մեզ  
այս օրուան չգտէր : Քանդուեցա՛ւ մեր տունն ու տե-  
ղը : Այս բոլոր չարեաց պատասխանատուն . . .

Արութ Արար ակամայ ընդհատեց նախադասու-  
թեան վերջին բառերը , չկրնալով շարունակել , ներ-  
քին լուռ յուզում մը կարծես կոկորդը կը լեցնէր . եթէ  
չամչնար՝ պիտի լար այդ ըոպէին . . .

— Էհ , մեր վախկոտութեան կամ անհամաձայ —  
նութեան պտուղն է այս օրուան մեր ճաշակածը , հայ-  
րիկ , պատասխանեց Վարդան առնական շեշտով մը , ե-  
թէ մեր ազգին մեծերուն մէջ համերաշխութիւնը չպակ-  
սէր , հաւանական էր որ պատերազմէն քիչ կորուստով  
դուրս դայինք . . .

Խօսակցութիւնը բաւական երկար տեւեց , արեւն  
արդէն վաղուց իր վերջին ճառապայթները հաւաքած էր

բերդի կատարէն եւ ուշացած կոռունկի նման կ'աճապարէլ դէպի մայրամուտը :

Վարդան ոտքի ելաւ ակամայ, Փէսը հանելով սկըսաւ գանգուր մազերուն յարդարանք մը տալ: Շատ կը սիրէր երբ մազերը Փէսի տակէն դուրս կը ցցուէին ըմբռոստի պէս: Թրքուհիներ նշմարած էին անոր գանդրահեր ու չէկ մազերը, մանաւանդ ամրան զով ու լուսնակ գիշերներուն, երբ ան զլխարաց, թեւերը սօթթած դէպի աղբիւրը կը անհէր եղները ջուրի: Ժամանակը անցած ըլլալով, Վարդան աճապարեց դէպի տուն: Իր աղան, Ալի թէշիտ թէկը գեղին ամենայայտնի դէմքերէն էր, բորենի մը, որ ջուրի փոխարէն հայ անմեղներու արիւնովը զովացուցած է իր գարշ ծարաւը: Ամէն ոք կը սոսկար, երբ կը տեսնէր նոյն իսկ անոր սիլուէթը ...:

×

Օրերը կ'անցնէին միօրինակ ու արագ վաղքով մը: Վարդան այլ եւս վարժուած ու ծանօթացած էր նոր միջավայրի պայմաններուն, առանձնայատկութիւններուն, սակայն անոր զլխաւոր մտահոգութիւնն էր վերջ տալ իր այդ չարքաշ կեանքին, միջոց մը որոճալ, բանալին գտնել խորհրդաւոր առեղծուածին եւ դուրս պրծիլ Հայոց դահիճ թէշիտի բնակարանէն:

Կը բաղձար ազատ ըլլալ բոլորովին, թափառիլ ամայի եւ անմարդաբնակ վայրերու մէջ, բանալ սիրտը կուժուրտացող հովերուն եւ անոնց քմայքին, տալ, տալ բոլոր կակիծներն ու դառն խոհերը: Հայկական զարհուրելի սպանդին զոհ դացած էին իր հայրն ու մայրը, անոնց սուրբ ու նուիրական յիշատակը մասունքի մը պէս կը պահէր իր հոգիին խորը: Ամէն անգամ որ կը վերիշեր իր սիրելի ծնողաց դէմքերը, տա-

րօրինակ կերպով կը զգացուէր, կը զայրանար անողորմ բախտին դէմ, ջիղերը կը պրկուէին աւելի քան երբեք, ամուր ու վճռական արտայայտութիւն մը կ'ուրուագծուէր իր դէմքին վրայ: Անյադ վրէժի ու զայրոյթի կատաղութեամբ համակուած՝ ան կ'ուզէր ջախջախել ամէն բան, փշրել բռնապետներուն գահն անդամ ...:

Զինուած տարօրինակ միտքերով՝ կը քալէր գիւղամէջի հրապարակներէն, երբ հեռուէն նշմարեց Արութերոր պլազուն ճրագին լոյսը, հասաւ դրան սեմին ու կանգ առաւ պահ մը: Վերը բարձրաձայն խօսակցութեանց ձայներ կը լսուէին: Նկատեց որ գեղին տարէցները բոլորն ալ հոն են, Արութ Արօր ախոռ - սաքուն: Ո՞ւր երթայ դրացին, անկէ աւելի յարմար վայր մը չկար գիւղին մէջ:

Արութ Արօր շաբթուան երեք օրը անպայման քաղաք պիտի երթար, ճանչցուած անձնաւորութիւն մընէր ան, ամէն ծակ ու ծուկ կը մտնէր, նոյն իսկ թքք. կառավարչատան մէջ ծանօթ պաշտօնեաներ ու նէր, որոնց հետ միշտ յարաբերութիւն կը պահէր, հետեւաբար օրուան անցուղարձերու մասին կը բերէր լուրեր: Մէկ խօսքով Արութ Արօր տէրվիշի նման թափառելով երկիրէ երկիր, իր հետ բերած էր շատ մը փորձառութիւններ, համեմուած խօսքերով առակներ, պատմութիւններ ...

Անկասկած այսպիսի մարդու մը քով նստիլ ու անկէ աւետիսներ լսելը շատ մը տարեց եւ երիտասարդներու համար թանկագին պատեհութիւն մընէր: Վարդանն ալ հմայուած էր Արութ Արօր խօսքերէն, առակներէն: Սովորութիւն ըրած էր այլ եւս ամէն իրիկուն պահ մը հանդիպիլ անոր, մտիկ ընել հաճոյալից ու բա-

ըոյական նկարագրով տոկուն այդ մարդուն թաւշալից ձայնին կչոռյթը, բառերուն ուժգին թափը:

Արութ Սքօր խօսքերուն մէջ զզացումն էր որ կը տիրապետէր, ան կը խօսէր անկեղծ շեշտով մը, որ ամէն հայրենասէր Հայու համար անվիճելի կը դառնար այլեւս: Արութ Սքար շատ լաւ կերպով կը բացատրէր բոլոր այն մութ ու չարաղէտ ծալքերը մեծ եղենի գէպքերուն, որոնք ծնունդ ու մարմին առին թալէաթ - ինվէրներու հրէշածին դանկին մէջ:

Այս բոլորին բարի պտուղները ճաշակած էր Արութ Սքար՝ երկու անդամ մահուան անդունդը երթալով, սակայն ինչ բարերախտութիւն, որ ան կերպով մը ազատուած էր, նախախնամութիւնը անոր օգնած էր:

Ամիսներով լեռները թափառելէ, քարանձաւներուն մէջ զիշերելէ յետոյ, զինադադարի վաղորդայնին, արձակ - համարձակ գիւղ մտած էր:

Աչա այսպիսի փորձառութիւններով հարուստ ու եփուն մարդուն հետ էր Վարդան սկսաւ իր յարաբերութիւնները պահել: Վարդան դաւիթին զուռը բանալով ուղղակի ախոռ սաքսուն ելաւ: Գիւղին կարգ մը տարէցները, աքսորէն ու պատերազմէն վերապրողները հաւաքուած օջախին շուրջ կը խօսէին հին ու անցած օրերէն: Բազմութեան մէջն Արութ Սքօր խրոխտ ձայնն էր որ կը բարձրանար, ամէն ոք իր աչքերը անոր ուղղած, հեւասսղառ շունչով մը մտիկ կ'ընէին: — Է՛, սողը ի՞նչ եղաւ — ձայնեց Սարգիս Կարօն, տեղէն շարժելով ու համրէի գեղին հատերը քաշելով:

Արութ Սքար շարունակեց.

— Մինչեւ անդամ Ալաշկերտէն, Վանի, Մուշի եւ կը զրումի քաղաքներէն զաղթական Հայեր կային մեր

կարաւանին մէջ: Անոնք անօթի ծարաւ, մերկ եւ բոպիկ, տքալէն, հեւալէն կը քալէին, վա՛յ անոր որ կարաւանէն ետ կը մնար, — օրհնեալ հարուածը կ'իջնէր շրափ...: Սակայն ինչ որ անջնջելի կը մնայ յիշողութեանս մէջ, ան ալ այն յաղթահասակ, թաւ ու ոլորուն պեխերով, հրացայտ սեւ աչքերով եւ համակրելի դիմագծով մարդն էր, որ շլթաներու ծանրութեան տակ թէեւ ընկծուած, բայց գեռ պահած էր իր առնական կեցուածքը: Ան ալ կը քալէր մեզի հետ զէպի մահուան ձորը: « Բայց ի՞նչ է այս մարդուն յանցանքը, — մտածեցի ինքնիրենս, որ շլթայակաս կը տանին»: Մոռնալով պահ մը մահուան իրական, անողոք տեսիլը, մօտեցայ այդ մարդուն եւ կերպով մը ծանօթացայ անոր ձետ: — Երզումցի եմ — ըստ յուսահատական ձայնով մը, ուղեցինք երզումի թուրք կառավարչատունը օդը հանել, սակայն չաղաղոցանք, որովհետեւ մատնիչները դործի վրայ էին, մեղմէ արագ չարժեցան անոնք, այդ վատ Հայերը, եւ շաբաթը ուրբաթէն առաջ եկաւ մեր դիմուն»: Ես ապշած մտիկ կ'ընէի այդ մեծ հայրենասէրին անկեղծ խօսքերը, երբ ժանտարմայի մտրակի հարուածը օծի պէս պլզուեցաւ վզիս, ու սկսանք քալել իրարմէ հինգ մեթր հեռաւորութեամբ: Վերջին անդամ տեսայ զայն, երբ մահուան ձորին եղերքը, կարգով շարած մեղ բոլորս, հրացանազարկ պիտի ընէին, քովս, հաղիւ մէկ քայլ հեռու, հարցուցի անոր անունը: «Արամ Վարդանեան» ըսեն ու հրացաններու զոռալը մէկ եղաւ:

Վարդան ցնցում մը ունեցաւ, հոգեկան բեկում մը զզաց եւ այնքա՞ն խորունկ կերպով աղբուեցաւ, որ հեկեկագին զոչեց.

— Արամ Վարդանեա՞ն . . .

Հայրս, ա՞չ, վատե՛ր, վատե՛ր:

— Հայրդ, հարցուցին, ի՞նչէն գիտես որ հայրդէ :

— Երզրումցի, Արամ Վարդանեան, ուրիշ մէկը չէ եթէ ոչ իմ հայրս, հինգ տարի է լուր մը չունէի: Հաղիւ 12 տարեկան կայի ես, երբ գիշերով ձերրակալեցին հայրս, ու տարին մեղ անյայտ ճամբաներէ: Այն յոյսն ունէի թէ օր մը զայն տեսնելու բախտը կ'ունենամ, սակայն, աւա՛ղ, ան ալ ինկեր է բարրարոս թուրքերու դնդակովը :

— Ես շարունակեց Արութ Արար, չեմ գիտեր թէ ինչպէս ողջ մնացեր եմ, գիտեմ միայն, որ դիակներու տակ անշնչացած՝ պառկեր էի: Մութը իջնելուն՝ թուրքերը հեռացան, կարծելով որ մենք մեռած ենք: Ողջ մնացողներս ճայն տուինք իրարու, հաւաքուեցանք ծառի մը տակ, պահ մը սպասելէ յետոյ՝ բարձրացանք լեռները: Իսկ այսօր ողջ ենք, փառք ամենակալին, ողջ է նաեւ այն թուրքը, որ մեզ կոտորելու հրամանը արձակեց . . . եւ կ'ապրի մէր քթին տակ :

— Ո՞վ է, ո՞վ էր, ճայնեցին ներկաները միարերան: Ալի թէշիտ կը կոչուի :

— Ալի թէշիտ, մտածեց Վարդան ինքնիրեն, աղա՛ն է, աղատարարս: Այն որ զինքն կարաւանի մէջէն աղատած բերած էր, իսկ հիմա . . .

Վարդան չկրցաւ շարունակել, կոկորդը խեղդուեցաւ կարծես, արտակարդ յեղաշրջում մը զզաց, չօրը ստուերը կենդանացաւ աչքերուն ու երեւակայութեան հորիզոնին վրայ, իր բարի ու այնքա՞ն քաղցր ժպիտով:

Ալի թէշիտ ջարդարա՞ր, Հայու դահիճ, — չէ՛, չէ՛,

Վարդան այլեւս չէր կրնար հանդուրժել այդ անողոքիրականութեան, մանաւանդ որ իր հայրն ալ սպան նուած էր նոյն դարշելի ու բարբարոս մարդու ձեռքերովը, կամ արձակած հրամանովը :

Այլեւս ի՞նչ սրտով պիտի ծառայէր այդ Հայու արիւնով շաղախուած արարածին քով: Վարդան աչքերը բացաւ, տեսաւ մերկ իրականութիւնը: Գիտցաւ հիմաթէ ո՞վ է Ալի թէշիտ: Մտածեց, խոկաց ծանր ու մտապկիչ խոհերով, ոտքի ելաւ, պատրաստուեցաւ տուն երթալու : — Գնա՛, ըստ Արութ Արար, բայց պահ մը վերջ կը սպասեմ քեղի:

Վարդան մտածկոտ քայլերով գուրս եկաւ ախոռ սաքուէն, զնաց շիտակ տուն, ներս մտաւ, բայց չփոթու վրդով ելաւ դարձեալ դուրս, գիշերուան խոր մթութեան մէջ: Կը քալէր, զայրոյթէ, ատելութենէ քշուած: Ուղեղը կը ճնշուէր աղօրիքի քարին տակ առնուած ցորենի հատիկներուն պէս: Հազար ու մէկ խոհեր սկսան թեւածիլ իր երեւակայութեան հորիզոնին վրայ: Մութ ու մուա՛յլ երկինք: Ներսը փոթորիկ եւ հոգեկան ալեկոծութիւն: Պէտք է վերցնել մէջտեղէն այդ հրէշը, մըմնչեց Վարդան ինքնարերաբար, եւ անցնիլ արտաս սահման: Կեցաւ պահ մը բնութեան արձակ գրկին մէջ, խրոխտ ու յաղթապանծ, հայեացքը ուղղած Ալի թէշիտի բնակարանին, սպառնալիքներու տարափ մը տեղաց անոր հասցէին: Ոտքի ելաւ ու շիտակ Արութ Արօր քով զնաց: Կէս գիշերը անցած էր, երբ տունէն ներս մտաւ: Արութ Արար, նստած սեղանի առջեւ, համբիչի ու լունքները քաշելով կ'աշխատէր կերպով մը քունը փախցնել :

— Հօրս շղթայակապ վիճակը աչքերուս առջեւն է

դեռ, մահուան անզունդին եղերքը, անոր ուրուականը դիս կը հալածէ, յարեց վարդան, ալ եւս կեանքը անտանելի կը դառնայ ինձ համար, սիրելի Արութ Արար: Մանաւանդ անմեղ Հայերու արեամբ յդիացած տմարդի արարածի մը յարկին տակ:

Երկար ատենէ ի վեր կը թափառէի լեռներու եւ դաշերու մէջ, որպէսզի գառնացած սիրտ ամոքէի, սփոփէի, սակայն ի դուր... որոչեցի սպաննել այդ գարշելի Բէշիտը, եւ հեռանալ արտասահման, միայն թէ միջոյներ կը պակսին:

— Արդէն այդ մասին խորհրդակցելու համար էր որ ձեզի սպասեցի, յարեց Արութ Արար, աշխոյժ ու ոգեւորուած երեւոյթով մը: Երէկ քաղաք գացած էի, արժանահաւատ աղբիւրէ լսեցի, որ Հայաստանի հանրապետութիւն է հոչակուեր, թուրք թերթերն ալ գրած եւ հաստատած են այս պարագան: Ես բազմաթիւ Տէրսիցի ծանօթ Քիւրուեր ունիմ, որոնք կը խոստանան մեղ ապահով կերպով մը կովկաս մտցնել: Ուրեմն, կը մնայ առիթը օգտագործել:

Ալի Բէշիտ պէկը ամէն ուրբաթ քաղաք կ'երթայ՝ աղօթելու համար եւ իրկունները ուշ կը վերագառնայ: Արդ, ես վազը իրիկուն, վերջալոյսէն յետոյ, կ'իջնեմ կարմիր կողի ձորը եւ հոն թագնուած կը սպասեմ ձեզի: Դուն իրը թէ պէկը դիմաւորելու համար մինչեւ մեր ուրշած վայրը կուգա՞ անշուշտ ներքնապէս զինուած: Ես քեզի կուտամ երկսայրի կեռ դաշոյն մը: Առանց մէկէ մը նշմարուելու, կ'անցնիս զեղին հարաւ - արեւելեան շրջանէն, կը մտնես Խարախիայի կիրճը՝ անկէ մեր նշանակած վայրը դալու:

Վարդան երկիւղածութեամբ մտիկ կ'ընէր Արութ

Արօր խօսքերը, որոնք վճիտ աղբիւրի մը պէս կը հոսէին առուին մէջէն:

Վարդանի երեւակայութիւնը չափեց բացատրուած վայրերը, անցաւ թաքուն ու զաղտագողի մերթ չնշատ ու յոզնարեկ, մերթ վրէժի ու զայրոյթի արդար զգացումով զրահուած: Եւ իրարմէ բաժնուեցան երկու շայերը :



Անցան չարաթներ: Վարդան հետզհետէ մելամաղձոտ վիճակ մը կ'առնէր, անոր քունն ու հանգիստ կեանքը խանդարուած էին այլեւս, կարելի չէր նախկին վիճակը վերահաստատել: Յաճախ կը մենախօսէր, ջղային չարժումներ կ'արձակէր, այնպէս որ բոլորովին հոգեփոխուած երեւոյթ մը զգացած էր: Վրէժ, այո, թափուած բոլոր արիւններուն համար, վրէժ, այն դահիճ ու մարդակեր ոսոխէն, Բէշիտէն, որուն յարկին տակ երկար ատեն կը ծառայէր, Վարդան այլեւս յանձնուած էր սրբազն նուիրումի թափին:

— «Ո՞վ հայր, հրճուէ անյայտ հողակոյտիդ մէջ, խայտա՛, այսօր Հայոց անկախութեան արշալոյն է ցաթեր, Հայաստանն անկա՞ի է հոչակուեր: Ցնծա՛ եւ դուն հայրդ իմ նահատակ, այսօր քու զահիճիդ կենաց վերջալոյսի օրերն են...»

Ոտքի ելաւ, դաշոյնը պահեց շալվարի մէջ, վերջալոյսի ցոլքերէն առաջ ձամբայ ինկաւ Արութ Արօր որոշած վայրէն դէպի կարմիր կողի ձորը իրեն միանալու: Գիշերուան մութը շուտով վրայ հասաւ, Վարդան կը քալէր ձորերու եւ մացառներու մէջէն, շունչը բունած, կը զգուշանար ամենափոքր շշուկէն իսկ: Երբ մօտեցաւ կարմիր կողին, սաստիկ ծարաւէն կոկորդը

ցամքած էր արդէն, լորձունքն անդամ քիմքին էր փակած : Կանդ առաւ պահ մը, իջաւ ձորամէջէն, ծոեցաւ գուլալ ու պաղ ջուրին վրայ ու կուշտ մը խմելով՝ յոդնած մարմինը զովացուց պահ մը : Զայն մը առաւ, փուչերու եւ տերեւներու խարշափում մը զգալի եղաւ իր մօտ, կասկած մը անցաւ սրտէն, — թուրքերն են արդեօք որ զիս կը հետապնդէն : Ոտքի ելաւ, նայեցաւ չորս կողմը, նոյն պահուն միայն յիշեց որ Արութ Արարն ըլլալու էր :

— Վախցա՞ր, Վարդան, նկատել տուաւ Արութ Արար անոյշ ժպիտով մը :

— Ոչ թէ վախցայ, այլ կասկածեցայ թուրքերէն, որ չըլլայ թէ զիս հետապնդէն : Բայց ինչո՞ւ կ'ուշանայ թէշիտ պէկը :

— Ո՛ւր որ ալ ըլլայ, անպատճառ պիտի գայ այսօր, Արութ Արար, անոր մահուան վայրկեանը եկած է այլ եւս : Ա՛խ չես դիտեր թէ որքա՞ն տառապեցայ, անքուն զիշերներ լուսցուցի այն օրէն ի վեր, երբ իմացայ որ այդ հրէն է եղեր հօրս մահուան պատճառը, իսկ հիմա ես պիտի ըլլամ անոր հոգէառ հրեշտակը :

— Սո՞ւս, ոտքի ձայն կուգայ, ընդհատեց Արութ Արար :

Արութ Արար իջաւ ձորին մէջ ու թազնուեցաւ աննրշմարելի տեղ մը :

Վարդան մօտեցաւ ճամբու եղերքին ու պատրաստ՝ զիրք բռնեց : Զիաւորը հանդարտ, աներկիւղ կուգար եւ ոչ մէկ կասկած կ'անցնէր սիրտէն, ընդհակառակն կ'ուղէր աւելի կամաց ու յամեցող քայլերով երթալ, վայելելու համար երեկոյեան զով ու անոյշ կենսապարդեւ օղը :

— էֆէնտի, նկատել տուաւ Վարդան, — վայրկեան մը եթէ կարելի է, ու աճապարեց ձիաւորին առջեւ անցնիլ, սակայն Ալի թէշիտ պէկ կուշելով իր գլխուն գալիքը, ուզեց ձին մտրակել եւ օձիքը աղատել հաւանականին : Նոյն պահուն քիչ մը վարը, Արութ Արարն էր որ մահութիթ զինքը կը պայթեցնէր : Զին խրտչելով ու վախնալով հրացանի ձայնէն, սկսաւ ետ դաւնալ, Ալի թէշիտ արդէն սարսափած ոչ մէկ միջոց ունէր փրկութեան : Զին ուզեց բլուրն ի վեր ելլել, Վարդան հասաւ իսկոյն ու խոյանալով պէկին վրայ դաշոյնի առաջին հարուածը իջեցուց անոր աղդրին : Վերաւորը վար ինկաւ : Զին սկսաւ վախչիլ : Արութ Արար հետապնդեց ու բռնեց : Վարդանն եմ ես, գուաց Վարդան դաշոյնը թէշիտի կուրծքին ուղղելով, ճանչցի՛ր, քու ծառագ:

Արութ Արար հասաւ ծերացած առիւծի նման ու ձայն տուաւ իրուստաբար .

— Հէ՛, կը յիշես, չէ, մահուան ձորը, երբ մեզ կարգաւ շարած հրացանազարկ ընելու որոշում կուտայիր : Ահա այն շղթայակապ մարդուն տղան, Վարդանն է, որ իր հօրը վրէշը կը լուծէ …

Ու գաշոյնի հարուածները իրարու վրայ անոր սիրտին խրելով Վարդան, զայն տապալեց գետին դիտաւաստ :

— Արութ Արար, վարքքդ կատար, — խօսեցաւ Վարդան գաշոյնի վրայի արիւնը լիզելով :

Արութ Արար համբուլելով Վարդանի ճակատը, ըստաւ .

— Քանի քեզի պէս հայորդիներ ունի այս աղդը, չի մեռնիր :

Լեհին Գեղուինի



ՄԱՄԲՐԵ ՏԵՐ ՊԵՏՐՈՍԵԱՆ

Գիւղացիի գաւակ, բայց ծնած է 1904ին, Արարկիր,  
ուր ստացած է իր նախնական կրթութիւնը:

Տարագրութեան ժամանակ ազատուելով մահուան  
միքաններէն՝ կը մտնէ ծառայութեան Թուրքերու քով,

հինգ տարի: Արտագաղթի տարին կը հասնի Ֆրանսա:  
«Յառաջ» կ ծանօթացած է 1926 թուականներուն: Եւ  
առաջին առքիւ տուած է պատկերներ գիւղական կեան-  
ֆէ: Աշխատակցած է նաև «Մեղու» երգիծաքերքին  
Մէրինա ծածկանումով :

Ունի երկու վեպեր «Լերան Տղան» եւ «Յեղափոխա-  
կանները» :

Լուսանկարիչ է: Կ'ապրի Լիոն :

« ՈՒՄԻՇԻ ԳԵՂԻՆ ԵՍ ԱՂՋԻԿ ԶԵՄ ՏԱՐ »

(Պատմուածք)

Այդ օր մեր մամիկ Եղսա քուրուկը, քաղքէն նոր գնած կապոյտ գոզնոցը, մէջքին էր կապած, նա այն - պէս ուրախ, եւ աշխատասէր առաւօտ կանուխ, բոլորէն առաջ ոտքի էր կանգնած :

Հաւերն ալ կարծես խօսքը մէկ ըրած, մեծով պըդտիով - աքաղաղներով, Եղսա մամիկին շուրջն էին պատած :

Նա այնպէս սրտնեղ այնպէս բարկացոտ, երեւոյթ կ'առնէր երբ որ հաւերը, ասանկ իր շուրջը կը կրկոացին :

— Բարեւ քեղ Եղսա, բարեւ աղջի դուն, գետին մտնալիք, դու քնանալը, հանդստութիւնը բնաւ չե՞ս գիտեր, օրուան ո՞ր ժամուն օրուան ո՞ր պահուն, որ քեղ հանդիպիմ անպայման գործով, մ'զբաղած կ'ըլլաս : Զայնեց դիմացի ու իր դրացի մէկ պատուհանէն, խաթուն Մաննիկը :

Եղսա մամիկը ձայն ձուն չի հանեց, կոնակը դարձուց, որպէս թէ երեն ուղղուած չ'ըլլային Մաննիկ խաթունին ըսած խօսքերը, գնաց ծուցաւ գետինէն վեր - ցուց ինկած աւելը, եւ աճապարող երեւոյթով մը սկսաւ աւել, մաքրել ու կարգի դնել ամէն ինչ :

— Քեզի է խօսքս, քեզի է քեզի, չորնալիք կնիկ, ինծի պէս տարիքդ առած ու նստած, Աշխարհի գործը

(\*) Այս պատմուածքը ծայրէ ի ծայր կագմուած է իինք իինք վանկերու չափաբերութեամբ մը :

դո՞ւն պիտ' հատցնես, որ դու գիշերը ցորեկին խառ - նած, առանց զագարի առանց հանգիստի կ'ուզես աշ - խատիլ, ոչ դուն ոչ ալ ես կրնանք հատցնել Աշխարհի գործը :

Եղսա մամիկը ութուն հատ գարուն տեսած անցուցած, իր համեստ խոնարհ հասկացողութեամբ կեանքի մէջ եփուած, չարըն ու բարին տեսած անցուցած, աղին ու լեղին քամած կնիկ էր, եւ ունէր յաղթ կազմ, եռանդ ժրութիւն, եւ աշխատանքի մեծ աշխուժութիւն, ան - գործ ու անհոգ նստիլ չէր դիտեր, կ'ուզէր աշխատիւ, կ'ուզէր գործով մը ժամանակ վատնել :

Մաննիկ խաթունը անվերջ կը խօսէր, ու նեղացուցիչ հարցում խօսքերու տարագներու տակ, կ'ուզէր մամիկին միտքը քրքրել ու բարկացնել :

— Հա Եղսա Եղսա, չորնալիք Եղսա, գետինին տակը անցնիս դու կնիկ, քիչ մը հանդիստ առ, կեցիր ու շունչ առ :

Եղսա մամիկը գլուխը դարձուց, ճերմակ մազերը խառըն ու խոխւ երեսին թափուած, սրտնեղ նայուածք մը ուղղեց Մաննիկին, ու բարկանալով սկսաւ խօսիլ :

— Բա Մաննիկ դուն ալ ատեն կ'ըլլայ որ, ժամեր օրերով բերան չես բանար, երեմն ալ ասանկ սրտի նեղութեան մէկ պարագայիս, անզործ ու անհոգ նստած տունիդ մէջ, կ'ուզես իմ ըրած գործս խանգարել, քիչ մը պապանձիր, չըլլալիք քեզի, դոցէ չորնալիք աղտոտ բերանդ :

Երկու դրացի եւ մէկ տարիքի մեր մամիկները ի - բարու առանց վիշտ պատճառելու շատ անգամ նման անմեղ խօսքերով կը կատակէին :

Օրը կիրակի եւ Համբարձումի տօնը ըլլալուն Եղսա

մամիկը կուզէր ամէն ինչ կարդի մէջ դնել, դեռ շա՛տ շա՛տ գործեր ունէր ընելիք։ Արեւը չելած գործին մեծ մասը պէտք է կատարուէր։ Կը դառնար արագ տունին չորս կողմը, աջին թէ ձախին գործ մը կը տեսնէր, գործ մը կը դանէր։

Այդ պահուն յանկարծ եկեղեցիի զանգակի ձայնը հասաւ ականջին, տա՛նկ տա՛նկ տա՛նկ տա՛նկ, կը հնչէր անվերջ խօլ հնչիւններով։

Մամիկը քունէն արթնցողի պէս շուտ ուշքի եկաւ, քակեց գոգնոցը, ցան ցրիւ եկած մազերը շտկեց ու խաչակիքեց, կօշիներն արագ կերպով մը հաղաւ, ու տունէն շտապ կերպով դուրս դալով, եկեղեցիի ոլոր ու մոլոր ճամբու երկայնքէն սկսաւ քալել, Սուրբ Պատարագի պահերէն առաջ եկեղեցիի դուռէն ներս մտած պէտք էր ըլլար նա, առանց աղօթքի եւ պատարագի չէր կարող մնալ, ջերմ եւ եռանդուն հաւատացեալ էր։

Մամիկը ունէր թոռնիկ մը սիրուն, տարիքը գարուն, շատ մելամաղձոտ աղջիկ մըն էր նա, հասակը միջակ, քալուածքը արագ, ու ճորճրալէն, վարդապոյն կարմիր գոգնոցը մէջքին, թախիծ աչքերով մամիկին քովը գնաց կանդ առաւ։

Եղսա մամիկը եկեղեցիէն նոր վերադարձած, թոռնիկին տիսուր ձեւը տեսնելով շատ այլայլեցաւ։ Հարցումներ անվերջ։

— Ի՞նչ ունիս ըսէ, աղջիկս ըսէ, մամիկդ քեղի թող մատաղ ըլլայ, իմ հոգուս տունը, ի՞նչ ունիս ի՞նչ ի՞նչ։

Գեղանի թոռը գլուխը ծոեց կաս կարմիր կտրած, երկու աչքերը թրջեցան յանկարծ։

— Խօսէ իմ ձագս, խօսէ ես քեղի թող մատաղ ըլլ —

լամ, ի՞նչ ցաւ հոգ ունիս, ըսաւ սրտնեղած ոտքի ելել-լով։ Մօտեցաւ քովը, աչքերէն վաղող արցունքը սրբեց ու նորէն հարցուց։

— Ինչո՞ւ տօն օրով այսպէս տիսուր ես։

Մինչեւ այդ պահուն աչքերը գետին որոշ կէտի մը յառած կը սպասէր, կամաց մը վերցուց ու պաղատա - դին եղանակով մը մեծ մօր նայելով։

— Մայրիկս այսօր ըսաւ որ քիչ մը հագուիմ զարդարուիմ, դրացի գիւղէն հիւր պիտ' գայ եղեր ...

— Դիմացի գիւղէն հիւր պիտ' գայ եղեր, կրկնեց մամիկը։

— Ըսաւ որ այսօր եկող հիւրերը ուրիշ տեսակ են..

— Հա՛ հա՛ հա՛ հա՛, կեղծ ժպիտով մը խնդաց մամիկը. «Ես գիտեմ զիտեմ, անցեալ օր ինծի բաներ մը ըսին, ըսին թէ տղան տուն, տեղ, գործ կալուած շատ ունի եղեր, հարուստ է եղեր. չեմ զիտեր հայր մայր, քոյր եւ եղբայրներ եւ աղղականներ շատ ունի եղեր։ Այսօր լսեցի գացի ուրիշ տեղ հարց ու փորձ ըրի, աղջիկս ես քեզ այդ տղուն չեմ տար. շատ անկիրթ անխելք տղայ մըն է եղեր, անոնց դրամն ալ, տուն տեղերնին ալ գլուխնին անցնի, ես քեզ ուրիշի գեղին չեմ ի տար։

Եղսա մամիկը մի թոռնիկ ունէր, միայն մէկ հատիկ — մէկ աղջիկ զաւակ։ Հաղար մէկ տեսակ գուրզուրանքներով ու նազանքներով նա այդ տարիքին բերած հասցուցած, հիմա իւնթեցա՞ւ որ այլպէս անխելք ու անկիրթ տղու իր աղջիկը տար։

Աղջիկ ուզելու լուրը գրեթէ ամէն կողմ լսուած. տարածայնուած, եւ օրուան միակ խօսքի նիւթ դարձած, ամէն ոք իրեն խելքին համեմատ կարծիք կը յայտնէր։

Աղջիկը կուտան։ Չեմ կարծեր որ տան։

Աղջիկը չառներ . ոմանք ալ՝ սիրով կ'առնէ կ'ըսէին =  
Հայրը եւ մայրը խօսք տալէ վերջը աղջիկին խօսքը  
ի՞նչ արժէք ունի :

Հապա Տիրա՞նը , ի՞նչ պիտի ըսէ . ի՞նչ պիտի ընէ :  
Թէ քաջ տղայ է աղջիկը կ'առնէ ու տեղ մը կ'երթայ :

Զէ այդպէս չըլլար , վերջապէս գեղի աղջիկ տղայ  
են , ուրիշ բան խորհինք , ըսին իրարու քով քով հաւաք-  
ուած քանի մը տղայ , որոնք Տիրանի ընկերներն էին :

— ի՞նչ կրնանք ընել , հարցուց իրենցմէ մէկը միւ-  
սին :

— Ինչ կրնանք ընե՞լ , ծօ՛ եթէ մենք կամք ու խօսք-  
մէկ ընենք , մէնք այդ աղջիկը ուրիշ տեղ չենք տար :  
Թող երթան ուրիշ գեղերէ աղջիկ փնտուեն առնեն :

Տղաքը բոլոր խորհրդակցեցան . կէսօրուան համար-  
ժամադրուեցան , եւ եռանդադին գործի լծուեցան :

Մինչ միւս կողմէ օրուան հիւրերը եկած ու բաղ-  
մած էին մեր Եղսա մամիկենց տունը . պատշաճ խօսքե-  
րով ջերմիկ մթնոլորտ մըն ալ ստեղծած :

Կարապետ աղա , այս էր աղջկան հօրը անունը ,  
կանչած էր իր մօտ ազգականները բարեկամներն ու դը-  
րացիները : Գիւղի քահանան բազմած սենեակի վերի-  
անկիւնը , աջին ու ձախին տեղ էին բոնած դրացի գիւղի  
ինամիները , վերջապէս գիւղի բոլոր աչքառու ճանչ -  
ցուած մարդիկ :

Օդին ու գինին , զանազան տեսակ աղանդեր անվերջ  
շրջան կ'ընէին մէկէն միւսը : Հատ մըն ալ , հատ մը ,  
դաւաթներն անվերջ իրարու կենաց կը պարպուէին :

Կարապետ աղա մանուկ տղու ոկէս կատակներ կ'ը-  
նէր բոլորին հետը . կը խնդար մէկին . ու ձեռքի անմեղ-  
շարժումներ կ'ընէր երբ յանկարծակի դառնար միւսին ,

մէկ աղջիկ ունէր որ այդ օրն ահա պիտի նշանէր , այդ  
օրը եթէ ինք ուրախ չըլլար հապա ո՞վ ըլլար :

Եղսա մամիկը ուրիշ սենեակ մը , թոռնիկը քովը  
առած կը խօսէր , խրատներ կուտար , կ'ըսէր , — աղջի-  
կըս , բնաւ չը վախնաս , բնաւ չը քաշուիս , երբ քեզի  
կանչեն եւ նշանտուքի մատնին տալ ուղեն , չեմ առներ  
ըսէ , չեմ ուղեր ըսէ , հեռացիր շուտ մը սենեակէն ելիր :

Մամիկը անվերջ այսպէս խրատներ տալու վրայ  
էր , երբ մէկէն յանկարծ դուռը բացուեցաւ . եւ դրան  
չէմքին , ժպիտը շրթին , Կարապետ աղա մէկէն երեւ-  
ցաւ :

Մամիկն աչքերը թոռնիկին ուղղած անյայտ ակ -  
նարկով քաջութեան վերջին ճիդ մը տալ փորձեց . մինչ  
այս վերջինը դեղնած ու վախկոտ երեւոյթով մը կար -  
ծես կը դողար :

Կարապետ աղա խրոխտ ձայնով մը սկսաւ խօսիլ :

— Եկուր աղջիկս , եկուր քեղ տեսնեմ , մեղ համար  
այսօր ուրախանալու , զուարձանալու , խնդալու  
օր մըն է , եկուր , եկուր վեր երթանք . սենեակը ամբողջ  
բարեկամներով ազգականներով լեցուած եւ ուրախ քե-  
զի կը սպասեն . . .

Փաղաքչական այս բառերէն վերջ Հայրը աղջկան  
քովը կանդնելով , մեղմ ժպիտով մը սկսաւ անոր գլուխը  
շոյել :

Մամիկը ինքնին սենեակին շուրջը քանի մը շրջան  
ըրաւ ու կեցաւ , շուրաբած էր ան , ի՞նչ էր ըրածը ինքն  
ալ չէր գիտեր :

Մինչ Հայրը աղջկան թեւը մտնելով , դանդաղ քայ-  
լերով առաւ ու քովի սենեակը տարաւ , պատուիրեց  
նոյն մեղմ խաղաղ ժպիտով սուրճի , օղիի սպասար —

կութեան ու եւ է պահուն ուրախ ձեւանալ հիւրերուն  
առջեւ :

— Աղջիկս, տղան տուն տեղ եւ հասակ, չէնքով  
չնորհքով մեծցած տղայ է, ատոր պէս տղուն հետ ապ-  
րող աղջիկ, բախտաւոր կ'ըլլայ, երջանիկ կ'ըլլայ :

— Զէ հայրիկ չէ՛ չէ՛ ես այդպէս տղայ չեմ ուզեր  
առնել, ոչ սենեակ կուգամ, ոչ նշանտուքի մատանին  
կ'ուզեմ, ըստ աղջիկը քիչ մը երկչուած :

— Ի՞նչ, ըստ հայրը բարկացոտ կերպով, իս՞նթ  
ես թէ յիմար, դուն այդպէս դիրքով, չէնքով չնորհքով  
տղայ ես դտեր դեռ խօ՞սք ալ կ'ընես :

— Զէ՛ չէ՛ չեմ ուզեր :

— Սո՛ւս, պոռաց վրան, դէմքով մը դաժան : Ես եմ  
այս տունին տէր տիրականը ու զեկալարը, իմ խօսքս  
խօսք է, քեզ այդ տղուն ես յարմար եմ տեսած, լմըն-  
շաւ գնաց, ուրիշ ոչ մէկ խօսք :

Եղաս մամիկը դուռը կամաց մը բացաւ ներս մտաւ,  
ու տղուն կողմը դառնալով ըստ :

— Ես իմ աղջիկս ուրիշ տեղ չեմ տար, ուրիշ գեղ  
չեմ տար, եթէ հարուստ են թող հարուստի ալ աղջիկ  
փնտեն, ուրիշի զեղին ես աղջիկ չեմ տար, ես աղջիկ  
չեմ տար :

— Այսպէս գործերու խելքով չի հասնիր, ըստ կա-  
րապետ աղա իր մօրը, անոնք մեզի պէս ընտանիքէ դան  
եւ աղջիկ ուզեն, ու մենք ալ չը տա՞նք, երբ նշանելու  
ես հաւանութիւն եւ խօսք եմ տուեր, իմ խօսքս ալ խօսք  
է ...

Մօր եւ տղու մէջ բանվէճ մը մեծ ծայր տուաւ յան-  
կարծ :

— Աղջիկը իմս է, ես կը խառնուիմ :

— Ես եմ մեծցուցեր ու հոգը տարեր, եթէ դուն  
հայրն ես, ես ալ մեծ մայրն եմ, ես իմ աղջիկս ուրիշ  
դեղ չեմ տար :

— Հիմա կը տեսնենք թէ աղջիկ տալը եւ կամ չը  
տալը իմ կամքէ՞ն թէ քու կամքէն կախեալ է :

Ու յանկարծ աղջկան կողմը դառնալով կէս սպառ-  
նական ձեւով հրամայեց իրեն հետեւիլ :

Աղջիկը լուռ մունչ ու գլուխը կախ հնազանդեցաւ:  
Ելան սանդուխի աստիճաններէն կամաց կամաց վեր,  
մտան սենեակ մը: Կարապետ աղա փորձեց աղջկան  
դէթ վերջին անդամ կամքը հասկնալ, ու զայն իրատել  
կամ իրախուսել :

— Դուն այդ մեծ մօրդ ականջ մի կախեր, ան իր  
տարիքը առած ու նստած, ոչ չարը գիտէ եւ ոչ ալ բա-  
րին, ես քեզի համար կը կարծե՞ս որ չար բաներ կամե-  
նամ :

Աղջիկն այդ պահուն մռայլ դէմք մ'առած գլուխն  
էր կախած, սկսաւ խորհիլ, յայտնի էր որ ան հոգեկան  
ծանր տագնապի մէջ էր :

Չպատասխանեց, երեսը դարձուց, աչքերէն վա-  
զող արցունքը սրբեց: Կարծես այդ պահուն Տիրանը դէ-  
մը ստուերի նման եկած կանգ առած, ձեռքը երկարած  
իրեն կը կանչէր :

Կարապետ աղա ձեռքը պեխերուն՝ ժպիտով մը ու-  
րախ սենեակը մտաւ, եւ հիւրերուն քով տեղը գրաւեց:

Ներկաներուն մէջ ամէնէն զուարթ, կատակախօսը  
դիւղի ալեւոր ծեր քահանան էր, ան ունէր երկայն մօ-  
րուք մը ծերմակ, մաքուր յարդարուած, որ իր մեծ  
դէմքին ու լայն ճակատին ազդեցիկ մէկու ձեւ մըն էր  
տուած :

Աչքերը մէկէն ուրախութենէն քիչ մը խոշորցան , ժպիտ մը ինկաւ չրթներուն վրայ երբ դրան վրայ տունի աղջկան մուտքը նշմարեց : Ու հազ մը կեղծեց , ոտքերը ծալլեց ու նստած տեղէն քիչ մը շարժուելով իր ձեւը փոխեց :

Ներկայ գտնուող հանդիսականներ անվերջ ակ-նարկներ ուղղեցին դէպի աղջկան կողմը :

Աղջիկը կարմիր ճերմակ դոյն փոխեց , սարսուռով մը ամբողջ մարմինը դողաց , ու կեցած տեղը մնաց քա-րացած : Զեռքը բոնած էր պնակ մը խոշոր , գաւաթներ աղուոր կարգով շարած էր պնակին վրայ , որոնց մէջը միք քանի մը տեսակ լեցուած ըմպելիք : Մէկ կամ եր-կու քայլ հազիւ թէ նետած , սենեակը ամբողջ բնակիչ-ներով , կարասիներով , ու չորս պատերը կարծես սկսան շուրջը պարպարել , հաւաքեց ոյժն ու յիշողութիւնը որ-քան որ կրնար , վերջին ճիգ մ'ըրաւ ինքինք գտնել եւ սթափիլ , բայց չկարողացաւ , հազիւ թէ քայլը դէպ ա-ռաջ նետած , գլորեցաւ ցած , մարմինով ամբողջ գետինն էր փոռւած :

Ամէն ոք ոտքի վրայ էր կեցած : Ի՞նչ եղաւ յան - կարծ , իրարու այսպէս կը հարցնէին բոլորն զարմա - ցած :

Բան չը կայ , չը կայ , ըսելով ելաւ առաջ նետուե - ցաւ դիւղի քահանան , աղջիկը պառկած տեղէն վեր վերցուց , ու հօրն օդնութեամբ առաւ ու տարաւ քովի սենեակը :

— Շուտ - չուտ քիչ մը ջուր :

Նախազգացումը մամիկին կարծես բան մը ըստ ըլլար , արագ քայլերով դէպի վեր վաղեց , տեսաւ թոռ-

նուհին ամբողջ հասակով գետին երկարած : Նա նուա-ղած էր :

— Հաւնեցա՞ր հիմա ըրած թողածիդ , պոռաց մա-միկը դառնալով տղուն , ու լալահառաչ խոյացաւ վրան , վերցուց գետինէն ու բազուկներուն մէջը առնելով ան-կիւն մը նստաւ :

Սենեակն հաւաքուող օրուան հիւրերը իրարու ան-վերջ հարցումներ խօսքեր : Ի՞նչ եղաւ ի՞նչ ի՞նչ , աղջը-կան այսպէս :

Վախնալու ի՞նչ կայ , բնաւ բան չկայ , ըսաւ քա - հանան , ձեռքը մօրուքին , ժպիտը չրթին , երբ դանդա-զօրէն դուռին , ներս մտաւ :

Ասանկ փորձանքներ , է՛հ մարդկութիւն է . վաղն ալ թերեւս ինծի ու քեզի կրնան պատահիլ , աղջկան յան-կարծ դլուխն է դարձեր ...



Այդ օրէն ի վեր մօտաւրապէս չորս կամ հինգ ա-միս սահեր անցեր էր , կարապետ աղա առանց իր աղ-ջկան , առանց իր մօրը վերջին խօսքն առած , կատա - րած էր իր տուած խոստումը : Իմ խօսք խօսք է , երբ որ խօսք տուի լմնցաւ գնաց : Այսպէս էր ըսած ան ժա-մանակին :

Ինամիները ամէն կիրակի , անոյշ խօսքերով , աղ-ուոր գեղեցիկ ծրագիրներով այցելութիւններ , եւ հար-սանեկան պատրաստութեան խօսքեր կ'ընէին , է՛հ — մօտ է , մօտ է — Զատիկէն վերջը Տէրն ողորմած է ...

Ինամիներու մեկնումէն վերջը կարապետ աղա կարծես կիսով մը գինովցած ըլլար , կը ինդար աղ -

ջկան մօրը եւ կնկան, կեղծ կատակներով կ'ուզէր մա-  
նաւանդ աղջկան կոտրած սիրով գրաւել:

Իսկ այս վերջինը ամէն անդամին տրտում ու տը-  
խուր, օրէ օր վրան նիհարութիւն մը երեւան կուգար:

Երիտասրդէ է, սիրահրուած է իր նշանածին՝ կը  
կարձէր հայրը, ու բան չէր ըսեր:

Եկաւ Զատիկը. Զատիկէն վերջը ամիս մ'ալ ան-  
ցաւ, գարնան լաւ օրեր, եւ կանանչութիւն, եւ ծաղիկ  
արեւ:

Եւ այդ օրերուն խնամիները մեծ հարսանեկան  
պատրաստութեան մէջ էին ինկած, օր, ժամ որոշած,  
եւ ամէն չորս կողմ հրաւէր ուղղած:

Կարապետ աղա կ'ուզէր աղջկան հարսնիքը ընել  
չառ վայել կերպով, մէկ աղջիկ ունէր, պէտք էր այդ  
օրը ապրէր վայելէր, քէֆ ընէր, քէ՛ֆ քէ՛ֆ:

×

Տիրանի հանդէպ անկեղծ համարուող տղաքը բո-  
ւոր, թիւով չորս հոգի, հարսնիքի տօնէն երկու օր ա-  
ռաջ մէկ տեղ հաւաքուած կը խօսակցէին: Տիրանը սի-  
կար սիկարի վրայ կը ծխէր անվերջ ու ջղայնացած ե-  
րեւոյթով մը ման կուգար չորս դին իր ընկերներուն:

— Ծօ՛, գուք այս գործը ինծի ձգեցէք, ամէն ինչ  
խօսուած պատրաստուած, ամէն բան կարդին ու կանո-  
նին է, ուրիշ ճար չկայ, աղջիկը պէտք է փախցնենք  
տանինք:

— Պէտք է փախցնենք, ձայն տուին յանկարծ բոլո-  
րը մէկէն :

Եւ այդ երեկոյ բոլորը մէկտեղ գացին ու զեւզին

բաւական տարէց կնոջ մը դուռը դարկին ներս մտան:

— Բարեւ քեղ իննէ.

— Աստծու բարին, պատասխանեց նա քիչ մը դար-  
մացած. խէր ըլլայ տղաք, ի՞նչ կայ, ի՞նչ, ըսաւ:

— իննէ, եկեր ենք գործի մը համար .

— Եթէ իմ ձեռքէս գալիք գործ մըն է, պէտք եղա-  
ծը ես, ձեղ չեմ ինայեր:

— Եկուր սանկ նստէ, ըսաւ տղոցմէն մէկը մամի -  
կին թեւը մտնելով :

Ու բոլորը մէկ քովի նստան բոլորակ կազմած  
քիչ մըն ալ սեղմուած :

— Տէ՛ ըսէք տեսնամ:

— իննէ, պիտի երթաս Նտոյենք տունը.

— Նտոյենց տո՞նը:

— Հա պիտի երթաս Նտոյենց տունը:

— Նտոյենց տունը այս շարաթներուն Սողոմո՞Գոմո՞րի  
տեսարանին պէս մտնող ելլողին հաշիւը չկայ. գոր-  
ծերնին ամբողջ իրար խառնուած, տուներնին տակն ու  
վրայ է եղած:

— Ատոնց նայելու ժամանակը չէ, դուն պիտի եր-  
թաս ու պիտի գտնաս Եղսա քուրուկը, ու պիտի տանիս  
անկիւն մ'առանձին ու խօսիս հետը:

— Ի՞նչ պիտի խօսիմ:

— Գիտես որ անոնց տունը մէկ երկու օրէն հարս-  
նիք կայ :

— Ատանկ հարսնիքը գետինն վար անցնի:

— Ի՞նչ բանի համար այդպէս կը խօսիս :

— Խօսքը մէջերնիս, անանկ լսեցի որ այդ աղջիկը  
տղան չի սիրեր եւ չուզեր եղեր, ատոր ըլլալիք հայրը

կը տեսնա՞ս, աղջկան տեղը որ ևս ըլլայի ինչեր կ'ընէի :  
 — Ինչ պիտ' ընէիր :  
 — Ինչ պիտ ընէի՞ , գլուխս առնելով տեղ մը կ'երթայի :  
 Բոլորը մէկտեղ խնդալ սկսան :  
 — Գանք մեր խնդիրին, Եղասյին քովը երթամ ի՞նչ ըսեմ :  
 — Եղաս քուրուկը անկիւն մը առած խօսքի կը բունես կը խօսիս հանդարտ պազարիւն ձեւով, մինչեւ որ աչքը թոռան հանդիպի, միջոց մը խորհէ , իրեն հասկցուր ու այս ծալլուած թուղթին կտորը կամաց մ'իրեն տուր :  
 — Ի՞նչ կայ թուղթին մէջ :  
 — Թուղթին մէջ գաղտնի աղուոր գործեր կան :  
 Գաղտնի եւ աղուոր գործեր թուղթին մէջ...  
 Մամիկը քիչ մը խորհիլ սկսաւ ժպտերես ձեւով :  
 — Էննէ մենք քեզի հետ բացէն խօսինք, մենք այդ աղջիկը ուրիշ գեղ չենք տար :  
 — Հը՛ , այլպէս ըսէք, ուրեմն ձեղմէ մէկն աղջկան վրան ա՞չք ունի, ըսաւ խնդարով :  
 — Հա՛ էննէ, զործը գուն մեղի ձգէ ...  
 Երեկոյ եղած մութը կոխած էր : Մամիկը իրեն տրուած պաշտօնը գլուխ հանելու տենչով մը տարուած, շտապով զնաց Եղաս քուրուկենց դուռէն ներս մտաւ :  
 Սահեցաւ ժամ մը . ժամն եղաւ երկուք : Քիչ մը աւելի :

Անորոշութեան ու անձկութեան այդ պահերուն մէջ յանկարծ մամիկը քիչ մը խնդարով չեմէն ներս անցաւ :  
 Տղաքը ոտքի ելան կանդնեցան բոլորը մէկէն . բուրի դէմքին բուռն նշաններ անհամբերութեան :

— Գործերնիդ կարգի կանոնի մէջ է, յարեց մամիկը . մինչեւ որ թուղթը աղջկան տուի հոգիս բերանէս եկաւ դուրս ելաւ : Ուրախութիւնը չափ սահման չունէր, զիս ճամբեց մինչեւ փողոցի դուռը, ու ժպտումերես ետ վերադարձաւ :

Կեցցէ՛ մամիկը, կեցցէ՛ մեր էննէն, տղաքը այսպէս մէկէն պոռացին ուրախութեան մեծ յորդ պոռթկումով մը :

Առաւօտ եղաւ : Սարի կատարէն արեւն յաղթական եր մուտքը գործեց ու լոյսը փոեց աշխարհի վրայ : Եւ առաւօտեան ծագող լոյսին հետ յանկարծ շշուկ մը բուրի բերնին :

— Նտոյենց թոռը վախեր գացեր է : Որո՞ւ հետ, ո՞րո՞ւ : Ալ կը հարցնե՞մ ... Ս

Հարսնիքի համար եկող հիւրերը ոմանք ապշեցան, ոմանք ալ կերպով մը ջղայնացան :

Ըլլալի՞ք բան է , ի՞նչ ամօթալի խայտառակութիւն... լուրը երթալով ծաւալ ստացաւ : Ու պատմութիւններ զանազան տեսակ : Ոմանք կ'ըսէին չատ լւէ է ըրեր . ոմանք հակառակ կարծիք ունէին : Ներկաներուն մէջ եթէ ամէնէն ուրախ մէկը կար , ան ալ մեզ ծանօթ եղսա քուրուկն էր...

Անցաւ տարի մը . քիչ մ'ալ աւելի , եւ ի՞նչքան ալ չուտ : Կարապետ աղա մեծ հայր էր եղած , բարեկամներու ու ծանօթներու խնդրանքներուն ալ տեղի տալով հաշտուած էր աղջկան եւ Տիրանի հետ : Թոռնիկը առած թեւերուն վրայ վեր վեր կը նետէր . եւ զայն այս ձեւով անվերջ կը սիրէր : Սա որո՞ւ ձագն է ... Սա որո՞ւ խենթուկ աղուոր տղան է ...

ՄԱՐՏԻՐԻ Տէ՛ր ՊԵՏՐՈՍԵԱՆ

Imp. A. DER AGOPIAN  
17, Rue Damesme - Paris

ՆԻՒԹԵՐՈՒ ՑԱՆԿ

— • —

	Եջ
Շ. ՆԱՐԴՈՒՆԻ, Թուղթ ընծայութեան	5
ՏԻԳՐԱՆՈՒՀԻ	11
Եկո'ր, Սիրելիս	12
Ես ու դուն	14
Պտոյտ մը հայրենի լեռներու մէջ	21
ԾԱՏՈՒՐ ՊէՐՊէՐԵԱՆ	28
Հունաքը	30
Հայրենիք	34
Ազգին Զաւակը	35
ՆԱԶԵՆԻ	43
Դաշտերուն մէջ	44
Ծառ, նորէն քարքէ	45
Յոյս	46
Ահ. Գ. ՄԵՍՈՒՄԵՆՑ	48
Համանուագ	50
ՀԵՐՄԻՆԵ	56
Սարսափի օրերէն	57
Դրուագ մը մօտիկ անցեալէն	61
Անաստուածին	64
ԶԱՐՄԷՆ ՇԻՆԱԿԱՆ	65
Փոքրիկ հովուուին	67
Նորէն ծաղկեցաւ	77
Կարօտի կանչ	81

ԿԱՐՈ ՄԻՒԹԱՐ

Մամուապատ աղբիւրին հրաշքը	84
Գիւղի ձէն	90
Տօնական երգեր	95
Ս. ԸՆՏՐԻԿԵԱՆ	98
Լուսընկային սուզը, հայրենի առուակներ	100
Հօրս, Մանկուրիւն, Մայիսի կարմիր վարդեր,	
լուսնին հետ, լուսընկային հետ,	
ջնծութեան նիչեր	100 — 112
ԼԵՒՈՆ ԳԵՂՈՒՆԻ	114
Վրէժի ուխտաւորը	115
ՄԱՄԲՐԵ ՏԵՐ ՊԵՏՐՈՍԵԱՆ	128
«Ուրիշի գեղին ես աղջիկ չեմ տար»	130





ՀՀ Ազգային գրադարան



NL0381682

72-110

ԳԻՆ ՖՐԱՆՏ

Printed in France